

衷中參西錄第六期

卽志誠  
堂醫案

## 衷中參西錄六期書序

嘗思醫者濟世活人之實學也乃有半生學醫迨用之臨證之際徵諸實驗而仍毫無把握此無他醫者意也通變化裁之妙原運乎一心若不能審機觀變息息與病機相赴縱斷病皆本藥素用藥皆遵本經製方皆師仲景亦難隨手奏效也鹽山張壽甫先生素裕經猷本懷濟世深心而遭逢不偶遂一變方針託醫藥活人以償其濟世之初念是以所著衷中參西錄自一期以至五期醫界莫不奉爲金科玉律無待僕之表彰也今又著成志誠堂醫案爲六期所出之書其審病也洞見隔垣纖微悉徹其用藥也化裁因心措施咸宜故無論證之至危至險至奇至變一經診治莫不立起沈疴先生誠神明於醫者哉且自西法輸入以來中西醫士恆相齟齬而先生獨博採兼收舉中醫之理想西醫之實驗以互相發明凡醫理深奧之處莫不昭然盡揭如此匯通中西先生以前未有也是以醫學誌報有稱先生爲醫學革命家當爲醫學開新紀元者洵不誤也且先生書中常發明養生之理以輔醫藥所不逮僕素讀先生之書於所論養生之慮初未知注意也後因下焦常覺寒涼每服補助相火之品亦似有效而旬餘不服藥則寒涼依舊先生授以吸

升呼降之法（在二期敦復湯後）習之旬日頓覺下焦元陽壯旺始知凡經先生所發明者皆可令人遵行舉凡欲習醫者果能於先生之書熟讀深思又何患不得真門徑哉

通縣後學李重儒澗田敬序於津沽紫竹林學舍

題詞

活人事業本農黃學富五車醫更良考據精深追漢代詩歌典雅重三唐韓康手製壺中藥抱朴心裁肘後方著作等身參造化羣生普濟同慈航桓仁愚弟袁澗滋霖普敬題  
先生同姓是長沙作述當然爲一家仲景替人欣得見從今醫界增光華

東臺後學王錫光敬題

獨創奇方妙入神農軒事業不沈淪從今識得真門徑化雨春風惠我深

天津受教弟宋志良謹識

濟世經綸抱未伸安懷小試起疴沈良醫良相原無二書著活人字字春

獻縣受業宗弟煥文雲衢謹識

名著釀成萬古春中西合撰妙通神同胞沈疴憑公挽的是名醫第一人

武清受業趙伯驥雲卿謹識

心血結晶書等身名山著作起疴沈不朽事業留天地字字釀成萬古春

武清受業孫尙義雨亭謹識

合撰中西妙理傳名山書著活人篇風行寰海消災癘億萬蒼生躋大年

遼源受業王守信止孚謹識

醫學混淆頽廢年挺生國手挽狂瀾活人書著消災癘普濟羣生徧海寰

青縣受業張燕傑毅武謹識

醫國醫人理可通良醫良相本相同生平抱負託靈素立德立言更立功

瀋陽受業李春元子博謹識

費盡心神五十秋中西合撰幾研究瑤編字字皆珠玉普濟蒼黎徧九州

邑中受業孫藥榜香蓀謹識

醫界重開新紀年中西合撰費陶甄功堪救世功無量書可活人書自傳一掬慈心同旭照全憑國手挽狂瀾名山著作留終古普濟羣生造化參天津受業劉誠柱砥中謹識

例言

(壹)石膏爲硫養輕鈣化合宜生用不宜煨用生用其性涼而能散煨之則成洋灰卽爲鳩毒斷不可用是以案中石膏皆生用然又須防藥房以煨者僞充當細辨

(貳)赤石脂原爲陶土津沽藥房恆和以水燒成陶瓦以入丸散必傷脾胃故在津沽用此藥必須加生字然生石脂之名難登於書是以案中石脂皆生者而不便加生字也

(叁)杏仁之皮有毒桃仁之皮無故桃仁可帶皮用取其色紅能活血也然恐藥房以帶皮杏仁誤充故案中桃仁亦闕去皮若真知其爲桃仁帶皮用之更佳

(肆)廣虫卽土鱉曾見於名醫別錄津沽藥房竟分之爲二種若方中開廣虫皆以光背黑甲虫僞充必闕土鱉始與以真廣虫是以案中用廣虫皆闕土鱉虫

(伍)鮮小薊根最能止血治肺病而案中未用者因藥房無鮮小薊根也若至地鄰山野可自剖取鮮者加入肺病及吐血藥中若不識小薊者四期藥物講義曾詳言其形狀

(陸)凡案中所用大劑作數次服者用其方時亦必須按其服法方爲穩妥又宜切囑病家如法服藥不可疏忽病愈藥卽停服不必盡劑也

衷中參西錄第六期第一卷目錄

○○虛勞喘嗽門

虛勞陽亢陰虧證

虛勞兼勞碌過度 肺勞由伏氣化熱

虛勞兼外感實熱

勞熱欬嗽

肺勞喘嗽遺傳性 肺勞痰喘

肺勞喘嗽

肺勞喘嗽兼不寐

肺勞欬嗽吐血

肺病欬吐膿血

肺病欬吐痰血

○○氣病門

大氣下陷小便不禁

大氣下陷

大氣下陷身冷

大氣下陷兼消食

大氣下陷兼疝氣

衝氣上衝兼奔豚

胃氣不降

肝氣鬱兼胃氣不降

胃氣不降

○○血病門

吐血證

吐血證

衷中參西錄第六期第二卷

大便下血

大便下血

大便下血

大便下血

瘀血短氣

○○腦充血門

腦充血頭疼

腦充血頭疼

腦充血頭疼

腦充血兼腿痿弱

腦充血兼痰厥

腦充血兼偏枯

○腸胃病門

噎膈

反胃吐食

胃脘疼悶

冷積腹疼

腸結腹疼

腸結腹疼兼外感實熱

○頭部病

頭疼

眼疾

目病乾疼

牙疼

●肢體脉痛門

脇疼

脇疼兼胃口疼

腰疼

腿疼

○腫脹門

受風水腫

陰虛水腫

○黃疸門

黃疸兼外感

黃疸

黃疸

### 衷中參西錄第六期第三卷

痢疾門

痢疾轉腸潰瘍

痢疾

痢疾

痢疾

噤口痢

○二便病門

泄瀉兼發灼

小便白濁

小便因寒閉塞

○○不寐病

心虛不寐

不寐兼驚悸

○○痼瘕顛狂門

痼風兼腦充血

慢脾風

慢脾風

將成慢脾風

顛狂失心

神經錯亂

○○傷寒門

傷寒兼腦膜炎

傷寒脈閉

傷寒脈閉

少陰傷寒

傷寒兼有伏熱證

○○溫病門

溫病兼大氣下陷

溫病兼氣虛氣鬱

溫病兼吐瀉腿抽

溫病少陰證

溫病結胸

溫病結胸

溫病

風溫

風溫兼伏氣化熱

溫病兼痧疹

溫病兼勞力過度

溫病兼下痢

溫病兼腦膜炎

溫熱泄瀉

### 衷中參西錄第六期第四卷

溫病兼虛熱

溫病體虛

溫熱腹疼兼下痢

溫病兼下痢

暑溫兼泄瀉

溫病

溫病兼項後作疼

溫病兼脇疼

風溫兼喘促

秋溫兼伏氣化熱

溫熱兼嘔吐

溫病兼衄血便血



溫疹

溫疹兼喉痧

溫病兼喉痧痰喘 溫病兼喉痧

溫病兼陰虛

○○瘧疾門

瘧疾兼暑熱

瘧痢兼證

○○霍亂門

霍亂兼轉筋

霍亂吐瀉

霍亂脫證

霍亂暴脫

○○婦女科

懷妊受溫病

受妊嘔吐

懷妊受溫病兼痰喘

懷妊受溫病兼下痢

產後下血

產後手足抽掣

產後癥瘕

自閉成癥瘕

產後溫病

流產後滿悶

月閉兼溫疹醫急

處女經閉

血崩證

附載 種菊軒詩草

衷中參西錄第六期第一卷

虛勞喘嗽門

虛勞證陽亢陰虧

天津南門外陞安大街張媪年九十二歲得上焦煩熱病

因病平素身體康強所稟元陽獨旺是以能享高年至八旬後陰分浸衰陽分偏盛胸間恆

覺煩熱延醫服藥多用滋陰之品始愈迨至年過九旬陰愈衰而陽愈亢仲春陽氣發生煩熱舊病反覆甚劇其喆嗣馨山君原任哈爾濱稅捐局局長因慈親年高於民紀十年辭差歸侍溫清見愚所著衷中參西錄深相推許延爲診視

候帶胸中煩熱異常劇時若屋中莫能容恆至堂中當戶久坐以翕收庭中空氣有時覺心

爲熱迫怔忡不寧大便乾燥四五日一行甚或服藥始通其脈左右皆弦硬間現結脈至數如常

斷診卽此證脈細參純係陽分偏盛陰分不足之象然所以享此大年實賴元陽充此時陽雖偏盛當大滋真陰以潛其陽實不可以苦寒瀉之至脈有結象高年者雖在所不忌



而究係氣分有不足之處宜以大滋真陰之藥為主而少加補氣之品以調其脈

方處 生懷山藥兩壹 玄參兩壹 熟懷地黃兩壹 熱懷地黃兩壹 天冬兩壹

大甘枸杞兩壹 生杭芍兩伍 野臺參兩壹 赭石陸錢 生鷄內金貳錢黃色的搗

甘草貳錢 共煎三天鍾為一日之量徐徐分多次溫飲下

解方 方中之義重用涼潤之品以滋真陰少用野臺三錢以調其脈猶恐參性溫升不宜於

上焦之煩熱又倍用用赭石以引之下行且此證原艱於大便赭石又能降胃氣以通

大便也用鷄內金者欲其助胃氣以運化藥力也用甘草者以其能緩脈象之弦硬且

以調和諸涼藥之性也

果效 每日服藥一劑至三劑煩熱大減脈已不結且較前柔和遂將方中玄參生地黃皆改

用六錢又加龍眼肉五錢連服五劑諸病皆愈

虛勞兼勞碌過度

天津特別一區甯氏婦年近四旬素病虛勞偶因勞碌過甚益增劇

因病處不順家務勞心飲食減少寢成虛勞已病到臥懶起床矣又因有訟事強境公堂對

質勞苦半日歸家病大加劇

候醒

臥床閉目昏昏似睡呼之眼微開不發言語有若能言而甚懶於言者其面色似有浮

熱身間溫度三十八度八分間其心中發熱乎覺怔忡乎皆頷之其左脈浮而弦硬右

脈浮而乳皆不任重按一息六至兩日之間惟少飲米湯大便數日未行小便亦甚短

少

診斷

卽其脈之左弦右乳且又浮數無根知係氣血虧極有陰陽不相維繫之惧是以陽氣

上浮而面熱陽氣外越而身熱此乃虛勞中極危險之證也所幸氣息似稍促而不至

於喘雖有欬嗽亦不甚劇知猶可治斯當培養其氣血更以收斂氣血之藥佐之俾其

陰陽互相維繫卽可安然無虞矣

方處

野臺參錢肆

生懷山藥錢捌

淨莢肉錢捌

生龍骨捌錢

大甘枸杞錢陸

生懷地黃錢陸

玄參錢伍

沙參錢伍

生赭石伍錢

生杭芍錢肆

甘草錢貳共煎湯一大鍾分兩次溫飲下

復診

將藥連服三劑已能言語可進飲食浮越之熱已斂溫度下降至三十七度六分心中

已不發熱有時微覺怔忡大便通下一次小便亦利遂即原方略為加減俾再服之

方處 野臺參錢肆

生懷山藥兩壹

大甘枸杞錢捌

淨黃肉錢陸

生懷地黃錢伍

玄參錢伍

沙參錢伍

生赭石肆錢 剉細

生杭芍錢叁

生鷄內金錢半黃 色者揚

甘草錢貳共煎湯一大鍾溫服

解方 方中加鷄內金者因虛勞之證脈絡多瘀金匱所謂血痺虛勞也用鷄內金以化其血

痺虛勞可以除根且與臺參並用又能運化參之補力不使作脹滿也

果效 將藥連服四劑新得之病全愈其素日虛勞未能盡愈俾停服湯藥日用生懷山藥細

末煑粥少加白糖當點心服之每服時送服生鷄內金細末少許以善其後

肺勞欬嗽由於伏氣化熱所傷證

高瑞章瀋陽戶口登記生年三十二歲因伏氣化熱傷肺致成肺勞欬嗽證

因病 腰底冒挨寒戶檢查感受寒涼未即成病而從此身不見汗繼則心中漸覺發熱至仲

春其熱加甚飲食懶進發生欬嗽寢成肺勞病

候證 其欬嗽晝輕夜重時或欬而兼喘身體羸弱筋骨痠疼精神時常昏憤腹中覺飢而飲

食恆不欲下咽從前惟心中發熱今則日昃時身恆覺熱大便乾燥小便短赤其脈左  
右皆弦長右部重按有力一息五至

斷診

此病之原因實由伏氣化熱久留不去不但傷肺而兼傷及諸臟腑也按此證自述因  
臘底受寒若當時卽病則爲傷寒矣乃因所受之寒甚輕不能卽病惟伏於半表半裏  
三焦脂膜之中阻寒氣化之升降流通是以從此身不見汗而心漸發熱迨時至仲春  
陽氣萌動原當隨春陽而化熱以成溫病（內經謂冬傷於寒春必溫病）乃其所化之  
熱又非如溫病之大熱暴發能自裏達表而惟緣三焦脂膜散漫於諸臟腑是以胃受  
其熱而懶於飲食心受其熱而精神昏憤腎受其熱而陰虛潮熱肝受其熱而筋骨痠  
疼至肺受其熱而欬嗽吐痰則又其顯然者也治此證者當以清其伏氣之熱爲主而  
以滋養津液之藥輔之

方處

生石膏

壹兩  
搗細

黨

參

錢叁

天花粉

錢捌

玄

參

錢捌

生杭芍

錢伍

連

翹

錢叁

滑

石

錢叁

鮮茅根

錢叁

射

干

錢叁

生遠志

錢貳

甘

草

錢半

共煎湯一大鍾半分兩次溫服若無鮮茅根可以鮮蘆根代之

解方 方中之義用石膏以清伏氣之熱而助之以連翹茅根其熱可由毛孔透出更輔之以

滑石杭芍其熱可山水道瀉出加花粉玄參者因石膏但能清實熱而花粉玄參兼能

清虛熱也用射干遠者因石膏能清肺寧嗽而佐以射干遠志更能利痰定喘也用甘

草者所以緩諸涼藥之下趨不欲其寒涼侵下焦也至加黨參者實仿白虎加人參湯

之義因身體虛弱者必石膏與人參並用始能逐久匿之熱邪外出也今之黨參即古

之人參也

復診 將藥連服四劑熱退三分之二欬吐痰亦愈強半飲食加多脈象亦見緩和知其伏

氣之熱已消所餘者惟陰虛之熱也當再投以育陰之方俾多服數劑自能全愈

方處 生懷山藥壹兩 大甘枸杞捌錢 玄參伍錢 生懷地黃伍錢 沙參伍錢

生杭芍叁錢 生遠志貳錢 川貝母貳錢 生鷄內金半錢 甘草半錢

共煎湯一大鍾溫服 方中加鷄內金者不但欲其助胃消食兼欲藉之以化諸藥之

滯泥也

效果 將藥連服五劑病遂全愈而夜間猶偶有欬嗽之時俾停服湯藥日用生懷山藥細末

糞作粥調以白糖當點心服之不以善其後

虛勞欬嗽兼外感實熱證

撫順姚旅長公子年九歲因有外感實熱久留不去變為虛勞欬嗽證

因病從前曾受外感熱入陽明醫者純用甘寒之藥清之致病愈之後猶有些些餘熱稽留

臟腑久之陰分虧耗寢成虛勞欬嗽證

候證心中常常發熱有時身亦覺熱懶於飲食欬嗽頻吐痰涎身體瘦弱屢服清熱寧嗽之

藥即稍效病仍反覆其脈象弦數右部尤弦而兼硬

斷診其脈象弦數者熱久涸陰血液虧損也其右部弦而兼硬者從前外感之餘熱猶留滯

於陽明之腑也至其欬嗽吐痰亦熱久傷肺之現象也欲治此證當以清其陽明餘熱

為初步熱清之後再用藥滋養其真陰病根自不難除矣

方處生石膏兩半 大潞參錢叁 玄參錢伍 生懷山藥錢伍 鮮茅根錢叁

甘草錢貳共煎湯一鍾半分兩次溫飲下若無鮮茅根時可用鮮蘆根代之

解方此方即白虎加人參湯以玄參代知母生山藥代粳米而又加鮮茅根也蓋陽明久鬱



之邪熱非白虎加人參湯不能清之為其病久陰虧故又將原方少為變通使之兼能滋陰也加鮮茅根者取其具有升發透達之性與石膏並用能清熱兼能散熱也

復診將藥煎服兩劑身心之熱大減欬嗽吐痰已愈強半脈象亦較前和平知外邪之熱已

清宜再用藥專滋其陰分俾陰分充足自能盡消其餘熱也

方處 生懷山藥壹兩 大甘枸杞捌錢 生懷地黃伍錢 玄參肆錢 沙參肆錢

生杭芍叁錢 生遠志貳錢 白朮貳錢 生鷄內金貳錢黃色的搗 甘草 草半錢

共煎湯一鍾溫服

效將藥連服三劑飲食加多諸病皆愈

解方 陸九芝謂凡外感實熱之證最忌但用甘寒滯泥之藥治之其病縱治愈亦恆稽留餘

熱永錮閉於臟腑之中不能消散致熱久耗陰寢成虛勞不能救藥者多矣此誠見道之言也而愚遇此等證其虛勞不至過甚且脈象仍有力者恆治以白虎加人參湯復

略為變通使之退實熱兼能退虛熱約皆可隨手奏效也

勞熱欬嗽

鄰村許姓學生年十八歲於季春得勞熱欬證

因稟性剛強校中歲底季考未列前茅於斯發憤用功勞心過度又當新昏之餘或年少

失保養迨至春陽發動漸成勞熱欬證

候證 日舖潮熱通夜作灼至黎明得微汗其灼乃退白晝欬不甚劇夜則欬不能安枕

飲食減少身體羸瘦略有動作卽氣息迫促左右脈皆細弱重按無根數逾七至夫脈

一息七至卽難挽回况復逾七至乎猶幸食量猶佳大便乾燥(此等證忌滑瀉)知猶

可治擬治以峻補真陰之劑而佐以收斂氣化之品

方處 生懷山藥兩壹

大甘枸杞錢捌

玄參錢陸

生懷地黃錢陸

沙參錢陸

生龍骨陸錢 搗碎

淨萸肉錢陸

生杭芍錢叁

五味子錢叁 搗碎

牛蒡子錢叁 搗碎

甘草錢叁共煎湯一大鍾溫服

解方 五味入湯劑藥房照例不搗然其皮味酸核味辛若囫圇入煎則其味過酸服之恆有

滿悶之弊故徐靈胎謂宜與乾薑之味辛者同服若搗碎入煎正可藉其核味之辛以

濟皮味之酸無事伍以乾薑而亦不發滿悶是以欲重用五味以治嗽者當注意令其

搗碎或說給病家自檢點至於甘草多屬至二者誠以此方中不但五味酸黃肉亦味酸若用甘草之至甘者與之化合(即甲己化土)可增加其補益之力(如酸能醴齒得甘則不離齒是明徵)是以多用至三錢

診復 將藥連服三劑灼熱但見退不復出汗欬嗽亦稍減而脈仍七至強因恍悟此脈之數不但因陰虛實亦兼因氣虛猶若力小而強任重者其體發顛也擬仍峻補其真陰再輔以補氣之品

方處 生懷山藥壹 臺野參伍錢 大甘枸杞陸錢 玄參陸錢 生懷地黃陸錢

淨黃肉伍錢 天花粉伍錢 五味子陸錢 生杭芍陸錢 射干貳錢

生鷄內金錢半黃色的款 甘草伍錢 草共煎一大鍾溫服 為方中加臺參忍服之作悶是以

又加鷄內金以運化之且凡虛勞之甚者其脈絡間恆多瘀滯鷄內金又善化經絡之瘀滯也

診三 將藥連服四劑灼熱欬嗽已愈十之七八脈已緩至六至此足徵補氣有效也爰即原方略為加減多服數劑病自除根

方處 生懷山藥壹兩

野臺參 錢叁

大甘枸杞 錢陸

玄參 錢伍

生懷地黃 錢伍

天冬 錢伍

淨萸肉 錢伍

生杭芍 錢叁

川貝母 錢叁

生遠志 錢貳

生鷄內金 錢半黃色的搗

甘草 錢貳

共煎一大鍾溫服

果效 將藥連服五劑灼熱欬嗽全愈脈已復常遂停服湯俾日用生懷山藥細末煑作茶湯

兌以鮮梨自然汁當點心服之以善其後

肺勞喘嗽遺傳性證

陳林生江蘇蒲口人寓天津日租界玉山里年十八歲自幼得肺勞喘嗽證

因病 因其令堂素有肺勞病再上推之其外祖母亦有斯病是以自幼時因有遺傳性亦患

此病

候證 其證初時猶輕至熱時即可如常人惟略有感冒即作喘嗽治之即愈不治則兩三日

亦可自愈至過十歲則漸加重熱時亦作喘嗽冷時則甚於熱時服藥亦可見輕旋即

反覆至十六七歲時病又加劇屢次服藥亦無效然猶可支持也迨愚為診視在民紀

十九年仲冬其時病劇已難支持晝夜伏几喘而且嗽欬吐痰涎連連不竭無論服何

中藥皆分毫無效惟日延西醫注射藥針一次雖不能止欬喘而可保當日無虞診其脈左右皆弦細關前微浮兩尺重按無根

診斷 此等證原因肺臟氣化不能通暢其中諸細管即易為痰涎滯塞熱時肺胞鬆緩故病

猶輕至冷時肺胞緊縮是以前病加劇治之者當培養其肺中氣化使之闔闢有力更疏瀉其肺中諸細管使之宣通無滯原為治此病之正規也而此證兩尺之脈無根不但其肺中有病其肝腎實亦有病且病因又為遺傳性原非一蹴所能治愈當分作數步治之

方處 生懷山藥兩壹

大甘枸杞兩壹

天花粉錢叁

天冬錢叁

生杭芍錢壹

射干錢叁

杏仁錢貳  
去皮

五味子錢貳  
搗碎

葶藶子錢貳  
微炒

細辛錢壹

廣三七錢貳  
搗細藥共十一味前十味煎湯一大鍾送服三七末一錢至煎渣再服時仍

送服餘一錢

解方 方中用三七者恐肺中之氣壅塞肺中之血亦隨之凝滯三七為止血妄行之聖藥更

為流通瘀血之聖藥故於初步藥中加之五味必搗碎用者因其外皮之肉偏於酸核

中之仁味頗辛酸辛相濟能斂又復能開若囿圖入湯劑煎之則力專酸斂服後或有滿悶之弊若搗碎用之無事伍以乾薑（小青龍湯中五味與乾薑並用徐氏謂此藉乾薑之辛以調五味之酸服後自無滿悶之弊也）

復診 將藥連服四劑欬喘皆愈三分之二能臥睡兩三點鐘其脈關前不浮至數少減而兩尺仍似無根擬再治以納氣歸腎之方

處方 生懷山藥壹兩

大甘枸杞壹兩

野黨參叁錢

生赭石陸錢

生懷地黃陸錢

淨黃肉肆錢

天花粉肆錢

天冬叁錢

牛蒡子叁錢

射干貳錢

生鷄內金錢半黃色的搗共煎湯一大鍾溫服

解方 參之性補而微升惟與赭石並用其補益之力直達湧泉况欬喘之劇者其衝胃之氣

恆因之上逆赭石實又為降胃鎮衝之要藥也至方中用鷄內金者因其含有稀鹽酸原善化肺管中之瘀滯以開其閉塞又兼能運化人參之補力不使作滿悶也

診 將藥連服五劑欬喘皆愈惟其脈仍逾五至行動時猶覺氣息微喘此乃下焦陰分猶未充足不能與陽分相維繫也此當峻補其真陰俾陰分充足自能維繫其陽分氣息

自不上奔矣

方處 生懷山藥兩壹

大甘枸杞兩壹

熟懷地黃兩壹

淨黃肉兩肆

玄

參肆錢

北沙參肆錢

懷牛膝叁錢

大雲苓片貳錢

蘇

子貳錢 炒搗

牛蒡子貳錢 搗碎

生遠志半錢

生鷄內金半錢

共煎湯一大鍾溫服

按遠志諸家本草皆謂其味苦性善補腎而愚曾嚼服之則其味甚酸且似含有礬味

後閱西藥本草謂其含有林禽酸且謂可作輕吐藥(服其末至一二錢即可作吐)是其

中含有礬味可知為其味酸且含有礬味是以能使肺中多生津液以化凝痰又可為

理肺要藥此原為肺腎同治之劑故宜用此肺腎雙理之藥也

果效 將藥連服八劑行走動作皆不作喘其脈至數已復常從此停服湯藥俾日用生懷山

藥細末水調煑作茶湯少調以生梨自然汁當點心用之以善其後

肺勞痰喘

徐益林住天津日租界旭街年三十四歲業商得肺勞痰喘證

因弱冠時遊戲競走努力過度傷肺致有喘病入冬以來又兼欬嗽

證候 平素雖有喘證然安養時則不犯入冬以來寒風陡至出外爲風所襲忽發欬嗽

不已喘病亦發欬喘相助爲虐屢次延醫服藥不愈夜不能臥其脈左部弦細而硬右部濡而兼沈至數如常

斷診 此乃氣血兩虧並有停飲之證是以其左脈弦細者氣虛也弦細兼硬者肝血虛津液

短也其右脈濡者濕痰留飲也濡而兼沈者申焦氣化亦有所不足也其所以喘而且嗽者亦痰飲上溢之所迫致也擬用小青龍湯再加滋補之藥治之

方處 生懷山藥壹兩 當歸身肆錢 天冬肆錢 寸麥肆錢 生杭芍叁錢

清半夏叁錢 桂枝伍分 五味子貳錢 杏仁貳錢 乾薑半錢

細辛壹錢 甘草半錢 生薑壹片 共煎一大鍾溫飲下

解方 凡用小青龍湯喘者去麻黃加杏仁此定例也若有外感之熱者更宜加生石膏此證無外感之熱故但加二冬以解薑桂諸藥之熱

復診 將藥煎服一劑其喘卽愈又繼兩劑欬嗽亦愈強半右脈已不沈似稍有力左脈仍近弦硬擬再治以健胃養肺滋生血脈之品



方處 生懷山藥兩壹

生白合錢伍

大枸杞子錢伍

天冬錢伍

當歸身錢叁

川貝母錢叁

白朮錢叁

生薏米錢叁

生遠志錢貳

生鷄內金錢半黃色的搗

蘇子錢半炒搗

甘草錢半 煎湯一大鍾溫服

效果 將藥連服四劑欬嗽全愈脈亦調和如常矣

肺勞喘欬

羅金波天津日租界新旅社理事年三十四歲得肺勞喘欬病

因病 數年之前曾受肺風發欬嗽治失其宜病雖暫愈風邪錮閉肺中未去致成肺勞喘欬

證

候證 其病在煖燠之時甚輕偶發喘欬一半日即愈至冬令則喘欬連連必至天氣暖時和

始漸愈其脈左部弦硬右部濡滑兩尺皆重按無根

斷診 此風邪錮閉肺中久而傷肺致肺中氣管滯塞煖時肌肉鬆緩氣管亦隨之鬆緩其呼

吸猶可自如冷時肌肉緊縮氣管亦隨之緊縮遂至吸難呼易而喘作更因痰涎壅滯而嗽作矣其脈左部弦硬者肝腎之陰液不足也右部濡滑者肺胃中痰涎充溢也兩

尺不任重按者下焦氣化虛損不能固攝則上焦之喘嗽益甚也欲治此證當先宣通其肺俾氣管之鬱者皆開後再投以滋陰培氣肺腎雙補之劑以祓除其病根

方處 麻 黃 錢半 天 冬 錢叁 天 花 粉 錢叁 牛 蒡 子 錢叁 杏 仁 貳錢去

蘇 子 貳錢炒 生 遠 志 貳錢去心 生 麥 芽 錢貳 生 杭 芍 錢貳 細 辛 壹錢

甘 草 錢半 共煎湯一大鍾服

復 將藥煎服兩劑喘嗽皆愈而勞動時仍微喘其脈左部仍似弦硬右部仍滿不若從前

之滑兩尺猶虛此病已去而正未復也宜再為謀根本之治法而投以培養之劑

方處 野 臺 參 錢叁 生 赭 石 捌錢 生 懷 山 藥 壹 熟 懷 地 黃 壹 生 懷 地 黃 壹

大 甘 柀 杞 錢陸 天 冬 錢陸 淨 黃 肉 錢伍 蘇 子 錢叁炒 牛 蒡 子 錢叁炒

大 雲 苓 片 錢貳 共煎一大鍾溫服

解方 人參為補氣主藥實兼具上升之力喻嘉言謂氣虛欲上脫者專用之轉氣高不返是

以凡喘逆之證皆不可輕用人參惟重用赭石以引之下行轉能納氣歸腎而下焦之氣化遂因之壯旺而固攝此方中人參赭石并用不但欲導引肺氣歸腎實又因其兩

尺脈虛卽藉以培補下焦之氣化也

效果將藥連服十餘劑雖勞動亦不作喘再診其脈左右皆調和無病兩尺重按不虛遂將

赭石減去二錢俾多服以善其後

肺勞喘嗽兼不寐證

天津法租界竹遠里于姓媪年近五旬欬嗽有痰微喘且苦不寐

因病夜間因不能寐心中常覺發熱久之則肺臟受傷欬嗽多痰且微作喘

候證素本夜間不寐至黎明時始能少睡後因欬嗽不止痰涎壅盛且復作喘不能安臥

至黎明亦不能睡因之心發熱益甚懶於飲食大便乾燥四五日一行兩旬之間大

形困頓屢次服藥無效診其脈左部弦而無力右部滑而無力數逾五至

斷診此真陰虧損心腎不能相濟是以不眠久則心血耗散心火更易妄動以上鑱肺金是

以欬嗽有痰作喘治此證者當以大滋真陰爲主真陰足則心腎自然相交以水濟火

而火不妄動真陰足則自能納氣歸根氣息下達而呼吸自順且肺腎爲子母之臟原

相連屬子虛有損於母子實卽有益於母果能使真陰充足則肺金既不受心火之鑱

耗更可得腎陰之津潤自能復其清肅下行之常其痰涎欬嗽不治自愈也若更輔以清火潤肺化痰寧嗽之品則奏效當更捷矣

方處 沙參壹兩 大枸杞兩 玄參陸錢 天冬陸錢 生赭石伍錢

生杭芍叁錢 川貝母叁錢 牛蒡子壹錢 生麥芽叁錢 棗仁叁錢

射干貳錢 甘草貳錢 共煎湯一大鍾溫服

診復 將藥連服六劑欬喘痰涎已愈十分之八心中已不發熱食欲已振夜間能睡數時大便亦不甚燥診其脈至數復常惟六部重按仍皆欠實而左脈仍有弦意擬再峻補其

真陰以除病根所謂上病取諸下也

方處 生懷山藥壹兩 大枸杞壹兩 遼沙參捌錢 生懷地黃陸錢 熟懷地黃陸錢

生赭石陸錢 淨萸肉肆錢 生杭芍叁錢 生麥芽叁錢 生鷄內金半黃

甘草貳錢 煎湯一大鍾溫服

果效 將藥連服二劑諸病皆愈俾用珠玉二寶粥(在二期一卷)常常當點心服之以善其後

問或兩方中所用之藥若滋陰潤肺清火理痰止嗽諸品原爲人所共知而兩方之中皆用赭石麥芽且又皆生用者其義何居答曰胃居中焦原以傳送飲食爲專職是以胃中之氣以息息下行爲順果其氣能息息下行則衝氣可阻其上衝胆火可因之下降大便亦可按時下通至於痰涎之壅滯欬嗽喘逆諸證亦可因之遞減而降胃之藥固莫赭石若也然此物爲鐵養化合煨之則鐵養分離卽不宜用此所以兩方皆用赭石而又必須用生赭石也至於麥芽炒用之善於消食生用之則善於升達肝氣人身之氣化原左升右降若但知用赭石降胃其重墜下行之力或有碍於肝氣之上升是以方中用赭石降胃卽用麥芽升肝此所以順氣化之自然而還其左升右降之常也

肺病欬吐血

張耀華年二十六歲鹽山人寓居天津法租界業商得肺病欬吐血

因病經商勞心又兼新婚失於調攝遂患勞嗽繼延推拿者爲推拿兩日欬嗽分毫未減轉添吐血之證

候證連聲咳嗽不已卽繼以吐血或痰中帶血或純血無痰或有時欬嗽兼喘夜不能臥心

中發熱懶食大便乾燥小便赤澀脈搏五至強其左部弦而無力右部浮取似有力而尺部重按豁然

方處 生懷山藥兩壹

大潞參錢叁

生赭石陸錢 剉細

生懷地黃錢陸

玄參錢陸

天冬錢伍

淨黃肉錢伍

生杭芍錢肆

射干錢叁

甘草錢貳

廣三七貳錢 剉細

共藥十一味將前十味煎湯一大鍾送服三七末一半至煎渣重服時

再送服其餘一半

復診 此藥服兩劑後血已不吐又服兩劑欬喘亦大見愈大小便皆已順利脈已有根不若

從前之浮弦遂即原方略為加減俾再服之

方處 生懷山藥兩壹

大潞參錢叁

生赭石陸錢 剉細

生懷地黃錢陸

大甘枸杞錢陸

淨黃肉錢伍

沙參錢伍

生杭芍錢叁

射干錢貳

甘草錢貳

廣三七錢半 剉細

藥共十一味將前十味煎湯一大鍾送服三七末一半至煎渣重服時再

送服其餘一半

效 將藥連服五劑諸病皆愈脈已復常而尺部重按仍欠實遂於方中加熱懷地黃五錢

俾再服數劑以善其後

肺病欬吐膿血

葉鳳桐天津估衣街文竹齋經理年三十二歲得肺病欬吐膿血

因病其未病之前數月心中時常發熱由此浸成肺病

候證初覺發熱時屢服涼藥熱不減退大便乾燥小便短赤後則漸生欬嗽繼則痰中帶血

繼則痰血相雜又繼則膿血相雜診其脈左部弦長右部洪長皆重按頗實

斷診此乃伏氣化熱竄入陽明之腑醫者不知病因見其心中發熱而多用甘寒滯膩之品

稽留其熱俾無出路久之上薰肺部致肺中結核因生欬嗽其核潰爛遂吐膿血斯必

先清其胃腑之熱使不復上升薰肺而後肺病可愈特是此熱為伏氣之熱所化原非

輕劑所能消除當先投以治外感實熱之劑

方處生石膏

兩半  
湯細

大潑參

生懷山藥

天花粉

金銀花

鮮蘆根

肆錢

川貝母

叁錢

連翹

貳錢

甘草

貳錢

廣三七

貳錢  
軋細

藥共十味將前九味煎湯一大鍾送服三七末一錢至煎渣再服時仍送服餘一錢

解方 此方實仿白虎加人參湯之義而爲之變通也方中以天花粉代知母以生山藥代粳米仍與白虎加人參湯無異故用之以清胃腑積久之實熱而又加金銀花三七以解毒蘆根連翹以引之上行此肺胃雙理之劑也

診復 將藥連服三劑膿血已不復吐欬嗽少愈大便之乾燥小便之短赤亦見愈惟心中仍覺發熱脈象仍然有力擬再投以清肺瀉熱之劑

方處 天花粉捌錢 北沙參伍錢 玄參伍錢 鮮蘆根肆錢 川貝母叁錢

生莠子叁錢 搗碎 五味子貳錢 搗細 射干貳錢 甘草貳錢 草藥貳錢 搗細 共九味將前八味

煎湯一大鍾送服甘草末一錢至煎渣再服時仍送服餘一錢 方中五味必須搗碎入煎不然則服之恆多發悶方中甘草無論紅者黃者皆可用至軋之不細時切忌鍋炮若炮之則其性卽變非此方中用甘草之意矣用此藥者宜自監視軋之或但羅取其頭次所軋之末亦可

果效 將藥連服五劑諸病皆愈惟心中猶間有發熱之時脈象較常脈似仍有力爲善後計俾用生懷山藥軋細每用七八錢或兩許煮作茶湯送服離中丹錢許或至錢半（多



少宜自酌）當點心用之後此方服閱兩月脈始復常心中亦不復發熱矣離中丹爲愚自製之方卽益元散方以生石膏代滑石也蓋滑石宜於濕熱石膏宜於燥熱北方多熱而兼燥者故將其方變通之凡上焦有實熱者用之皆有捷效

問或

伏氣化熱原可成溫卽無新受之外感而忽然成溫病者是也此證伏氣所化之熱何以不成溫病而成肺病答曰伏氣之侵入伏於三焦脂膜之中有多有少多者化熱重少者化熱輕化熱重者當時卽成溫病其化熱輕者恆循三焦脂膜而竄入各臟腑愚臨證五十年細心體驗知有竄入肝胆病目者竄入腸中病下痢者有竄入腎中病虛勞者有竄入肺中病欬嗽久而成肺病者有竄入胃中病吐衄而其熱上薰亦可成肺病者如此證是也是以此證心中初發熱時醫者不知其爲伏氣化熱入胃而泛以涼藥治之是以不效而投以白虎加入參湯卽隨手奏效至於不但用白虎湯而必用白虎加入參湯者誠以此證已閱數月病久氣化虛損非人參與石膏並用不能托深陷之熱外出也

肺病咳吐痰血

喬邦平年三十餘天津河東義租界永和姓木廠分號經理得欬吐痰血病

前因偶受肺風服藥失宜遂患欬嗽欬嗽日久繼患欬血

因病候證欬嗽已近一年服藥轉澁加劇繼則痰中帶血又繼則間有嘔血之時然猶不至於傾

吐其心中時常發熱大便時常燥結幸食欲猶佳身形不至羸弱其脈左部近和平右

部寸關俱有滑實之象

斷診證脈合參知係從前外感之熱久留肺胃金畏火刑因熱久而肺金受傷是以欬嗽至

於胃腑久為熱鑱致胃壁之膜腐爛連及血管是以嘔血至其大便恆燥結者因其熱

下輸腸中且因胃氣因熱上逆失其傳送之職也迨此證者當以清肺胃之熱為主而

以養肺降胃之藥輔之

疏方 生石膏細末兩貳 粉甘草細末錢陸 鏡面硃砂細末錢貳 共和勻每服一錢五分

又方 生懷山藥兩壹 生赭石捌錢 天冬錢陸 玄參錢伍 沙參錢伍

天花粉錢伍 生杭芍錢肆 川貝母錢叁 射干錢貳 兒茶錢貳

甘草錢半 廣三七錢貳 共藥十二味將前十一味煎湯送服三七一錢至煎渣

再服時再送服一錢

每日午前十點鐘服散藥一次臨睡時再服一次湯藥則晚服頭煎翌晨服次煎

果效如法服藥三日欬血吐血皆愈仍然欬嗽遂即原方去沙參加生白合五錢米殼錢半

又服四劑欬嗽亦愈已不發熱大便已不燥結俾將散藥惟頭午服一次又將湯藥中

赭石減半再服數劑以善其後

氣病門

大氣下陷兼小便不禁

陳禹廷天津東四里沽人年三十五歲在天津業商於孟冬得大氣下陷兼小便不禁證

因病稟賦素弱恆覺呼吸之氣不能上達屢次來社求診投以拙擬升陷湯（在二期四卷）

即愈後以出外勞碌過度又兼受涼陡然反覆甚劇不但大氣下陷且又小便不禁

候證自覺胸中之氣息息下墜努力呼之猶難上達其下墜之氣行至少腹小便即不能禁

且覺下焦涼甚肢體無力其脈左右皆沈濡而右部寸關之沈濡尤甚

斷診此胸中大氣下陷之劇者也按胸中大氣一名宗氣內經謂其積於胸中以貫心脈而

行呼吸蓋心肺均在膈上原在大氣包舉之內是以心血之循環肺氣之呼吸皆大氣主之此證因大氣虛陷心血之循環無力是以脈象沈濡而遲肺氣之呼吸將停是以努力呼氣外出而猶難上達不但此也大氣雖在膈上實能斡旋全身統攝三焦今因下陷而失位無權是以全身失其斡旋肢體遂痿軟無力三焦失其統攝小便遂泄瀉不禁其下焦涼甚者外受之寒涼隨大氣下陷至下焦也此證之危已至極點當用重劑升舉其下陷之大氣使復本位更兼用溫煖下焦之藥祛其寒涼庶能治愈

方處 野臺參

錢伍

烏附子

錢肆

生懷山藥

錢壹

生懷山藥

錢壹

方處 生箭芪

錢壹

生懷山藥

錢壹

白朮

朮肆錢

淨萸肉

錢肆

萸

錢貳

升麻

錢半

柴胡

胡半錢

共煎湯一大鍾溫服此爲第二方先服第一方後遲一點半鍾卽服第二方

效 將藥如法各服兩劑下焦之涼與小便之不禁皆愈惟呼吸猶覺氣分不足肢體雖不

痿軟仍覺無力遂但用第二方將方中柴胡減去加桂枝尖錢半連服數劑氣息已順又將方中升麻桂枝皆改用一錢服至五劑身體康健如常遂停藥勿服

問或此二方前後相繼服之中間原爲時無多何妨將二方併爲一方答曰凡欲溫煖下焦之藥宜速其下行不可用升藥提之若將二方併爲一方附子與升柴並用其上焦必生煩躁而下焦之寒涼轉不能去惟先服一方附子得人參之助其熱力之敷布最速是以爲時雖無多下焦之寒涼已化其強半且參附與山藥並用大能保合下焦之氣化小便之不禁者亦可因之收攝此時下焦受參附山藥之培養已有一陽來復徐徐上升之機已陷之大氣雖不能因之上升實已有上升之根基遂繼服第二方黃芪與升柴並用升提之力甚大藉之以升提下陷之大氣如人欲登高山則或推之或挽之縱肢體軟弱亦不難登峯造極也且此一點餘鐘附子之熱力已融化於下焦雖遇升柴之升提必不至上升作煩躁審斯則二方不可相併之理由及二方前後繼服之利益不昭然乎

問或或問草薺之性別錄謂其治失溺是能縮小便也甄權謂其治腎間膀胱宿水是能利小便也今用於第二方中欲藉之以治小便不禁明矣是則別錄之說可從甄權之說不可從歟答曰二書論草薺之性相反而愚從別錄不從甄權者原從實驗中來也會

治以小便不通證其人因淋疼醫者投以萆薢分清飲兩劑小便遂滴瀝不通後至旬日迎愚爲診視既至已昇諸床奄奄一息毫無知覺脈細如絲一息九至愚謂病家曰此證小便不通今夜猶可無礙若小便通下則危在目前矣病家再三懇求謂小便通下縱有危險斷不敢怨先生愚不得已爲開大滋真陰之方而少以利小便之藥佐之將藥灌下須臾小便通下其人遂脫果如所料由此深知萆薢果能縮小便斷不能通小便也然此藥在藥房中恆以土茯苓僞充土茯苓固利小便者也若恐此藥無真者則方中不用此藥亦可再者凡藥方之名美而藥劣者醫者多受其誤萆薢分清飲是也其方不但萆薢能縮小便卽益智之潛烏藥之溫亦皆與小便不利嘗見有以治水腫而水腫反加劇者以之治淋病而淋病益增疼者如此等方宜嚴加屏斥勿使再見於方書亦掃除醫學障礙之一端也

同或

人身之血原隨氣運行如謂心血之循環大氣主之斯原近理至肺之呼吸西人實驗之而知關於延髓若遵內經之謂呼吸亦關大氣是西人實驗亦不足憑歟答曰西人之實驗原足憑內經之所論亦宜確信譬如火車延髓者機輪也大氣者水火之蒸汽

也無機輪火車不能行無水火之蒸汽火車亦不能行易云形而上者謂之道形而下者謂之氣西人注重形下是以凡事皆求諸實見中醫注重形上恆由所見而推及於所不見內經謂上氣不足腦爲之不滿耳爲之苦鳴頭爲之傾目爲之眩夫上氣者卽胸中大氣也細審內經之文腦部原在大氣斡旋之中而延髓與腦相連獨不在大氣斡旋之中乎由斯知延髓之能司呼吸其原動力固在大氣也內經與西說原不相背是以當今欲求醫學進步當匯通中西以科學開哲學之始卽以哲學濟科學之窮通變化裁運乎一心自於醫學能登峯造極也

### 大氣下陷

李登高山東恩縣人年三十二歲寓天津河東瑞安街拉洋車爲業得大氣下陷證

因病腹中覺飢未暇吃飯枵腹奔走七八里遂得此病

證候呼吸短氣心中發熱懶食肢體痿懶無力略有動作卽覺氣短不足以息其脈左部弦而兼硬右部則寸關皆沈而無力

斷診此胸中大氣下陷其肝胆又蘊有鬱熱也蓋胸中大氣原爲後天宗氣能代先天元氣

主持全身然必賴水穀之氣以養之此證因忍飢勞力過度是以大氣下陷右寸關之  
沈而無力其明徵也其舉家數口生活皆賴一人勞力因氣陷不能勞力繼將斷炊肝  
胆之中遂多起急火其左脈之弦而兼硬是明徵也治之者當用拙擬之升陷湯（在  
衷中參西錄三期四卷）升補其胸中大氣而輔以涼潤之品以清肝胆之熱

方處

生箭 莨 錢捌

知 母 錢伍

桔 梗 錢貳

紫 胡 錢貳

升 麻 錢半

生杭 芍 錢伍

龍 胆 草 錢貳 共煎湯一大鍾溫服

效 果 將藥連服兩劑諸病脫然全愈

### 大氣下陷身冷

天津東門裏東箭道宋氏婦年四旬於仲夏得大氣下陷周身發冷證

因病稟賦素弱居恆自覺氣分不足偶因努力搬運重物遂覺呼吸短氣周身發冷

候證呼吸之間恆覺氣息不達上達時當暑熱着衾衣猶覺寒涼頭午病稍輕午後則漸劇

必努力始能呼吸外被大氅猶或寒戰飲食少許猶不消化其脈關前沈細欲無關後

差勝亦在沈分一息不足四至



斷診 此上焦心肺之陽虛損又兼胸中大氣下陷也為其心肺陽虛是以周身惡寒而飲食

不化為其胸中大氣下陷是以呼吸短氣頭午氣化上升之時是以病輕過午氣化下降之時所以增劇也擬治以回陽升陷湯(方在二期四卷)加黨參之大力者以補助之

方處 生 箭 芪 捌 野 臺 黨 參 肆 乾 薑 肆 當 歸 身 肆 桂 枝 尖 叁

甘 草 貳 共煎湯一大鍾溫服

果效 將藥連服三劑氣息已順而兼有短氣之時周身已不發冷惟晚間睡時仍須厚復飲

食能消化脈象亦大有起色遂即原方去黨參將乾薑桂枝皆改用二錢又加生懷山

藥八錢俾再服數劑以善其後

明說 心為君火全身熱力之司命肺與心同居膈上一系相連血脈之循環又息息相通是

以與心相助為理同主上焦之陽氣然此氣雖在上焦實如日麗中天照臨下土是以其熱力透至中焦胃中之飲食因之熟腐更透至下焦命門之相火因之生旺內溫臟腑外煖周身實賴此陽氣為布護宣通也特是心與肺皆在胸中大氣包舉之中其布

護宣通之原動力實又賴於大氣此證心肺之陽本虛向賴大氣爲之保護故猶可支持迨大氣陷而失其保護遂致虛寒之象頓呈此方以升補胸中大氣爲主以培養心肺之陽爲輔病藥針芥相投是以服之輒能奏效也

### 大氣陷兼消食

李景文年二十六歲北平大學肄業生得大氣下陷兼消食證

因病其未病之前二年常覺呼吸短氣初未注意繼因校中功課勞心短氣益劇且覺食量倍增因成消食之證

証候呼吸之間覺吸氣稍易而呼氣費力夜睡一點鐘許卽覺氣不上達須得披衣起坐遲移時氣息稍順始能再睡一日之間進食四次猶飢飢時若不急食心中卽覺怔忡且心中常覺發熱大便乾燥小便短赤其脈浮分無力沈分稍實至數略遲

斷證此乃胸中大氣下陷兼有伏氣化熱因之成消食也爲其大氣下陷是以脈象浮分無力爲其有伏氣化熱是以其沈分猶實既有伏氣化熱矣而脈象轉稍遲者因大氣下陷之脈原多遲也蓋胃中有熱者恆多化食而大氣下陷其胃氣因之下降甚速者亦

恆能多食今既病大氣下陷又兼伏氣化熱侵入胃中是以日食四次猶飢也此宜升補其胸中大氣再兼用寒涼之品以清其伏氣所化之熱則短氣與消食原不難並愈也

方處 生箭芪錢陸 生石膏搗細 天花粉錢伍 知母錢伍 玄參錢肆

升 麻半錢 柴 胡半錢 甘 草錢半 共煎湯一大鍾溫服

復診 將藥連服四劑短氣已愈強半發熱與消食亦大見愈遂即原方略為加減俾再服之

方處 生箭芪錢陸 天花粉錢陸 知母錢陸 玄參錢陸 淨黃肉錢叁

升 麻半錢 柴 胡半錢 甘 草錢半 共煎湯一大鍾溫服

解方 方中去石膏者以伏氣所化之熱所餘無多也既去石膏而又將花粉知母諸涼藥加

重者因花粉諸藥原用以調劑黃芪之溫補生熱而今則兼用之以清伏氣所化之餘熱是以又加重也至於前方之外又加黃肉者欲以收斂大氣之渙散俾大氣之已升者不至復陷且又以黃肉得木氣最厚酸斂之中大具條暢之性雖伏氣之熱猶未盡消而亦不妨用之也

果效 將藥又連服四劑病遂全愈俾停服湯藥再用生箭芪天花粉等分軋爲細末每服三錢日服兩次以善其後

間或 脈之遲數恆關於人身之熱力熱力過盛則脈數熱力微弱則脈遲此定理也今此證雖有伏氣化熱因大氣下陷而脈仍遲何以脈之遲數與大氣若斯有關係乎答曰胸中大氣亦名宗氣爲其實用能斡旋全身故曰大氣爲其爲後天生命之宗主故又曰宗氣內經謂宗氣積於胸中以貫心脈而行呼吸深思內經之言知肺葉之闔闢固爲大氣所司而心機之跳動亦爲大氣所司也今因大氣下陷而失其所司是以不惟肺受其病心機之跳動亦受其病而脈遂遲也

### 大氣陷兼疝氣

陳邦啓天津鹽道公署科員年三十八歲得大氣下陷兼疝氣證

因病 初因勞心過度寢覺氣分不舒後又因出外辦公勞碌過甚遂覺呼吸短氣猶不以爲意也繼又患疝氣下墜作疼始來寓求爲診治

候證 呼吸之際常覺氣短似難上達勞動時則益甚夜間臥睡一點鐘許卽覺氣分不舒披

衣起坐移時將氣調勻然後能再睡至其疝氣之墜疼覺恆與氣分有關每當呼吸不利時則疝氣之墜疼必益甚其脈關前沈而無力右部尤甚至數稍遲

斷診

卽此證脈參之其呼吸之短氣疝氣之下墜實皆因胸中大氣下陷也蓋胸中大氣原爲後天生命之宗主（是以亦名宗氣）以代先天元氣用事故能斡旋全身統攝三焦氣化此氣一陷則肺臟之園關失其斡旋是以呼吸短氣三焦之氣化失其統攝是以疝氣下墜斯當升補其下陷之大氣俾仍還其本位則呼吸之短氣疝氣之墜疼自皆不難愈矣

方處

生箭茺陸錢

天花粉陸錢

當

歸奎錢

荔支核奎錢

生明沒藥奎錢

生五靈脂奎錢

柴胡半錢

升

麻半錢

小茴香壹錢炒搗共煎湯一大鍾溫飲

下

復診

將藥連服三劑短氣之病已大見愈惟與人談話多時仍覺短氣其疝氣已上升有時下墜亦不作疼脈象亦大有起色此藥已對證而服藥之功候未到也爰卽原方略爲加減俾再服之

方處 生箭芪陸錢

天花粉陸錢

淨黃肉肆錢

當歸叁錢

荔枝核叁錢

生明沒藥叁錢

生五靈脂叁錢

柴胡半錢

升麻半錢

廣砂仁壹錢

共煎一大鍾溫服

果效 將藥連服四劑呼吸已不短氣然仍自覺氣分不足疝氣亦大輕減猶未全消遂即原

方去黃肉將柴胡升麻皆改用一錢又加黨參天冬各三錢俾多服數劑以善其後

衝氣上衝兼奔豚

張繼武住天津河東吉家胡同年四十五歲業商得衝氣上衝兼奔豚證

因病 初秋之時患赤白痢證醫者兩次用大黃下之其痢愈而變爲此證

候證 每夜間當丑寅之交有氣起自下焦挾熱上衝行至中焦覺悶而且熱心中煩亂遲十

數分鐘其氣上出爲呃熱即隨之消矣其脈大致近和平惟兩尺稍浮按之不實

斷診 此因病痢時連服大黃下之傷其下焦氣化而下焦之衝遂挾腎中之相火上衝也其

在丑寅之交者陽氣上升之時也宜用仲師桂枝加桂湯加減治之

方處 桂枝肆錢

生懷山藥壹兩

生芡實陸錢

清半夏肆錢

生杭芍肆錢

生龍骨肆錢搗碎 生牡蠣肆錢搗碎 生麥芽錢 生鷄內金貳錢黃色的搗 黃 柏貳錢

甘草貳錢共煎湯一大鍾溫服

**果效** 將藥煎服兩劑病愈強半遂即原方將桂枝改用三錢又加淨黃肉甘枸杞各四錢連

**服三劑全愈**

**明說** 凡氣之逆者可降鬱者可升惟此證衝氣挾相火上衝則升降皆無所施桂枝一藥而

升降之性皆備凡氣之當升者遇之則升氣之當降者遇之則降此誠天生使獨而為不可思憶之妙藥也山藥芡實皆能補腎又皆能斂輯下焦氣化龍骨牡蠣亦收斂之品然斂正氣而不斂邪氣用於此證初無收斂過甚之虞此四藥並用誠能於下焦之氣化培養而鎮安之也用芍藥黃柏者一瀉腎中之相火一瀉肝中之相火且桂枝性熱二藥性涼涼熱相濟方能奏效用麥芽鷄內金者所以運化諸藥之力也用甘草者欲以緩肝之急不使肝木助衝氣相火上升也至於服藥後病愈強半遂減輕桂枝加黃肉枸杞者俾肝腎壯旺自能掃除病根至醫界同人或對於桂枝升降之妙用而有疑義者觀表中參西錄三期二卷參赭鎮氣湯後所載單用桂枝治愈之案自能瞭然

胃氣不降

大城王家口王祐三夫人年近四旬時常嘔吐大便遲下數年不愈

原因其人稟性暴烈處境又多不順寢成此證

候證飯後每覺食停胃中似有氣上衝阻其下行因此大便恆至旬日始下至大便多日不

下時則恆作嘔吐即屢服止嘔通便之藥下次仍然如故祐三因愚曾用藥治愈其腹

中冷積遂同其夫人來津求為診治其脈左右皆弦右脈弦而且長重診頗實至數照

常

斷診弦為肝脈弦而且長則衝脈也弦長之脈見於右部尤按之頗實此又為胃氣上逆之

脈肝胃衝三經之氣化皆有升無降宜其下焦便秘而上焦嘔吐也此當治以瀉肝降

胃鎮衝之劑其大便自順嘔吐自止矣

方處

生赭石

兩半  
軋細

生杭芍

錢陸

柏子仁

錢陸

生懷山藥

錢陸

天

冬  
錢陸

懷牛膝

錢伍

當

歸

錢肆

生麥芽

錢叁

茵

陳

錢貳

甘

草  
錢半

共煎湯一大鍾溫服



果效服藥一劑大便即通下即原方略爲加減又服數劑大便每日一次食後胃中已不覺停滯從此病遂除根

或問麥芽生用能升肝氣茵陳爲青蒿之嫩者亦具有升發之力此證即因臟腑之氣有升無降何以方中復用此二藥乎答曰肝爲將軍之官中寄相火其性最剛烈若強制之恆激發其反動之力麥芽茵陳善舒肝氣而不至過於升提是將順肝木之性使之柔和不至起反動力也

肝氣鬱兼胃氣不降

姚景仁住天津鼓樓東年五十二歲業商得肝鬱胃逆證

因病其近族分支多門恆不自給每月必經心爲之補助又設有買賣數處亦自經心照略勞心太過因得斯證

候證腹中有氣自上下衝致胃脘滿悶胸中煩熱脇下脹疼時常呃逆間作嘔吐大便燥結其脈左部沈細右部則弦硬而長大於左部數倍

斷診此乃肝氣鬱結衝氣上衝更迫胃氣不降也爲肝氣鬱結是以左脈沈細爲衝氣上衝

是以右脈弦長衝脈上隸陽明其氣上衝不已易致陽明胃氣不下降此證之嘔吐呃逆胃脘滿悶胸間煩熱皆衝胃之氣相併衝逆之明徵也其脇下脹疼肝氣鬱結之明徵也其大便燥結者因胃氣原宜息息下行傳送飲食下爲二便今其胃氣既不下降是以大便燥結也擬治以舒肝降胃安衝之劑

方處

生赭石

壹兩  
軋細

生懷山藥

壹兩

天

壹兩

寸麥冬

陸錢  
去心

清半夏

肆錢  
洗三次

碎竹茹

叁錢

生麥芽

叁錢

茵

貳錢

川續斷

貳錢

生鷄內金

貳錢  
黃色的搗

甘草

壹錢

煎湯一大鍾溫服

肝主左而宜升胃主右而宜降肝氣不升則先天之氣化不能由肝上達胃氣不降則後天之飲食不能由胃下輸此證之病根正因當升者不升當降者不降也故方中以生麥芽茵陳以升肝生赭石半夏竹茹以降胃卽以安衝用續斷者因其能補肝可助肝氣上升也用生山藥二冬者取其能潤胃補胃可助胃氣下降也用鷄內金者取其能化瘀止疼以運行諸藥之力也

復診

右方隨時加減連服二十餘劑肝氣已升胃氣已降左右脈已均平諸病皆愈惟肢體

乏力飲食不甚消化擬再治以補氣健胃之劑

方處 野臺參肆錢 生懷山藥壹兩 生赭石陸錢 軋細 天冬陸錢 寸麥冬錢

生鷄內金壹錢 委錢黃 色的淘 生麥芽壹錢 甘草半錢 草煎湯一大鍾溫服

果效 將藥煎服三劑飲食加多體力漸復於方中加枸杞五錢白朮三錢俾再數劑以善其

後

明說 身之氣化原左升右降若但知用赭石降胃不知用麥升肝久之肝氣將有鬱遏之弊

况此證之肝氣原鬱結乎此所以方中用赭石即用麥芽赭石生用而麥芽亦生用也

且諸家本草謂麥芽炒用者為丸散計也若入湯劑何須炒用蓋用生者煮汁飲之則

消食之力愈大也

問或 或問升肝之藥柴胡最效今方中不用柴胡而用生麥芽者將毋別有所取乎答曰柴

胡升提肝氣之力甚大用之失宜恆並將胃氣之下行者提之上逆曾有患陽明厥逆

吐血者（內經謂陽明厥逆衄血此陽明指胃腑而言也凡論六經不言足經手經

者皆指足經而言）初不甚劇醫者誤用柴數錢即大吐不止須臾 盈一痰盂有危

在頃刻之懼取藥無及適備有生赭石細末若干俾急用溫開水送下約盡兩半其血始止此柴胡並能提胃氣上逆之明徵也况此證之胃氣原不降乎至生麥芽雖能升肝實無防胃氣之下降蓋其萌芽發生之性與肝木同氣相求能宣通肝氣之鬱結使之開解而自然上升非若柴胡之純於升提也

### 胃氣不降

掖縣任維周夫人年五旬得胃氣不降證因維周在津經商遂來津求爲診治

原因舉家人口衆多因其夫在外家務皆自操勞恆動肝火遂得此證

證食後停滯胃中艱於下行且時覺有氣挾火上衝口苦舌脹目眩耳鳴恆有呃欲嘔逆

或惡心胸膈煩悶大便六七日始行一次或至服通利藥始通小便亦不順利其脈左

部弦硬右部弦硬而長一息搏近五至受病四年屢次服藥無效

斷此肝火與肝氣相併衝激胃腑致胃腑之氣不能息息下行傳送飲食久之胃氣不但

不能下行且更轉而上逆是以有種種諸病也宜治以降胃理衝之品而以滋陰清火

之藥輔之

方處 生 緒 石 兩半 軋細 生 懷 山 藥 壹兩 生 杭 芍 陸錢 玄 參 陸錢 生 麥 芽 錢叁

茵 陳 貳錢 生 鷄 內 金 貳錢 黃色的搗 甘 草 錢半 共煎湯一大鍾溫服

果效 每日服藥一劑三日後大便日行一次小便亦順利上焦諸病亦皆輕減再診其脈

頗見柔和遂將緒石減去五錢又加柏子仁五錢連服數劑霍然全愈  
吐血門

吐血證

張煥卿年三十五歲住天津特別第一區三義莊業商得吐血證年餘不愈

因病 稟性褊急勞心之餘又兼有拂意之事遂得斯證

候證 初次所吐甚多屢經醫治所吐較少然終不能除根每日或一次或兩次覺心中有熱

上衝卽吐血一兩口因病久身羸弱臥牀不起亦偶有扶起少坐之時偶或微喘幸食

慾猶佳大便微澹日行兩三次其脈左部弦長重按無力右部大而芤一息五至

斷診 凡吐血久不愈者多係胃氣不降致胃壁破裂出血之處不能長肉生肌也再即此脈

論之其左脈之弦右脈之大原現有肝火浮動挾胃氣上衝之象是以其吐血時覺有

熱上逆至其脈之弦而無力者病久而氣化虛也大而兼芤者失血過多也至其呼吸有時或喘大便日行數次亦皆氣化虛而不攝之故治此證者當投以清肝降胃培養氣血固攝氣化之劑

方處

赤石脂兩

生懷山藥壹兩

淨萸肉捌錢

生龍骨陸錢

生牡蠣陸錢

生杭芍陸錢

大生地黃肆錢

甘草貳錢

廣三七貳錢

共藥九味將前八味

煎湯送服三七末

解方

降胃之藥莫如赭石此愚治吐衄恆用之藥也此方中獨重用赤石脂者因赭石爲鐵養化合其重墜之力甚大用之雖善降胃而其力達於下焦又善通大便此證大便不實赭石似不宜用赤石脂之性重用之亦能使胃氣下降至行至下焦其粘滯之力又能固澇大硬且其性能生肌更可使腸壁破裂出血之處早愈誠爲此證最宜之藥也所最可異者天津藥房中之赤石脂竟有煨與不煨之殊夫石藥多煨用者欲化質之硬者爲軟也石脂原係粉末陶土其質甚軟宜與人以此燒作瓦器天津藥房其石脂之煨者係以水和石脂作泥在煤爐中煨成陶瓦如此製藥以入湯劑雖不能治病猶

不至有害然石脂入湯劑者少入丸散者多若將石脂煨成陶瓦竟作丸散用之其傷胃敗脾之病可勝言哉是以愚在天津診病出方凡用石脂必於藥名上加生字所以別於煨也然未免爲大雅所笑矣

果效 將藥煎服兩劑血卽不吐喘息已平大便亦不若從前之勤脈象亦較前和平惟心中仍有覺熱之時遂卽原方將生地黃改用一兩又加熟地黃一兩連服三劑諸病皆愈

欬血兼吐血證

堂姪女住姑適鄰村王氏於乙酉仲春得吐血證時年三十歲

因病 姪婿筱樸孝廉在外設教因此家務自理勞心過度且又稟賦素弱當此春陽發動之時遂病吐血

候證 先則欬嗽痰中帶血繼則大口吐血其吐時覺心中有熱上衝一日夜吐兩三次劇時可吐半碗兩日之後覺精神氣力皆不能支持遂急迎愚診治自言心中搖搖似將上脫兩額發紅面上發熱其脈左部浮而動右部浮而濡兩尺無根數逾五至

斷診 此肝腎虛極陰分陽分不相維繫而有危在頃刻之勢遂急爲出方取藥以防虛脫

方處 生懷山藥壹

生懷地黃壹

熟懷地黃壹

淨黃肉壹

生赭石壹  
細

急火煎藥取湯兩鍾分兩次溫服下

果效 將藥甫煎成未服又吐血一次吐後忽停息閉目昏然罔覺診其脈跳動仍舊知能蘇

醒約四分鐘呼吸始續兩次將藥服下其血從此不吐俾即原方再服一劑至第三劑  
即原方加潞黨參三錢天冬四錢連服數劑身形亦漸復原繼用生懷山藥為細麵每  
用八錢煑作茶湯少調以白糖送服生赭石細末五分作點心用之以善其後

吐血兼欬嗽

王寶森天津裕大紡紗廠理事年二十四歲得欬嗽吐血證

因病 稟賦素弱略有外感即發欬嗽偶因欬嗽未愈繼又勞心過度心中發熱遂至吐血

候證 先時欬嗽猶輕失血之後則嗽益加劇初則痰中帶血繼則大口吐血心中發熱氣息

微喘脇下作疼大便乾燥其脈關前浮弦兩尺重按不實左右皆然數逾五至

斷診 此證乃肺金傷損肝木橫恣又兼胃氣不降腎氣不攝也為其肺金受傷是以欬嗽痰

中帶血為其胃氣不降是以血隨氣升致胃中血管破裂而大口吐血至其脇下作疼



乃肝木橫恣之明證其脈上盛下虛氣息微喘又腎氣不攝之明徵也治之者宜平肝降胃潤肺補腎以培養調劑其臟腑則病自愈矣

方處  
生懷山藥兩壹

生赭石兩肆

生懷地黃兩壹

生杭芍伍錢

天冬伍錢

大甘枸杞伍錢

川貝母肆錢

生麥芽叁錢

牛蒡子叁錢

射干貳錢

廣三七一叁錢

粉甘草細末貳錢

共藥十二味將前十味煎湯一大鍾送服三七甘草末各一半至煎渣再服時仍送其餘一半

果效  
服藥一劑吐血即愈諸病亦輕減後即原方隨時為之加減連服三十餘劑其嗽始除

根身體亦漸壯健

吐血兼欬嗽

孫星橋天津南開義聚成鐵工廠理事年二十八歲得吐血兼欬嗽證

因病因天津南小站分有支廠彼在其中經理應有官活若干工人短少恐誤日期心中着

急起火遂致吐血欬嗽

候證  
其吐血之始至今已二年矣經醫治愈屢次反覆少有操勞心中發熱即復吐血又頻

作欬嗽時吐痰亦恆帶血肋下恆作刺疼嗽時其疼益甚口中發乾身中亦間有灼熱大便乾燥其脈左部弦硬右部弦長皆重按不實一息搏近五至

斷參

此證左脈弦硬者陰分虧損而肝胆有熱也右部弦長者因衝氣上衝並致胃氣上逆也爲其衝衝胃逆是以胃壁血管破裂以至於吐血欬血也其脈重按不實者血虧而氣亦虧也至於口無津液身或灼熱大便乾燥無非血少陰虧之現象也擬治以清肝降胃滋陰化瘀之劑

處方

生赭石捌錢  
軋細

生懷地黃壹兩

生懷山藥壹兩

生杭芍陸錢

玄參伍錢

川棟子肆錢  
搗碎

生麥芽叁錢

川貝母叁錢

甘草半錢

廣三七貳錢  
細末

藥共十味將前九味煎湯一大鍾送服三七末一半至煎渣重服時再送服餘一半

解方

愚治吐血凡重用生地黃必用三七輔之因生地黃最善涼血以治血熱妄行猶恐妄行之血因涼而凝瘀塞於經絡中也三七善止血又善化瘀血與生地黃並用血止後自無他虞且此證肋下作疼原有瘀血則三七尤在所必需也

復診

將藥連服三劑吐血全愈欬嗽吐痰亦不見血肋疼亦愈強半灼熱已無惟口中仍發

乾脈仍有弦象知其真陰猶虧也擬再治以滋補真陰之劑

方處 生懷山藥壹兩 生懷地黃陸錢 大甘枸杞陸錢 生杭芍肆錢 玄 參肆錢

生赭石肆錢 生麥芽貳錢 甘 草貳錢 廣三七貳錢 服法如前

果效 將藥連服五劑病全愈脈亦復常遂去三七以熟地黃易生地黃俾多服數劑以善其

後

吐血證

馮松慶年三十二歲原籍浙江在津充北寧鐵路稽查得吐血證久不愈

原因 處境多有拂意繼因辦公勞心勞力過度遂得此證

證候 吐血已逾二年治愈屢次反覆病將發時覺胃中氣化不通滿悶發熱大便滯塞旋即

吐血兼欬嗽多吐痰涎其脈左部弦長右部長而兼硬一息五至

斷診 此證當係肝火挾衝胃之氣上衝血亦隨之上逆又兼失血久而陰分虧也為其肝火

熾盛是以左脈弦長為其肝火挾衝胃之氣上衝是以右脈長而兼硬為其失血久而

真陰虧損是以其脈既弦硬（弦硬即有陰虧之象）而又兼數也此宜治以瀉肝降胃

之劑而以大滋真陰之藥佐之

方處 生 赭石 壹兩 剉細

玄 參 剉

大 生 地 剉

生 懷 山 藥 陸

瓜 萸 仁 陸 炒

生 杭 芍 肆 錢

龍 胆 草 壹 錢

川 貝 母 叁 錢

甘 草 半 錢

廣 三 七 貳 錢 細末

藥共十味先將前九味煎湯一大鍾送服三七細末一半至煎渣重服時再送服其餘一半

身效 每日煎服一劑初服後血即不吐服至三劑欬嗽亦愈大便順利再診其脈左右皆有

和柔之象問其心中悶熱全無遂去萸仁龍胆草將生山藥改用一兩俾多服數劑吐血之病可從此永遠除根矣

### 吐血證

張姓年過三旬寓居天津南門西沈家臺業商偶患吐血證

因其人性嗜酒每日必飲且不知節初則飲酒過量即覺胸間煩熱後則不飲酒時亦覺

煩熱遂至吐血

候發 其初吐血之時原不甚劇始則痰血相雜因欬吐出即或純吐鮮血亦不過一日數口

繼復因延醫服藥方中有柴胡三錢服藥半點鐘後遂大吐不止倉猝迎愚往視及至則所吐之血已盈痰盂又復連連嘔吐若不立為止住實有危在目前之惧幸所携藥囊中有生赭石細末一包俾先用溫水送下五錢其吐少緩須臾又再送下五錢遂止住不吐診其脈弦而扎數逾五至其左寸搖搖有動意問其心中覺怔忡乎答曰怔忡殊甚幾若不能支持

斷診 此證初傷於酒繼傷於藥臟腑之血幾於傾囊而出猶幸速為立止宜急服湯藥以養

其血降其胃氣保其心氣育其真陰連服數劑庶其血不至再吐

方處

生懷山藥壹兩

生赭石陸錢 軋細

玄參陸錢

生地黃陸錢

生龍骨陸錢 搗碎

生牡蠣陸錢 搗碎

生杭芍伍錢

酸棗仁肆錢 炒搗

柏子仁肆錢

甘草半錢

廣三七叁錢 細末

此方將前十味煎湯三七分兩次用頭煎及二煎之湯送服

果效 每日服藥一劑連服三日血已不吐心中不復怔忡再診其脈訖動皆無至數仍略數

遂將生地黃易作熟地黃俾再服數劑以善其後

# 衷中參西錄第六期第二卷

## 大便下血

袁鏡如住天津河東特別二區年三十二歲為天津統稅局科員得大便下血證

因病先因勞心過度心中時覺發熱繼又因朋友讌會飲酒過度遂得斯證

候證自孟夏下血歷六月不止每日六七次腹中覺疼即須入廁心中時或發熱懶於飲食

其脈浮而不實有似芤脈而不若芤脈之硬兩尺沈分尤虛至數微數

斷診此證臨便時腹疼者腸中有潰爛處也心中時或發熱者陰虛之熱上浮也其脈近芤

者失血過多也其兩尺尤虛者下血久而陰虧更兼下焦氣化不固攝也此宜用化腐

生肌之藥治其腸中潰爛滋陰固氣之藥固其下焦氣化則大便下血可愈矣

方處生懷山藥兩半

熟地黃兩壹

龍眼肉兩壹

淨荳蔻兩壹

檉白皮伍錢

金銀花肆錢

赤石脂肆錢研細

甘草貳錢

鴉胆子捌拾粒成實者

生硫黃捌分細末

共藥十味將前八味煎湯送服鴉胆子硫黃各一半至煎渣再服時仍送服其餘一半

至於硫黃生用之理詳於三期八卷

解方方中鴉胆子硫黃並用者因鴉胆子善治下血而此證之脈兩尺過弱又恐單用之失

於寒涼故少加硫黃輔之况其腸中脂膜因下血日久易至腐敗釀毒二藥之性皆善  
消除毒菌也又其腹疼下血已歷半載不愈有似東人志賀潔所謂阿米巴赤痢硫黃

實又為治阿米巴赤痢之要藥也

復診前藥連服三劑下血已愈心中亦不發脈不若從前之浮至數如常而其大便猶一日

溏瀉四五次此宜投以健胃固腸之劑

處方炙箭芪錢叁 炒白朮錢叁 生懷山藥壹兩 龍眼肉壹兩 生麥芽錢叁

建神麴錢叁 大雲苓片貳錢共煎湯一大鍾溫服

果效將藥連服五劑大便已不溏瀉日下一次遂停服湯俾用生懷山藥細末煮作粥調以

白糖當點心服之以善其後

大便下血

高福亭年三十六歲膠濟路警察委員得大便下血證

因病冷時出外辦公寢於寒涼屋中牀衾又甚寒涼遂得斯證

候證 每日下血數次或全是血或兼有大便或多或少其下時多在夜間每覺腹中作疼卽須入廁夜間恆苦不寐其脈遲而芤兩尺尤不堪重按病已二年餘服溫補下元藥則稍輕然終不能除根久之則身體漸覺羸弱

斯診 此下焦虛寒太甚其氣化不能固攝而血下陷也視其從前所服諸方皆係草木之品其質輕浮溫煖之力究難下達當以鑛質之品溫煖兼收澇者投之

處方 生硫黃半斤色純黃者 赤石脂半斤純係粉末者 將二味共軋細過羅先空心服七八分日服兩次

品驗漸漸加多以服後移時微覺腹中溫煖爲度

果效 後服至每次二錢腹中始覺溫煖血下亦漸少服至旬餘身體漸壯夜睡安然可無入廁服至月餘則病根祓除矣

解方 按硫黃之性溫煖下達誠爲溫補下焦第一良藥而生用之尤佳（拙著三期八卷末載有服生硫黃法）惟其性能潤大便（本草謂其能使大便潤小便長西醫以爲輕瀉藥）於大便滑瀉者不宜故輔以赤石脂之黏膩收澀自有益而無弊矣

大便下血



天津公安局崔姓差役子年十三歲得大便下血證

因病仲夏天熱賽球競走勞力過度又兼受熱遂患大便下血

候證每日大便必然下血便時腹中作疼或輕或劇若疼劇時則血之下者必多已年餘矣

飲食減少身體羸弱面目黃白無血色脈搏六至左部弦而微硬右部濡而無力

斷診此證當因脾虛不能統血是以其血下陷至其腹所以作疼其腸中必有損傷潰爛處

也當用藥健補其脾胃兼調養其腸中潰爛

方生懷山藥兩壹 龍眼兩壹 肉桂兩壹 金銀花錢肆 甘草 草委錢壹 廣三七貳錢半  
軋細末

鴉胆子去皮揀其仁之成實者捌拾粒 共藥六味將前三味煎湯送服三七鴉胆子各一半至煎渣再服

時仍送服餘一半

果效將藥如法服兩次下血病即除根矣

大便下血

杜禮芑年四十五歲阜城建橋鎮人湖北督署秘書得大便下血證

因病向因辦公勞心過度每大便時下血服藥治愈因有事還籍值夏季暑熱過甚又復勞

心過度舊證復發屢治不愈遂來津入西醫院治療西醫爲其血在便後謂係內痔服藥血仍不止因轉而求治於愚

候證 血隨便下且所下甚多然不覺疼墜心中發熱懶食其脈左部弦長右部洪滑

斷診 此因勞心生內熱牽動肝經所寄相火致肝不藏血而兼於溼之熱相併所以血妄行

也宜治以清心涼肝兼消暑熱之劑而少以培補脾胃之藥佐之

方處 生懷地黃兩壹

白頭翁錢伍

龍眼肉錢伍

生懷山藥錢伍

知母錢肆

秦皮錢叁

黃柏錢貳

龍胆草錢貳

甘草錢貳共煎湯一大鍾溫服

復診 右方煎服一劑血已不見服至兩劑少腹覺微涼再診其脈弦長與洪滑之象皆減退

遂爲開半清半補之方以善其後

方處 生懷山藥兩壹

熟懷地黃錢捌

淨黃肉錢伍

龍眼肉錢伍

白頭翁錢伍

秦皮錢叁

生杭芍錢叁

地骨皮錢叁

甘草錢貳共煎湯一大鍾溫服

效 將藥煎服一劑後食欲頓開腹已不疼俾即原多服數劑下血病當可除根

### 瘀血短氣

劉書林鹽山城西八里莊人年二十五歲業泥瓦工得瘀血短氣證

因病因出外修功努力擡重物當時覺脇下作疼數日疼愈仍覺脇下有物妨碍呼吸

候證身形素強壯自受病之後遲延半載漸漸羸弱常覺右脅之下有物阻碍呼吸之氣與

人言時恆半句而止候至氣上達再言若偶忿怒則益甚脈象近和平惟稍弱不能條暢

斷診此因努力太過致肝經有不歸經之血瘀經絡之間阻塞氣息升降之道路也喜其脈

雖補弱猶能支持可但用化瘀血之藥徐徐化其瘀結氣息自能調順

方處廣三七兩乳爲細末每服錢半用生麥芽二錢煎湯送下日再服

解方三七爲止血妄行之聖藥又爲化瘀血之聖藥且又化瘀血不傷新血單服久服無礙

此乃藥中特異之品其妙處直不可令人思議愚恆用以消積久之瘀血皆能奏效至麥芽原爲消食之品生煮服之則善舒肝氣且亦能化瘀血試生麥芽於理石（卽石膏）上其根盤曲之處理石皆成凹形爲其根含有稀鹽酸是以有此能力稀鹽酸固亦善化瘀血者也是以用之煎湯以送服三七也

果效 服藥四日後自鼻孔中出紫血一條呼吸較順繼又服至藥盡遂脫然全愈

問或 人之呼吸在於肺今謂肝經積有瘀血即可妨礙呼吸其義何居答曰按生理之學人

之呼吸可達於衝任方書又謂呼出心肺吸入肝腎若謂呼吸皆在於肺是以上兩說皆可廢也蓋心肺肝原一系相連下又連於衝任而心肺相連之系其中原有兩管一爲血脈管一爲回血管血脈管下行回血管上行肺爲發動呼吸之機關非呼吸即限於肺也是以吸入之氣可由血脈管下達呼出之氣可由回血管上達無論氣之上達下達皆從肝經過是以血瘀肝經即有妨於升降之氣息也據斯以論呼吸之關於肺者固多而心肺相連之系亦司呼吸之分支也

### 腦充血門

#### 腦充血頭疼

談丹崖北平大陸銀行總理年五十二歲得腦充血頭疼證

因病 稟性强幹精明分行十餘處多經其手設立因此勞心過度遂得腦充血頭疼證

候證 臟腑之間恆覺有氣上衝頭即作疼甚或至於眩暈其夜間頭疼益甚恆至疼不能寐

醫治二年無效寢至言語蹇澀肢體漸覺不利飲食停滯胃口不下行心中時常發熱大便乾燥其脈左右皆弦硬關前有力兩尺重按不實

斷診

弦為肝脈至弦硬有力無論見於何部皆係有肝火過升之弊因肝火過升恆引動衝氣胃氣相併上升是以前臟腑之間恆覺有氣上衝也人之血隨氣行氣上升不已血即隨之上升不已以致腦中血管充血過甚是以作疼其夜間疼益劇者因其脈上盛下虛陰分原不充足是以夜則加劇其偶作眩暈亦職此也至其心常發熱肝火熾其心火亦熾也其飲食不下行大便多乾燥者又皆因其衝氣挾胃氣上升胃即不能傳送飲食以速達於大腸也其言語肢體蹇澀不利者因腦中血管充血過甚有妨礙於司運動之神經也此宜治以鎮肝降胃安衝之劑而以引血下行兼清熱滋陰之藥輔之又須知肝為將軍之官中藏相火強鎮之恆起其反動力又宜兼用舒肝之藥將順其性以作引也

方處

- 生赭石 壹兩 軋細
- 生懷地黃 壹兩
- 懷牛膝 陸錢
- 大甘枸杞 陸錢
- 生龍骨 陸錢 搗碎
- 生牡蠣 陸錢 搗碎
- 淨萸肉 伍錢
- 生杭芍 伍錢
- 茵陳 貳錢
- 甘草 貳錢

共煎湯一大鍾溫服

復診 將藥連服四劑頭疼已愈強半夜間可睡四五點鐘諸病亦皆見愈脈象之弦硬已減

兩尺重診有根擬即原方略為加減俾再服之

方處 生赭石壹兩 軋細 生懷地黃壹兩 生懷山藥捌錢 懷牛膝陸錢 生龍骨陸錢 搗碎

生牡蠣陸錢 搗碎 淨黃肉伍錢 生杭芍伍錢 生鷄內金錢半黃色的搗 茵陳半錢

甘草貳錢 共煎湯一大鍾溫服

三診 將藥連服五劑頭已不疼能徹夜安睡諸病皆愈惟經理行中事務略覺操勞過度頭

仍作疼脈象猶微有弦硬之意其心中仍間有覺熱之時擬再治以滋陰清熱之劑

方處 生懷山藥壹兩 生懷地黃捌錢 玄參肆錢 北沙參肆錢 生杭芍肆錢

淨黃肉肆錢 生珍珠母肆錢 搗碎 生石決明肆錢 搗碎 生赭石肆錢 軋細 懷牛膝叁錢

生鷄內金錢半黃色的搗 甘草貳錢 共煎湯一大鍾溫飲下

效 將藥連服六劑至經理事務時頭亦不疼脈象已和平如常遂停服湯藥俾日用生山

藥細末煮作茶湯調以白糖令適口送服生赭石細末錢許當點心服之以善其後

明說 腦充血之病名倡自西人實卽內經所謂諸厥證亦卽後世方書所謂內中風證三期

七卷鎮肝熄風湯後及五期三卷建瓴湯後皆論之甚詳可參觀至西人論腦充血證原分三種其輕者爲腦充血其血雖充實於血管之中猶未出於血管之外也其人不過頭疼或兼眩暈或口眼略有歪斜或肢體稍有不和利其重者爲腦溢血其血因充實過甚或自分支細血管中溢出少許或隔血管之壁因排擠過甚滲出少許其所出之血着於司知覺之神經則有累知覺着於司運動之神經則有累運動治之得宜其知覺運動亦可徐復其舊其又重者爲腦出血其血管充血至於極點而忽然破裂也其人必忽然昏倒人事不知其稍輕者或血管破裂不劇血甫出卽止其人猶可徐徐蘇醒若其人不能自醒亦可急用引血下行之藥使之蘇醒然蘇醒之後其知覺之遲頓肢體之痿廢在所不免矣此證治之得宜亦可漸愈若欲治至脫然無累不過百中之一二耳至於所用諸種治法五期中論之頗詳可參觀

### 腦充血頭疼

天津日租界淡路街李氏婦年過三旬得腦充血頭疼證

因癆稟性褊急家務勞心常起暗火因得斯證

候證其頭疼或左或右或左右皆疼劇時至作呻吟心中常常發熱時或煩躁間有眩暈之

時其大便燥結非服通下藥不行其脈左右皆弦硬而長重診甚實經中西醫診治二

年毫無功效

斷診其左脈弦硬而長者肝胆之火上升也其右脈弦硬而長者胃氣不降而逆行又兼衝

氣上衝也究之左右脈皆弦硬實亦陰分有虧損也因其臟腑之氣化有升無降則血

隨氣升者過多遂至充塞於腦部排擠其腦中之血管而作疼此內經所謂血之與氣

並走於上之厥證也亦即西人所謂腦充血之證也其大便燥結不行者因胃氣不降

失其傳送之職也其心中發煩躁者因肝胃之火上升也其頭部間或眩暈者因腦部

充血過甚有碍於神經也此宜清其臟腑之熱滋其臟腑之陰更降其臟腑之氣以引

腦部所充之血下行方能治愈

方疏 生赭石兩半 軋細 懷牛膝壹兩 生懷山藥陸錢 生懷地黃陸錢 天冬陸錢

玄參伍錢 生杭芍伍錢 生龍齒伍錢 搗碎 生石決明伍錢 搗碎 茵陳 陳皮陸錢



甘 草錢半共煎湯一大鍾溫服

解方 赭石爲鐵養化合其質重墜下行能降胃平肝鎮安衝氣其下行之力又善通大便燥

結而毫無開破之弊方中重用兩半者因此證大便燥結過甚非服藥不能通下也蓋大便不通是以胃氣不下降而肝火之上升衝氣之上衝又多因胃氣不降而增劇是治此證者當以通其大便爲要務迨服藥至大便自然通順時則病愈過半矣牛膝爲治腿疾要藥以其能引氣血下行也而名醫別錄及千金翼方皆謂其除腦中痛蓋以其能引氣血下行即可輕減腦中之充血也愚生平治此等證必此二藥並用而又皆重用之用玄參天冬芍藥者取其既善退熱兼能滋陰也用龍齒石決明者以其皆爲肝家之藥其性皆能斂緝肝火鎮熄肝風以緩其上升之勢也用山藥甘草者以二藥皆善和胃能調和金石之藥與胃相宜猶白虎湯用甘草粳米之義而山藥且善滋陰甘草亦善緩肝也用茵陳者因肝爲將軍之官其性剛果且中寄相火若但用藥平之鎮之恆至起反動之力茵陳爲青蒿之嫩者稟少陽初生之氣（春日發生最早）與肝木同氣相求最能將順肝木之性且又善瀉肝熱李氏綱目謂善治頭痛是不

但將順肝木之性使不至反動且又爲清涼腦部之要也諸藥彙集爲方久服之自有殊效

復診將藥連服二十餘劑（其中隨時略有加減）頭已不疼惟夜失眠時則仍疼心中發

熱煩躁皆無亦不復作眩暈大便屆時自行無須再服通藥脈象較前和平而仍有弦

硬之意此宜注意滋其真陰以除病根

方處 生赭石壹兩 軋細 懷牛膝捌錢 生懷山藥捌錢 生懷地黃捌錢 玄參陸錢

大甘枸杞陸錢 淨萸肉伍錢 生杭芍肆錢 柏子仁肆錢 生麥芽壹錢

甘草貳錢 共煎湯一大鍾溫服方中用麥芽者藉以宣通諸藥之滯膩也且麥芽生

用原善調和肝氣亦猶前方用茵陳之義也

效果 將藥又連服二十餘劑（亦隨時略有加減）病遂全愈脈象亦和平如常矣

腦充血頭疼

天津北馬路西首于氏婦年二十二歲得腦充血頭疼證

因病 其月信素日短少不調大便燥結非服降藥不下行寢至臟腑氣化有升無降因成斯

證

候證 頭疼甚劇恆至夜不能眠心中常覺發熱偶動肝火即發眩暈胃中飲食恆停滯不消

大便六七日不行必須服通下藥始行其脈弦細有力而長左右皆然每分鐘八十至延醫診治歷久無效

斷診

此因陰分虧損下焦氣化不能固攝衝氣遂挾胃氣上逆而肝臟亦因陰分虧損水不滋木致所寄之相火妄動恆助肝氣上衝由斯臟腑之氣化有升無降而自心注腦之血為上升之氣化所迫遂至充塞於腦中血管而作疼作暈也其飲食不消大便不行者因衝胃之氣皆逆也其月信不調且短少者因衝為血海肝為衝任行氣脾胃又為生血之源諸經皆失其常司是以月信不調且少也內經謂血菀（同鬱）於上使人薄厥言為上升之氣血偪薄而厥也此證不急治則薄厥將成宜急治以降胃鎮衝平肝之劑再以滋補真陰之藥輔之庶可轉上升之氣血下行不成薄厥也

方處

生赭石

壹兩 軋細

懷牛膝

壹兩

生懷地黃

壹兩

大甘枸杞

捌錢

生懷山藥

陸錢

生杭芍

伍錢

生龍齒

伍錢 搗碎

生石決明

伍錢 搗碎

天

冬伍錢

生鷄內金

貳錢 黃色的搗

蘇子貳錢 茵陳半 甘草半 共煎湯一大鍾溫服

復診 將藥連服四劑諸病皆見輕脈象亦稍見柔和惟大便六日仍未通行因思此證必先

使其大便如常則病始可愈擬將赭石加重再將餘藥略為加減以通其大便

方處 生赭石兩半 懷牛膝壹兩 天冬壹兩 黑脂麻捌錢 大甘枸杞捌錢

生杭芍伍錢 生龍齒伍錢 生石決明伍錢 蘇子叁錢 生鷄內金錢半

甘草半錢 淨柿霜伍錢 共藥十二味將前十一味煎湯一大鍾入柿霜融化溫服

三診 將藥連服五劑大便間日一行諸證皆愈十之八九月信適來仍不甚多脈象仍有弦

硬之意知其真陰猶未充足也當即原方略為加減再加滋陰生血之品

方處 生赭石壹兩 懷牛膝捌錢 大甘枸杞捌錢 龍眼肉陸錢 生懷地黃陸錢

當歸伍錢 玄參肆錢 沙參肆錢 生懷山藥肆錢 生杭芍肆錢

生鷄內金壹錢 甘草貳錢 生薑叁錢 大棗叁枚 共煎湯一大鍾溫服

效果 將藥連服四劑後心中已分毫不覺熱脈象亦大見和平大便日行一次遂去方中玄

參沙參生赭石改用八錢生懷山改用六錢俾多服數劑以善其後

腦充血兼腿痿弱

崔華林天津金鋼橋旁德興木廠理事年三十八歲得腦充血兼兩腿痿弱證

出門採買木料數日始歸勞心勞力過度遂得斯證

其初常覺頭疼時或眩暈心中發熱飲食停滯大便燥結延醫治療無效一日早起下

床覺痿弱無力痿坐於地人扶起坐床沿休息移時自扶杖起立猶可徐步然時恐顛

仆其脈左部弦而甚硬右部弦硬且長

斷診 其左脈弦硬者肝氣挾火上升也右脈弦硬且長者胃氣上逆更兼衝氣上衝也因其

臟腑間之氣化有升無降是以血隨氣升充塞於腦部作疼作眩暈其腦部血充過甚

或自微細血管溢血於外或隔血管之壁些些滲血於外其所出之血若着於司運動

之神經其重者可使肢體痿廢其輕者亦可使肢體軟弱無力若此證之忽然痿坐於

地者是也至其心中之發熱飲食之停滯大便之燥結亦皆其氣化有升無降之故此

宜平肝清熱降胃安衝不使臟腑之氣化過升且導引其腦中過充之血使之下行則

諸證自愈矣

方處 生 赭石 壹兩 軋細 懷牛膝 壹兩 生懷地黃 壹兩 生珍珠母 陸錢 搗碎 生石決明 陸錢 搗碎

生 杭芍 伍錢 當歸 肆錢 龍胆草 貳錢 茵陳 半錢 甘 草 半錢

共煎湯一大鍾溫服

復診 將藥連服七劑諸病皆大見愈脈象亦大見緩和惟其步履之間仍須用杖未能復常

心中仍間有發熱之時擬即原方略為加減再佐以通活血脈之品

方處 生 赭石 壹兩 軋細 懷牛膝 壹兩 生懷地黃 壹兩 生 杭芍 伍錢 生珍珠母 肆錢 搗碎

生石決明 肆錢 搗碎 丹 參 肆錢 生 麥芽 叁錢 土 鱉 蟲 伍個 甘 草 壹錢

共煎湯一大鍾溫服

效 果 將藥連服八劑步履復常病遂全愈

腦充血兼痰厥

駱義波住天津東門裏謙益里年四十九歲業商得腦充血兼痰厥證

因病 平素常患頭暈間有疼時久則精神漸似短少言語漸形蹇澀一日外出會友飲食過

度歸家因事有拂意怒動肝火陡然昏厥

候證 閉目昏昏呼之不應喉間痰涎杜塞氣息微通診其脈左右皆弦硬而長重按有力知其證不但痰厥實素有腦充血病也

斷診 其平素頭暈作疼卽腦充血之現證也其司知覺之神經爲腦充血所傷是以精神短少其司運動之神經爲腦充血所傷是以言語蹇澀又凡腦充血之人其臟腑之氣多上逆胃氣逆則飲食停積不能下行肝氣逆則痰火相併易於上干此所以因飽食動怒而陡成痰厥也此其危險卽在目前取藥無及當先以手術治之

術手 治痰厥之手術當以手指點其天突穴處穴在結喉下宛宛中卽頸與胸交際之處也點法用右手大指端着穴指肚向外指甲貼頸用力向下點之（不可向裏）一點一起且用指端向下向外撓動令其杜塞之痰活動兼可令其喉中發癢作嗽兼用手指捏其結喉助其發癢作嗽如此近八分鐘許卽欬嘔吐約吐出痰涎飲食三碗許豁然頓醒自言心中發熱頭目脹疼此當繼治其腦部充血以求全愈擬用建瓴湯方（在五期三卷）治之因病脈之所宜而略爲加減

方處 生赭石壹兩  
軋細

懷牛膝壹兩

生懷地黃兩

天花粉陸

生杭芍陸

生龍骨伍錢 搗碎 生牡蠣伍錢 搗碎 生麥芽錢 茵 陳半錢 甘 草半錢

磨取生鐵鑄濃水以之煎藥煎湯一鍾溫服下

復診 將藥服三劑心中已不發熱頭疼目脹皆愈惟步履之時覺頭重足輕脚底如踏棉絮

其脈象較前和緩似有上盛下虛之象爰即原方略為加減再添滋補之品

方處 生赭石壹兩 軋細 懷牛膝壹兩 生懷地黃壹兩 大甘枸杞捌錢 生杭芍陸錢

淨黃肉陸錢 生龍骨伍錢 搗碎 生牡蠣伍錢 搗碎 柏子仁伍錢 炒搗 茵 陳半錢

甘 草半錢 磨取生鐵鑄濃水以之煎藥煎湯一大鍾溫服

效果 將藥連服五劑病遂脫然全愈將赭石牛膝地黃皆改用八錢俾多服數劑以善其後

腦充血兼偏枯

孫聘卿住天津東門裏季家大院年四十六歲業商得腦充血證遂至偏枯

因病 稟性褊急又兼處境不順恆觸動肝火致得斯證

證候 未病之先恆覺頭疼時常眩暈一日又遇事有拂意遂忽然昏倒移時醒後左手足皆

不能動並其半身皆麻木言語蹇澀延醫服藥十閱月手略能動其五指則握而不伸



足可任地而不能行步言語仍然蹇澀又服藥數月病仍如故診其脈左右皆弦硬右部似尤甚知雖服藥年餘腦充血之病猶未除也問其心中發熱乎腦中有時覺疼乎答曰心中有時覺有熱上衝胃口其熱再上升則腦中可作疼然不若病初得時腦疼之劇也問其大便兩三日一行證脈相參其腦中猶病充血無疑

斷診

按此證初得不但腦充血實兼腦溢血也其溢出之血着於左邊司運動之神經則右半身痿廢着於右邊司運動之神經則左半身痿廢此乃交叉神經以互司其身之左右也想其得病之初脈象之弦硬較此時尤劇是以頭疼眩暈由充血之極而至於溢血因溢血而至於痿廢也即現時之證脈詳參其腦中溢血之病想早就愈而腦充血之病根確未除也宜注意治其腦充血而以通活經絡之藥輔之

方處

生懷山藥兩壹

生懷地黃兩壹

生赭石捌錢

懷牛膝捌錢

生杭芍肆錢

柏子仁肆錢

白朮叁錢

滴乳香叁錢

明沒藥叁錢

土鱉虫肆大個

生鷄內金錢半黃色的搗

茵陳

陳共煎湯一大鍾溫服

復

將藥連服七劑腦中已不作疼心中間有微熱之時其左半身自覺肌肉鬆活不若從

從前之麻木言語之蹇澀相愈大便較前通順脈之弦硬已愈十之七八擬再注意治其左手足之痿廢

方處

生箭芪伍錢

天花粉捌錢

生赭石陸錢

懷牛膝伍錢

滴乳香肆錢

明沒藥肆錢

當歸叁錢

絲瓜絡叁錢

土鱉虫肆大個

地龍貳錢

共煎湯一大鍾溫服

診三

將藥連服三十餘劑(隨時略有加減)其左手之不伸者已能伸左足之不能邁步者今已舉足能行矣病人問從此再多多服藥可能復原否答曰此病若初得即治服藥四十餘劑即能脫然今已遲延年餘雖服數百劑亦不能保全愈因關節經絡之間瘀滯已久也然再多服數十劑仍可見愈遂即原方略為加減再設法以聳動其神經補助其神經當更有效

方處

生箭芪陸錢

天花粉捌錢

生赭石陸錢

懷牛膝伍錢

滴乳香肆錢

明沒藥肆錢

當歸叁錢

土鱉虫肆大個

地龍貳錢

真鹿角膠貳錢

廣三七貳錢

製馬錢之末叁分

共十二味先將前九味共煎湯一大鍾送服後三味

各一半至煎渣再服時仍送服其餘一半

解方

方中用鹿角膠者因其可爲左半身引經（理詳三期四卷活絡效靈丹後）且其角爲督脈所生是以其性善補益腦髓以滋養腦髓神經也用三七者關節經絡間積久之瘀滯三七能融化之也用製馬錢子者以其能開動神經使靈活也 製馬錢子法詳

三期七卷振顏丸下

果效

將藥又連服三十餘劑手足之舉動皆較前便利言語之蹇澀亦大見愈可勉強出門作事矣遂俾停服湯藥日用生懷山藥細末煑作茶湯調以白糖令適口送服黃色生鷄內金細三分許當點心用之以善其後此欲用山藥以補益氣血少加鷄內金以化瘀滯也

明說

按腦充血證最忌用黃芪因黃芪之性補而兼升氣升則血必隨之上升致腦中之血充而益充排擠腦中血管可至溢血甚或至破裂而出血不可救藥者多矣至將其腦充血之病治愈而肢體之痿廢仍不愈者皆因其經絡瘀塞血脈不能流通也此時欲化其瘀塞通其血脈正不妨以黃芪輔之特是其腦中素有充血之病終嫌黃芪升補

之性能助血上升故方中仍加生赭石牛膝以防血之上升卽所以監制黃芪也又慮黃芪性溫溫而且補卽能生熱故又重用花粉以調劑之也

### 腸胃病門

#### 噎膈

盛雋卿天津鍋店街老德記西藥房理事年五旬得噎膈證

因病境恆多不順且又秉性褊急易動肝火遂得斯證

候證得病之初間覺飲食有不順時後則常常如此始延醫爲調治服藥半年更醫十餘人

皆無效驗轉覺病勢增劇自以爲病在不治已停藥不服矣適其友人何翼雲孝廉（

何子貞公會孫）來津其人博雅通醫曾閱拙著衷中參西錄力勸其求愚爲之診治

其六脈細微無力強食餅乾少許必嚼成稀糜方能下咽咽時偶覺齟齬卽作嘔吐帶

出痰涎若干惟飲粳米所煮稠湯尙無阻碍其大便燥結如羊矢不易下行

斷診楊素園謂此病與失血異證同源血之來也暴將胃壁之膜衝開則爲吐血其來也緩

不能衝開胃膜遂瘀於上脘之處致食管窄隘卽成噎膈至西人則名爲胃癆所謂癆

者如山石之有崿其形凸出也此與楊氏之說正相符合其為瘀血致病無疑也其脈象甚弱者為其進食甚少氣血兩虧也至其便結如羊矢亦因其飲食甚少兼胃氣虛弱不輸送下行之故也此宜化其瘀血兼引其血下行而更輔以培養氣血之品

方處

生赭石壹兩 軋細

野臺參伍錢

生懷山藥陸錢

天花粉陸錢

天冬肆錢

桃仁叁錢 去皮搗

紅花貳錢

土鱉蟲伍枚 搗碎

廣三七貳錢 搗細

藥共八味將前七

味煎湯一大鍾送服三七末一半至煎渣再服時再送服餘一半

解方

方中之義桃仁紅花廣蟲三七諸藥所以消其瘀血也重用生赭石至一兩所以引其

血下行也用臺參山藥者所以培養胃中之氣化不使因服開破之藥而有傷損也用天冬天花粉者恐其胃液枯槁所瘀之血將益乾結故藉其涼潤之力以滋胃液且即以防臺參之因補生熱也

果效

將藥服至兩劑後即可進食服至五劑大便如常因將赭石改用八錢又服數劑飲食

加多仍覺胃口似有阻滯不能脫然俾將三七加倍為四錢仍分兩次服下連進四劑自大便瀉下膿血若干病遂全愈

明說 按噎膈之證有因痰飲而成者其胃口之間生有痰囊（卽喻氏寓意草中所謂窠囊）

本方去塵蟲三七加清半夏四錢數劑可愈有因胃上脘枯槁痿縮致成噎膈者本方去塵蟲三七將赭石改爲八錢再加當歸龍眼肉枸杞子各五錢多服可愈有因胃上脘生瘤贅以致成噎膈者五期三卷胃病噎膈治法篇中曾詳論其治法然此證甚少較他種噎膈亦甚難治蓋瘤贅之生恆有在胃之下脘成反胃者至生於胃之上脘成噎膈者則百中無一二也

### 反胃吐食

陳景三天津河北人年五十六歲業商得反胃吐食證半年不愈

因病初因夏日多食瓜果致傷脾胃廉於飲食後又因處境不順心多抑鬱致成反胃之證  
候病食後消化力甚弱停滯胃中不下行漸覺惡心久之則覺有氣自下上衝卽將飲食吐  
出屢經醫診視服煖胃降氣之藥稍愈仍然反覆遷延已年餘矣身體羸弱脈弦長按之不實左右皆然

斷 此證之飲食不能消化固由於脾胃虛寒然脾胃虛寒者食後恆易作泄瀉此則食不

下行而作嘔吐者因其有衝氣上衝並迫其胃氣上逆也當以溫補脾胃之藥為主而  
以降胃鎮衝之藥輔之

生懷山藥壹兩

白朮壹錢

乾薑

壹錢

生鷄內金壹錢

生赭石陸錢

靈甘草貳錢共煎湯一大鍾溫服

果效 將藥煎服後覺飲食下行不復嘔吐翌日頭午大便下兩次再診其脈不若從前之弦

長知其下元氣化不固不任赭石之鎮降也遂去赭石加赤石脂五錢（用頭煎次煎  
之湯分兩次送服）蘇子二錢日煎服一劑連服十劑霍然全愈蓋赤石脂為末送服  
可代赭石以降胃鎮衝而又有固澇下焦之力故服之不復滑瀉也

胃脘疼悶

天津英租界寶華里徐氏婦年近三旬得胃脘疼悶證

因病 本南方人出嫁隨夫久居北方遠懷鄉里歸寧不得常起憂思因得斯證

候歷 中焦氣化凝鬱飲食停滯艱於下行時欲呃逆又苦不能上達甚則蓄極綿綿作疼其

初病時惟覺氣分不舒服藥治療三年病益加劇且身形亦漸羸弱呼吸短氣口無津

液時常作渴大便時常乾燥其脈左右皆弦細右脈又兼有牢意

斷診 內經謂脾主思此證乃過思傷脾以致脾不升胃不降也為其脾氣不上升是以口無

津液呃逆不能上達為其胃氣不降是以飲食停滯大便乾燥治之者當調養其脾胃俾還其脾升胃降之常則中焦氣化舒暢疼脹自愈飲食加多而諸病自除矣

方處 生懷山藥兩壹 大甘枸杞捌錢 生箭芪叁錢 生鷄內金叁錢黃色的搗 生麥芽叁錢

玄參叁錢 天花粉叁錢 天冬叁錢 生杭芍貳錢 桂枝尖半錢

生薑叁錢 大棗叁枚 共煎湯一大鍾溫服

解方 此方以山藥枸杞黃芪薑棗培養中焦氣化以麥芽升脾（麥芽生用善升）以鷄內金

降胃（鷄內金生用善降）以桂枝升脾兼以降胃（氣之當升者遇之則升氣之當降者遇之則降）又用玄參花粉諸藥以調劑薑桂黃芪之溫熱則藥性歸於和平可以

久服無弊

復診 將藥連服五劑諸病皆大輕減而胃疼仍未脫然右脈仍有牢意度其疼處當有瘀血

凝滯擬再於升降氣化藥中加消瘀血之品



方處

生懷山藥兩壹

大甘枸杞錢捌

生箭芪錢壹

玄

參錢叁

天花粉錢壹

生麥芽錢叁

生鷄內金貳錢黃色的搗

生杭芍錢貳

桃

仁貳錢去皮炒搗

廣三七貳錢軋細

藥共十味將前九味煎湯一大鍾送服三七末一半至煎渣再服時仍送服餘一半

果效 將藥連服四劑胃中安然不疼諸病皆愈身形亦漸強壯脈象已如常人俾將原方再

服數劑以善其後

問或 藥物之性原有一定善升者不能下降善降者不能上升此為一定之理何以桂枝之

性既善上升又善下降乎答曰凡樹枝之形狀分鹿角蟹瓜兩種鹿角者屬陽蟹瓜者

屬陰桂枝原具鹿角形狀且又性溫溫為木氣為其得春木之氣最厚是以善升而其

味又甚辣辣為金味為其得秋金之味最厚是以善降究之其能升兼能降之理乃天

生使獨又非可僅以氣味相測也且愚謂氣之當升不升者遇桂枝則升氣之當降不

降不降者遇桂枝則降此雖從實驗中得來實亦讀傷寒金匱而先有會悟今試取傷

寒金匱凡用桂枝之方匯通參觀自曉然無疑義矣

冷積腹疼

王祐三大城王家口人年四十五歲在天津業商少腹冷疼久服藥不愈

原因自幼在家慣睡火炕後在津經商栖處寒涼飲食又多不慎遂得此證

證候其少腹時覺下墜眠時須以煖水帶慰臍下不然則疼不能寐若屢服熱藥上焦卽覺

煩躁是以已歷二年不愈脈象沈弦左右皆然至數稍遲

診斷卽其兩尺沈弦涼而且墜論之知其腸中當有冷積此宜用溫通之藥下之

處方與以自製通徹丸（係用牽牛頭末和水爲丸如秫米粒大）三錢俾於清晨空心服下

效果閱三點鐘腹中疼似加劇須臾下如綠豆糊所熬涼粉者若干疼墜脫然全愈亦不覺

涼繼爲開溫通化滯之方俾再服數劑以善其後

### 腸結腹疼

李連榮天津泥沽人年二十五歲業商於仲春得腹結作疼證

病因偶因惱怒觸動肝氣遂卽飲食致食停腸中結而不下作疼

候病食結腸中時時切疼二十餘日大便不通始猶少進飲食繼則食不能進飲水一口亦

吐出延醫服藥無論何藥下咽亦皆吐出其脈左右皆微弱猶幸至數照常按之猶有

根柢知猶可救

法療 治此等證必止嘔之藥與開結之藥並用方能直達病所又必須內外兼治則久停之

結庶可下行

方處 用硝菴攻結湯（方載三期三卷係用淨朴硝四兩鮮萊菴五斤切片將萊菴片和朴

硝用水分數次煑之煑爛卽撈出再換生萊菴片將萊菴片煑完可得濃汁一大碗分

三次服）送服生赭石細末湯分三次服下（每五十分鐘服一次）共送服赭石末兩

半外又用蔥白四斤切絲醋炒至極熱將熟布包熨患處涼則易之又俾用淨黃肉二

兩煑湯一鍾結開下後飲之以防虛脫

果效 自晚八點鐘服至夜半時將藥服完炒蔥外熨至翌日早八點鐘下燥糞二十枚後繼

以溻便知其下淨遂將黃肉湯飲下安然全愈若虛甚者結開欲大便時宜先將黃肉

湯服下

腸結腹疼兼外感實熱

瀋陽縣張姓媪住小南門外風雨臺旁年過六旬腸結腹疼兼心中發熱

因原 素有肝氣病因怒肝氣發動恆至大便不通必服瀉藥始通下此次舊病復發而嘔吐不能受藥是以病久不愈

候證 胃下臍上似有實積常常作疼按之則疼益甚表裏俱覺發熱惡心嘔吐連次延醫服藥下咽須臾即吐出大便不行已過旬日水漿不入者七八日矣脈搏五至左右脈象皆弱獨右關重按似有力舌有黃苔中心近黑因問其得病之初曾發冷否答云旬日前曾發冷兩日至三日即變爲熱矣

斷診 即此證脈論之其陽明胃腑當蘊有外感實熱是以表裏俱熱因其腸結不通胃氣不能下行遂轉而上行與熱相併作嘔吐治此證之法當用鎮降之藥止其嘔鹹潤之藥開其結又當輔以補益之品俾其嘔止結開而正氣無傷始克有濟

處方 生石膏 壹兩 軋細

生赭石 壹兩 軋細

玄參 壹兩

潞

參 肆錢

芒

硝 肆錢

生麥芽 貳錢

茵

陳 貳錢

共煎湯一大鍾溫服

效 煎服一劑嘔止結開大便通下燥糞若干表裏熱皆輕減可進飲食診其脈仍有餘熱未淨再爲開滋陰清熱之方俾服數劑以善其後

頭部病

頭疼

李姓住天津英租界業商得頭疼證日久不愈

原因其人素羸弱因商務操勞遇事又多不順心肝之火常常妄動遂致頭疼

候證頭疼不起床者已逾兩月每日頭午猶輕過午則寢加重夜間疼不能寐鷄鳴後疼又

漸輕可以少睡心中時或覺熱飲食懶進脈搏五至左部弦長關脈猶弦而兼硬右脈

則稍和平

斷診即此脈象論之顯係肝胆之熱上衝腦部作疼也宜用藥清肝火養肝陰鎮肝逆且兼

用升清降濁之藥理其腦部

方處生杭芍捌錢

柏子仁陸錢

玄

參陸錢

生龜板陸錢

龍胆草叁錢

川芎半錢

甘菊花壹錢

甘

草叁錢共煎湯一大鍾溫服

效服藥一劑病愈十之七八脈象亦較前和平遂將龍胆草減去一錢又服兩劑全愈

或川芎為升提氣分之品今其頭疼既因肝胆之熱上衝復用川芎以升提之其熱不益

上衝乎何以服之有效也答曰川芎升清氣者也清氣卽輕氣也按化學之理無論何種氣若在輕氣之中必然下降人之臟腑原有輕氣川芎能升輕氣上至腦中則腦中熱濁之氣自然下降是以其疼可愈也

### 眼疾

李汝峯年二十歲文安人在天津恆源紡紗廠學徒得眼疾久不愈

因病廠中屋宇窄狹人口衆多不得空氣且工作忙碌致發生眼疾

候證眼險紅腫努肉遮睛甚劇目睛脹疼不但目不能見且耳聾鼻塞見聞俱廢跬步須人

扶持其脈象洪長按之甚實兩部皆然其心中甚覺發熱舌有白苔中心已黃其從前大便原秘因屢次服西醫之藥大便日行兩次

斷診此證當係先有外感伏氣積久化熱又因春陽萌動屋宇氣濁激動伏氣竄入陽明兼

入少陽此傷寒論陽明篇中所謂少陽陽明也是以脈象若斯之洪實其熱上衝遂至

目疼鼻塞耳聾也當用藥清其伏氣之熱而諸病自愈矣

方處擬用大劑白虎湯以清陽明之熱更加白芍龍胆草以清少陽之熱病人謂廠中原有

西醫不令服外人藥今因屢次服其藥而病寢加劇故偷來求治於先生或服丸散猶可斷乎不能在廠中煎服湯藥愚曰此易耳我有自製治眼妙藥送汝一包服之必愈遂將預軋生石膏細末二兩與之囑其分作六次服日服三次開水送下服後宜多飲開水令微見汗方好

果效 隔三日復來眼疾已愈十之八九耳聾鼻塞皆愈心中已不覺熱脈已和平復與以生石膏細末兩半俾仍作六次服將藥服盡全愈至與以生石膏而不欲明言者恐明言之彼將不敢服矣

目病乾疼

崔振之天津東興街永和姓木廠同事年三十四歲患眼乾間有時作疼

因病 向因外感之熱傳入陽明之腑服藥多甘寒之品致外感之邪未淨痼閉胃中永不消散其熱上衝遂發爲眼疾

候證 兩目乾澇有時目睛脹疼漸至視物昏花心中時常發熱二便皆不通順其脈左右皆有力而右關重按有洪實之象屢次服藥已近二年仍不少愈

斷診

凡外感之熱傳裏最忌但用甘寒滯泥之藥痼閉其外感之邪不能盡去是以陸九芝謂如此治法其病當時雖愈後恆變成癆瘵此證因其稟賦強壯是以未變癆瘵而發為眼疾醫者不知清其外感之餘熱而泛以治眼疾之藥治之是以歷久不愈也愚有自製離中丹(卽益元散以生石膏代滑石)再佐以清熱托表之品以引久蘊之邪熱外出眼疾當愈

處方

離中丹

兩壹

鮮蘆根

錢伍

鮮茅根

錢伍

共藥三味將後二味煎湯三杯分三次

溫服每次服離中丹三錢強為一日之量若二種鮮根但有一種者可倍作一兩用之將藥如法服之至第三日因心中已不發熱遂將離中丹減半又服數日眼之乾澀疼

脹皆愈二便亦皆順利

牙疼

王姓年三十餘住天津東門裏二道街業商得牙疼病

因病商務勞心又兼連日與友讌飲遂得斯證

候既其牙疼甚劇有礙飲食夜不能寐服一切治牙疼之藥不效已遷延二十餘日矣其脈



左部如常而右部弦長按之有力

斷診 此陽明胃氣不降也上牙齦屬足陽明胃下牙齦屬手陽明大腸究之胃氣不降腸中

之氣亦必不降火隨氣升血亦因之隨氣上升併於牙齦而作疼是以牙疼者其牙齦

之肉多腫熱也宜降其胃氣兼引其上逆之血下行更以清熱之藥輔之

方處 生 赭 石 壹兩 軋細 懷 牛 膝 壹兩 滑 石 陸錢 甘 草 壹錢 煎湯服

果效 將藥煎服一劑牙疼立愈俾按原方再服一劑以善其後

明說 方書治牙疼未見有用赭石牛膝者因愚曾病牙疼以二藥治愈（詳案在五期書二

卷）後凡遇胃氣不降致牙疼者方中必用此二藥其陽明胃腑有實熱者又恆加生

石膏數錢

肢體疼痛門

脇疼

陳錫周安徽人寓天津英租界年六旬得脇下作疼證

案 素性仁慈最喜施捨聯合同志共捐錢開設粥場諸事又皆親自經營因操勞過度遂

得脇下疼病

候證

其疼或在左脇或在右脇或有時兩脇皆疼醫者治以平肝舒肝柔肝之法皆不效遷延年餘病勢寢增疼劇之時覺精神昏潰其脈左部微細按之即無右脈似近和平其搏動之力略失於弱

斷診

人之肝居脇下其性屬木原喜條達此因肝氣虛弱不能條達故鬱於脇下作疼也其疼或在左或在右者難經云肝之為臟其治在左其藏在右脇右腎之前並胃著於胃之第九椎（金鑑刺灸篇曾引此數語今本難經不知被何人刪去）所謂藏者肝臟所居之地也所謂治者肝氣所行之地也是知肝雖居右而其氣化實先行於左其疼在左者肝氣鬱於所行之地也其疼在右者肝氣鬱於所居之地也其疼劇之時精神昏潰者因肝經之病原與神經有涉也（肝主筋腦髓神經為灰白色之筋是以肝經之病與神經有涉）治此證者當以補助肝氣為主而以升肝化鬱之藥輔之

方處

生箭芪伍錢 生杭芍肆錢 玄參肆錢 滴乳香伍錢 明沒藥伍錢  
生麥芽叁錢 當歸叁錢 川芎貳錢 甘草半錢 共煎湯一大鍾溫服

解方 方書有謂肝虛無補法者此非見道之言也周易謂同聲相應同氣相求愚嘗以此理

推之確知黃芪當爲補肝之主藥何則黃芪之性溫而能升而臟腑之中秉溫升之性者肝木也是以各臟腑氣虛黃芪皆能補之而以補肝經之氣虛實更有同氣相求之妙是以方中用之爲主藥然因其性頗溫重用之雖善補肝氣恐並能助肝火故以芍藥玄參之滋陰涼潤者濟之用乳香沒藥者以之融化肝氣之鬱也用麥芽芎藭者以之升達肝氣之鬱也(麥芽生用有升達之力)究之無論融化升達皆通行其經絡使之通則不痛也用當歸者以肝爲藏血之臟既補其氣又欲補其血也且當歸味甘多液固善生血而性溫味又兼辛實又能調和氣分也用甘草者以其能緩肝之急而甘草與芍藥並用原又善治腹疼當亦可善治脇疼也

再診 將藥連服四劑脇疼已愈強半偶有疼時亦不甚劇脈象左部重按有根右部亦較前

有力惟從前因脇疼食量減少至此仍未增加擬即原方再加健胃消食之品

方處 生箭芪錢肆 生杭芍錢肆 玄參錢肆 於白朮錢叁 滴乳香錢肆

明沒藥錢叁 生麥芽錢叁 當歸錢叁 生鷄內金錢貳 川芎錢貳

不炒

錢叁

錢叁

錢叁

錢貳

錢貳

錢貳

甘草錢半共煎湯一大鍾溫服

三診 將藥連服四劑脇下已不作疼飲食亦較前增加脈象左右皆調和無病惟自覺兩腿

筋骨軟弱此因病久使然也擬再治以舒肝健胃強壯筋骨之劑

方處

生箭芪錢肆

生懷山藥錢肆

天花粉錢肆

胡桃仁錢肆

於白朮錢叁

生明沒藥錢叁

當歸錢叁

生麥芽錢叁

寸麥冬錢叁

生鷄內金貳錢黃色的搗

真鹿角膠錢叁藥共十一味將前十味煎湯一大鍾再將鹿角膠另用水燉化和勻溫服

果效

將藥連服十劑身體浸覺健壯遂停服湯藥俾用生懷山藥細末七八錢或至一兩凉水調和煮作茶湯調以蔗糖令其適口當點心服之服後再嚼服熟胡桃仁二三錢如

此調養宿病可以永愈

脇下疼兼胃口疼

齊斐章縣尹吉林人寓天津河東義租界年五旬得脇下作疼兼胃口疼病

因病素有肝氣不順病繼因設買賣賠累激動肝氣遂致脇下作疼久之胃口亦疼

候證 其初次覺疼恆在申酉時且不至每日疼後寢至每日覺疼又寢至無時不疼屢次延

醫服藥過用開破之品傷及脾胃飲食不能消化至疼劇時恆連胃中亦疼其脈左部沈弦微硬右部則弦而無力一息近五至

斷診

其左脈弦硬而沈者肝經血虛火盛而肝氣又鬱結也其右脈弦而無力者土為木傷脾胃失其蠕動健運也其脇疼之起點在申酉時者因肝屬木申酉屬金木遇金時其氣化益遏抑不舒也內經謂厥陰不治求之陽明夫厥陰為肝陽明為胃遵內經之微旨以治此證果能健補脾胃俾中焦之氣化運行無滯再少佐以理肝之品則胃疼可愈而脇下之疼亦即隨之而愈矣

方處

生懷山藥兩壹

大甘枸杞錢陸

玄

參錢伍

寸麥肆錢帶心

於白朮錢叁

生杭芍錢叁

生麥芽錢叁

桂枝錢貳

龍胆草錢貳

生鷄內金錢貳色的搗

厚朴錢半

甘草錢半共煎湯一大鍾溫服

復診

將藥連服四劑胃中已不作疼脇下之疼亦大輕減且不至每日作疼即有疼時亦須臾自愈脈象亦見和緩遂即原方略為加減俾再服之

方處

生懷山藥兩壹

大甘枸杞錢陸

玄

參肆錢

寸麥肆錢帶心

於白朮錢叁

生杭芍錢叁 當歸錢叁 桂枝錢貳 龍胆草錢貳 生鷄內金錢貳

醋香附錢半 甘草錢半 生薑錢貳 共煎湯一大鍾溫服

果效 將藥連服五劑脇下之疼霍然全愈脈亦和平如常矣遂停服湯藥俾日用生懷山藥細末兩許水調煑作茶湯調以蔗糖令適口以之送服生鷄內金細末二分許以善其後

問或 人之手足皆有陽明經與厥陰經內經渾言厥陰陽明而未顯指其為足經手經何以知其所稱者為足厥陰肝足陽明胃乎答曰此有定例熟讀內經者自能知之蓋人之足經長手經短足經原可以統手經是以內經之論六經凡不言手經足經者皆指足經而言若所論者為手經則必明言為手某經矣此不但內經為然也即如傷寒論以六經分篇亦未嘗指明為手經足經而所載諸方大抵皆為足經立法也

問或 理肝之藥莫如柴胡以其善舒肝氣之鬱結也今治脇疼兩方中皆用桂枝而不用柴胡將毋另有取義乎答曰桂枝與柴胡雖皆善理肝而其性質有不同之處如此證之疼肇於脇下是肝氣鬱結而不舒暢也繼因脇疼累及胃中亦疼是又肝木之橫恣而

侮其所能勝也柴胡能舒肝氣之鬱而不能平肝木之橫至桂枝其氣溫升（溫升爲木氣）能舒肝氣之鬱結則脇疼可愈其味辛辣（辛辣爲金味）更能平肝木之橫恣則胃疼亦可愈也惟其性偏於溫與肝血虛損有熱者不宜故特加龍胆草以調劑之俾其性歸和平而後用之有益無損也不但此也拙擬兩方之要旨不外升肝降胃而桂枝之妙用不但爲升肝要藥實又爲降胃要藥金匱桂枝加桂湯治腎邪奔豚上干直透中焦而方中以桂枝爲主藥是其能降胃之明徵也再上溯神農本經謂桂枝主上氣欬逆及吐吸（吸不歸根卽吐出卽後世所謂喘也）是桂枝原善降肺氣然必胃氣息息下行肺氣始能下達無碍細繹經旨則桂枝降胃之功用更可藉善治上氣欬逆吐吸而益顯也蓋肝升胃降原人身氣化升降之常順人身自然之氣化而調養之則有病者自然無病此兩方之中所以不用柴胡而皆用桂枝也

脇疼

鄰村西樓莊李姓婦年近四旬得脇下疼證

因<sup>病</sup>平素肝氣不舒繼因暴怒脇下陡然作疼

候證 兩脇下揪疼甚劇呻吟不止其左脇之疼尤甚倩人以手按之則其疼稍愈心中時覺

發熱惡心欲作嘔吐脈左右兩部皆弦硬

斷診 此肝氣胆火相助橫恣欲上升而不能透膈鬱於脇下而作疼也當平其肝氣瀉其胆

火其疼自愈

方處 川棟子搗碎 生杭芍肆錢 生明沒藥肆錢 生麥芽叁錢 三稜叁錢

莪叁錢 朮叁錢 茵 陳貳錢 龍胆草貳錢 磨取生鐵鏽濃水煎藥取湯一大鍾溫

服

解方 方中川棟芍藥龍胆引氣火下降者也茵陳生麥芽引氣火上散者也三稜莪朮開氣

火之凝結連翹沒藥消氣火之瀰漫用鐵鏽水煎藥者藉金之餘氣以鎮肝胆之木也

效 煎服一劑後其疼頓止而仍覺氣分不舒遂將川棟三稜莪朮各減半再加柴胡二錢

服一劑全愈

腰疼

天津保安隊長李雨霖君遼陽人年三十四歲得腰疼證



因精 公事勞心過度數日懶食又勉強遠出操辦要務因得斯證

候證 其疼劇時不能動轉輕時則似疼非疼綿綿不已亦恆數日不疼或動氣或勞力時則

疼劇心中時常發悶其脈左部沈弦右部沈牢一息四至強觀其從前所服之方雖不

一致大抵不外補肝腎強筋骨諸藥間有雜以祛風藥者自謂得病之初至今已三年

服藥數百劑其疼卒未輕減

斷膠 內經謂通則不痛此證乃痛則不通也肝腎果係虛弱其脈必細數今左部沈弦右部

沈牢其為腰際關節經絡有瘀而不通之氣無疑擬治以利關節通經絡之劑

方處 生懷山藥壹兩 大甘枸杞捌錢 當歸肆錢 丹參肆錢 生明沒藥肆錢

生五靈脂肆錢 穿山甲貳錢 桃仁貳錢 紅花半錢 土鱉伍枚

廣三三七貳錢 細藥共十一味先將前十味煎湯一大鍾送服三七細末一半至煎渣重

服時再送其餘一半

果效 將藥連服三劑腰已不疼心中亦不發悶脈象雖有起色仍未復常遂即原方去山甲

加川續斷生杭芍各三錢連服數劑脈已復常自此病遂除根

明說醫者治病不可預有成見臨證時不復細審病因方書謂腰者腎之府腰疼則腎臟衰  
憊又謂肝主筋腎主骨腰疼爲筋骨之病是以肝腎主之治腰疼者因先有此等說存  
於胸中恆多用補肝腎之品究之此證由於肝腎虛者甚少由於氣血瘀者頗多若因  
努力任重而腰疼者尤多瘀證曾治一人因擔重物後腰疼俾用三七土鱉蟲等分共  
爲細末每服二錢日兩次服三日全愈又一人因擡物用力過度腰疼半年不愈忽於  
疼處發出一瘡在脊梁之旁微似紅腫狀若覆盂大徑七寸瘍醫以爲腰疼半年始發  
現此瘡其根蒂必深不敢保好轉求愚爲治療調治兩旬始愈（詳案載三期八卷內  
托生肌散後）然使當腰初覺疼之時亦服三七土鱉以開其瘀又何至有後時之危  
險乎又嘗治一婦每當行經之時腰疼殊甚診其脈氣分甚虛於四物湯中加黃芪八  
錢服數劑而疼愈又一婦人腰疼綿綿不止亦不甚劇診其脈知其下焦虛寒治以溫  
補下焦之藥又於服湯藥之外俾服生硫黃細末一錢日兩次硫黃服盡四兩其疼除  
根是知同是腰疼而其致病之因各異治之者安可膠柱鼓瑟哉

### 腿疼

寶英如鄰村蒙館教員年過三旬於孟冬得腿疼證

因病稟賦素弱下焦常畏寒涼一日因出門寢於寒涼屋中且鋪蓋甚薄晨起遂病腿疼

候至初疼時猶不甚劇數延醫服藥無效後因食豬頭其疼陡然加劇兩腿不能任地夜則

疼不能寐其脈左右皆弦細無力兩尺尤甚至數稍遲

斷診此證因下焦相火虛衰是以易為寒侵而細審其脈實更兼氣虛不能充體即不能達

於四肢以運化藥力是以所服之藥縱對證亦不易見效也此當助其相火祛其外寒

而更加補益氣分之藥使氣分壯旺自能運行藥力以勝病也

方處野黨參陸錢 當歸伍錢 懷牛膝伍錢 胡桃仁伍錢 烏附子肆錢

補骨脂叁錢 滴乳香叁錢 明沒藥叁錢 威靈仙半錢 共煎湯一大鍾溫服

診復將藥連服五劑腿之疼稍覺輕而仍不能任地脈象較前似稍有力問其心中服此熱

藥多劑後仍不覺熱因思其疼在於兩腿當用性熱質重之品方能引諸藥之力下行

以達病所

方疏野黨參伍錢 懷牛膝伍錢 胡桃仁伍錢 烏附子肆錢 白朮叁錢

補骨脂秦錢炒搗

滴乳香秦錢炒

明沒藥秦錢不炒

生硫黃壹錢研細共藥九味將前八

味煎湯一大鍾送服硫黃末五分至煎渣再服時又送服所餘五分

效果將藥連服八劑腿疼大見輕減可扶杖行步脈象已調和無病心中微覺發熱俾停服

湯藥每日用生懷山藥細末七八錢許煮作茶湯送服青娥丸三錢或一次或兩次皆

可後服至月餘兩腿分毫不疼步履如常人矣

問或猪肉原爲尋常服食之物何以因服豬頭肉而腿疼加劇乎答曰猪肉原有苦寒有毒

之說曾見於各家本草究之其肉非苦寒亦非有毒而豬頭之肉實具有鹹寒開破之

性（豬嘴能起土成溝故有開破之性）是以善通大便燥結其鹹寒與開破皆與腿之

虛寒作疼者不宜也此所以食豬頭肉後而腿之疼加劇也

### 腫脹門

#### 受風水腫

邑北境常莊劉氏婦年過三旬因受風得水腫證

因病原係農家時當孟夏農家忙甚將飯炊熟復自饁田間因作飯時受熱出汗出門時途

間受風此後即得水腫證

候既

腹中脹甚頭面周身皆腫兩目之腫不能開視心中發熱周身汗閉不出大便乾燥小便短赤其兩腕腫甚不能診脈按之移時水氣四開始能見脈其左部弦而兼硬右部滑而頗實一息近五至

斷診

金匱辨水證之脈謂風水脈浮此證脈之部位腫甚原無從辨其脈之浮沈然即其自述謂得於有汗受風之後其為風水無疑也其左脈弦硬者肝胆有鬱熱也其右脈滑而實者外為風束胃中亦寢生熱也至於大便乾燥小便短赤亦皆肝胃有熱之所致也當用金匱越婢湯加減治之

方處

生石膏壹兩 滑石肆錢 生杭芍肆錢 麻黃叁錢 甘草貳錢  
大棗肆枚 生薑貳錢 西藥阿斯林壹瓦 中藥七味共煎湯一大鍾當煎湯

將成之時先用白糖水將西藥阿斯林送下候周身出汗（若不出汗仍可再服一

瓦）將所煎之湯藥溫服下其汗出必益多其小便當利腫即可消矣

復診 如法將藥服完果周身皆得透汗心中已不發熱小便遂利腹脹身腫皆愈強半脈象

已近和平擬再治以滋陰利水之劑以消其餘腫

方處 生杭芍

陸錢

生薏米

陸錢

鮮白茅根

兩錢

藥共三味先將前二味水煎十餘沸加

入白茅根再煎四五沸取湯一大鍾溫服

效 將藥連服十劑其腫全消俾每日但用鮮白茅根一兩煎數沸當茶飲之以善其後

問或 前方中用麻黃三錢原可發汗何必先用西藥阿斯必林先發其汗乎答曰麻黃用至

三錢雖能發汗然有石膏滑石芍藥以監制之則其發汗之力頓減况肌膚腫甚者汗

尤不易透出也若因其汗不易出擬復多加麻黃而其性熱而且燥又非所宜惟西藥

阿斯必林其原質存於楊柳皮津液之中其性涼而能散既善發汗又善清熱以之爲

麻黃之前驅則麻黃自易奏功也

問或 風襲人之皮膚何以能令人小便不利積成水腫答曰小便出於膀胱膀胱者太陽之

腑也襲入之風由經傳腑致膀胱失其所司是以小便不利麻黃能祛太陽在腑之風

佐以石膏滑石更能清太陽在腑之熱是以服藥汗出而小便自利也况此證肝中亦

有蘊熱內經謂肝熱病者小便先黃是肝與小便亦大有關係也方中兼用芍藥以清

侮肝熱則小便之利者當益利至於薏米茅根亦皆為利小便之輔佐品彙集諸藥為方是以用之必效也

陰虛水腫

鄰村霍氏婦年二十餘因陰虛得水腫證

因病因陰分虛損常作灼熱寢至小便不利積成水腫

候證頭面周身皆腫以手按其腫處成凹移時始能復原日晡潮熱心中亦恆覺發熱小便

赤濇一日夜間不過通下一次其脈左部弦細右部弦而微硬其數六至

斷診此證因陰分虛損腎臟為虛熱所傷而生炎是以不能瀉水以利小便且其左脈弦細

則肝之疏泄力減可致小便不利右脈弦硬胃之蘊熱下溜亦可使小便不利是以積

成水腫也宜治以大滋真陰之品俾其陰足自能退熱則腎炎可愈胃熱可清肝木得

腎水之涵濡而其疏泄之力亦自充足再輔以利小便之品作嚮導其小便必然通利

所積之水腫亦不難徐消矣

方處生懷山藥壹

生懷地黃陸

生杭芍陸

玄

參伍

大甘枸杞伍

沙 參肆 滑 石叁 共煎湯一大鍾溫服

復 將藥連服四劑小便已利頭面周身之腫已消弱半日餽之熱已無心中仍有發熱之時惟其脈仍數逾五至知其陰分猶未充足也仍宜注重補其真陰而少輔以利水之品

處方 熟懷地黃兩壹

生杭芍 陸錢

生懷山藥 伍錢

大甘枸杞 伍錢

柏子仁 肆錢

玄 參肆

沙 參叁

生車前子 叁錢 裝袋

大雲苓片 貳錢

鮮白茅根 伍錢

藥共十一味先將前十味水煎十餘沸再入鮮白茅根煎四五沸取湯一大鍾溫服若無鮮白茅根可代以鮮蘆根至兩方中皆重用芍藥者因芍藥性善滋陰而又善利小便原為陰虛小便不利者之主藥也

效 將藥連服六劑腫遂盡消脈已復常遂停服湯藥俾日用生懷山藥細末兩許熬作粥

少兌以鮮梨自然汁當點心服之以善其後

風水有痰

馬樸臣遼寧大西關人年五旬業商得受風水腫兼有痰證



因病 因秋末遠出經商勞碌受風遂得斯證

腹脹周身漫腫喘息迫促咽喉膈胸之間時有痰涎杜塞舌苔淡白小便赤澀短少大便間日一行脈象無火而微浮擬是風水當遵金匱治風水之方治之

便間日一行脈象無火而微浮擬是風水當遵金匱治風水之方治之

方處 生石膏壹兩 搗細

麻

黃叁錢

甘

草貳錢

生

薑貳錢

大

棗肆枚 搗開

西藥阿斯必林叁分共藥六味將前五味煎湯一大鍾沖化阿斯必林溫服被覆取汗

解方 此方即越婢湯原方加西藥阿斯必林也時當冬初北方天氣寒涼汗不易出恐但服

越婢湯不能得汗故以西藥之最善發汗兼能解熱者之阿斯必林佐之

復 將藥服後汗出徧體喘息頓愈他證如故又添心中熱渴不思飲食診其脈仍無火象

蓋因痰飲多而濕勝故也斯當舍脈從證而治以清熱之重劑

方處 生石膏肆兩 搗細

天花粉捌錢

薄荷葉半錢

共煎湯一大碗俾分多次徐徐溫飲下

三 將藥服後熱渴痰涎皆愈強半小便亦見多可進飲食而漫腫腹脹不甚見輕斯宜注

重利其小便以消漫腫再少加理氣之品以消其腹脹

方處 生石膏壹兩 搗細

滑

石壹兩

地膚子叁錢

丈菊子叁錢 搗碎

海金沙壹錢

檳 榔 錢 鮮茅根 錢 共煎湯一大鍾半分兩次溫服下 丈菊俗名向

日葵究之向日葵之名當屬之衛足花不可以名丈菊也丈菊子本草綱目未收因其善治淋疼利小便故方中用之

效 果將藥煎服兩劑小便大利腫脹皆見消因將方中石膏滑石檳榔皆減半連服三劑病全愈

### 黃疸門

#### 黃疸兼外感

天津北大關下首蘇媪年六十六歲於仲春得黃疸證

病 因事有拂意怒動肝火繼又薄受外感遂徧身發黃成疸證

症 候 周身黃色如橘目睛黃尤甚小便黃可染衣大便色白而乾心中發熱作渴不思飲食

其脈左部弦長有力且甚硬右部脈亦有力而微浮舌苔薄而白無津液

診 斷 此乃肝中先有蘊熱又爲外感所束其熱益甚致胆管腫脹不能舒其胆汁於小腸而溢於血中隨血運徧周身是以周身無處不黃迨至隨血運行之餘又隨水飲滲出歸

於膀胱是以小便亦黃至於大便色白者因胆汁不入小腸以化食大便中即無胆汁之色也金匱有硝石礬石散原為治女勞疸之專方愚恆借之以概治疸證皆效而煎湯送服之藥須隨證變更其原方原用大麥粥送服而此證肝胆之脈太盛當用瀉肝胆之藥煎湯送之

方處 淨火硝壹兩 研細 皂礬壹兩 研細 大麥麵貳兩 焙熟 (如無可代以小麥麵) 水和為丸桐

子大每服二錢日兩次 此即硝石礬石散而變散為丸也

藥湯 生懷山藥壹兩 生杭芍捌錢 連翹叁錢 滑石叁錢 梔子貳錢

茵陳貳錢 甘草貳錢 共煎湯一大鍾送服丸藥一次至第二次服丸藥時仍煎

此湯藥之渣送之再者此證舌苔猶白右脈猶浮當於初次服藥後遲一點鐘再服西藥阿斯必林一瓦俾周身得微汗以解其未罷之表證

解方 按硝石礬石散服之間有作嘔吐者今變散為丸即無斯弊又方中礬石解者多謂係

白礬而茲方中用皂礬者因本方後有病隨大小便去小便正黃大便正黑數語解者又謂大便正黑係瘀血下行夫果係瘀血下行當為紫黑何為正黑蓋人惟服皂礬其

大便必正黑是礬石係爲皂礬之明徵又嘗考本經硝石一名羽涅爾雅又名爲涅石夫涅者染物使黑也礬石既爲染黑色所需之物則爲皂礬非白礬尤無疑矣且此病發於於肝胆皂礬原爲硫酸化鐵而成化學家卽名之爲硫酸鐵方中用礬石原藉金能制木之義以制胆汁之妄行也又嘗閱西學醫書其治黃疸亦多用鐵基之藥卽中西醫理匯通參觀則礬石爲皂礬而決非白礬不更分毫無疑哉

復診

將藥連服四劑阿斯必林服一次已周身得汗其心中已不若從前之渴熱能進飲食大便已變黑色小便黃色稍淡周身之黃亦見退脈象亦較前和緩俾每日仍服丸藥兩次每次服一錢五分所送服之湯藥則卽方稍爲加減

藥湯

生懷山藥兩壹 生杭芍錢陸 生麥芽錢叁 鮮茅根錢壹 (茅根無鮮者可代以鮮蘆根) 茵 陳錢貳 龍胆草錢貳 甘 草錢肆 共煎湯送服丸藥

如前

果效 將藥連服五劑周身之黃已減三分之二小便之黃亦日見清減脈象已和平如常遂俾停藥勿服日用生懷山藥生薏米等分軋細煮作茶湯調入鮮梨鮮荸薺自然汁當

點心服之閱兩旬病遂全愈

或問黃疸之證中法謂病發於脾西法謂病發於胆今此案全從病發於胆論治將勿中法

謂病發於脾者不可信歟答曰黃疸之證有發於脾者有發於胆者爲黃疸之原因不同是以仲聖治黃疸之方各異卽如硝石礬石散原治病發於胆者也其礬石若用皂礬固爲平肝胆要藥至硝石確係火硝其味甚辛辛者金味與礬石並用更可相助爲理也且西人謂有因胆石成黃疸者而硝石礬石散又善消胆石有因鉤虫成黃疸者而硝石礬石散並善除鉤虫製方之妙誠不可令人思議也不但此也仲聖對於各種疸證多用茵陳此物乃青蒿之嫩者稟少陽最初之氣發生於冰雪未化之中色青性涼氣香最善入少陽之腑以清熱舒鬱消腫透竅原爲少陽之主藥仲聖若不知黃疸之證兼發於胆何以若斯喜用少陽之藥乎是以明季南昌喻氏出深窺仲聖用藥之奧旨於治錢小魯酒疸一案直謂胆之熱汁溢於外以漸滲於經絡則周身俱黃云云不已顯然揭明黃疸有發於胆經者乎

黃疸

王級三奉天陸軍連長年三十二歲於季秋得黃疸證

因病出外行軍夜宿帳中勤苦兼受寒涼如此月餘遂得黃疸證

體周身黃色甚暗似兼灰色飲食減少肢體痿懶無力大便一日恆兩次似完穀不化脈

象沈細左部更沈細欲無

斷診此脾胃肝胆兩傷之病也為勤苦寒涼過度以致傷其脾胃是以飲食減少完穀不化

傷其肝胆是以胆汁凝結於胆管之中不能輸腸以化食轉由胆囊滲出隨血流行於

周身而發黃此宜用金匱硝石礬石散以化其胆管之凝結而以健脾胃補肝胆之藥

煎湯送服

方處用硝石礬石散所製丸藥（見前）每服二錢一日服兩次用後湯藥送服

藥湯生箭芪陸錢 白朮肆錢炒 桂枝尖錢 生鷄內金貳錢黃的搗 甘草草錢

共煎湯一大鍾送服丸藥一次至第二次服丸藥時仍煎此湯藥之渣送之

診復將藥連服五劑飲食加增消化亦頗佳良體力稍振周身黃退弱半脈象亦大有起色

俾仍服丸藥一次服一錢五分日兩次所送服之湯藥宜略有加減

藥湯

生箭芪陸錢

白

朮叁錢炒

當

歸叁錢

生麥

芽叁錢

生鷄內

金貳錢黃色的搗

甘草貳錢共煎湯一大鍾送服丸藥一次至第二次服丸藥時仍煎此湯藥之渣送

服

果效

將藥連服六劑周身之黃已退十分之七身形亦漸強壯脈象已復其常俾將丸藥減

去一次將湯藥中去白朮加生懷山藥五錢再服數劑以善其後

# 衷中參西錄第六期第三卷

## 黃疸

范庸吾年三十二歲住天津城裏草廠菴旁業商為美商匯豐銀行經理得黃疸證  
因連日與朋友飲酒過量遂得斯證

候 周身面目俱黃飲食懶進時作嘔吐心中恆覺發熱小便黃甚大便白而乾濇脈象左

部弦而有力右部滑而有力

斷 此因脾中蘊有濕熱不能助胃消食轉輸其濕熱於胃以致胃氣上逆（是以嘔吐）胆

火亦因之上逆（黃坤載謂非胃氣下降則胆火不降）致胆管腫脹不能輸其汁於小

腸以化食遂溢於血中而成黃胆矣治此證者宜降胃氣除脾濕兼清肝胆之熱則黃

疸自愈

方處 生 赭 石 壹兩 剉細 生 薏 米 搗碎 茵 陳 錢叁 梔 子 錢叁 生 麥 芽 錢叁

竹 茹 錢叁 木 通 錢貳 檳 榔 錢貳 甘 草 錢貳 煎湯服

果 效 服藥一劑嘔吐即止可以進食又服兩劑飲食如常遂停藥靜養旬日間黃疸皆退淨



痢疾門

痢疾轉腸潰瘍

楊晴溪滄縣楊家石橋人年三十五歲業商於季秋因下痢成腸潰瘍證

因病向在天津開耀華織工廠因賠累歇業心中懊懣暗生內熱其肝胆之熱下迫致成痢

疾痢久不愈又轉爲腸潰瘍

證候其初下痢時後重腹疼一晝夜十七八次所下者赤痢多帶鮮血間有白痢延醫治療

兩閱月病益加劇所下者漸變爲血水雜以脂膜其色腐敗其氣腥臭每腹中一覺疼

卽須入廁一晝夜二十餘次身體羸弱口中發乾心中怔忡其脈左右皆弦細其左部

則弦而兼硬一分鐘九十二至

斷診此乃因痢久不愈腸中脂膜腐敗由腐敗而至於潰爛是以純下血水雜以脂膜卽西

人所謂腸潰瘍也其脈象弦細者氣血兩虧也其左脈細而硬者肝腎之陰虧甚也其

口乾心中怔忡者皆下血過多之所致也此宜培養其氣血而以解毒化瘀生新之藥

佐之

方處 龍眼肉壹兩 生懷山藥壹兩 熟地黃壹兩 金銀花肆錢 甘草叁錢

廣三七叁錢 軋細藥共六味將前五味煎湯送服三七末一半至煎渣再服時仍送服餘一半

解方 龍眼肉為補益脾胃之藥而又善生心血以愈怔忡更善治腸風下血以治此證當為

主藥山藥亦善補脾胃而又能上益肺氣下固腎氣其所含多量之蛋白質尤善滋陰養血凡氣血兩虛者洵為當用之藥熟地黃不但補腎陰也馮楚瞻謂能大補腎中元氣要亦氣血雙補之品也此三味並用久虧之氣血自能漸復氣血壯旺自能長肌肉排腐爛又佐以金銀花甘草以解毒三七以化瘀生新庶能挽回此垂危之證也

膠復 將藥煎服三劑病大見愈一晝夜大便三四次間見好糞心中已不怔忡脈象猶弦而

左部不若從前之硬因所服之藥有效遂即原方略為加減又服數劑其大便仍一日數次血糞相雜因思此證下痢甚久或有阿米巴毒菌（此菌詳二期痢疾門）伏藏於內擬方中加消除此毒菌之藥治之

方處 龍眼肉壹兩 生懷山藥壹兩 熟地黃壹兩 甘草叁錢 鴉胆子成實者陸拾粒去皮

生硫黃<sub>研細</sub>共藥六味將前四味煎湯一大鍾送服鴉蛋子硫黃末各一半至煎渣再服時仍送服餘一半

解方方中用鴉胆子硫黃者因鴉胆子為治血痢要藥並善治二便下血硫黃為除阿米巴痢之毒菌要藥二藥並用則涼熱相濟性歸和平奏效當速也

診三將藥煎服兩劑其大便仍血糞相雜一日數行因思鴉胆子與硫黃並用雖能消除痢中毒菌然鴉胆子化痰之力甚大硫黃又為潤大便之藥（本草謂其能使大便潤小便長西人以硫黃為輕下藥）二藥雖能消除痢中毒菌究難使此病完全除根擬去此二藥於方中加保護脂膜固澀大便之品

方處龍眼肉<sub>兩壹</sub> 生懷山藥<sub>兩壹</sub> 大熟地黃<sub>兩壹</sub> 赤石脂<sub>兩壹</sub> 甘草<sub>錢</sub>

廣三七<sub>錢</sub>藥共六味將前五味煎湯一大鍾送服三七細末一半至煎渣再服時仍送服其餘一半

果效將藥連服五劑下血之證全愈口中已不發乾猶日下溏糞兩三次然便時腹中分毫不疼矣俾用生懷山藥軋細末每用兩許煮作茶湯調以白糖令適口當點心服之其

大便久自能固

痢疾

天津法租界慧文里張氏幼年五歲於孟秋得痢證

病因暑日恣食瓜果脾胃有傷入秋以來則先瀉後痢

候證前因泄瀉旬日身體已羸弱繼又變瀉爲痢日下十餘次赤白參半下墜腹疼屢次服

藥不愈身益羸弱其脈象亦弱而左脈之力似略勝於右

斷診按其左右脈皆弱者氣血兩虛也而左脈之力似略勝於右脈者知其肝胆虛而挾熱

是以痢久不愈然此熱非純係實熱不可用過涼之藥因其虛而挾熱其虛又不受補

是必所用之補品兼能瀉熱俾肝胆之虛熱皆愈而痢自愈矣

方處鴨肝一具調以食料烹熟服之日服二次

果效如法將鴨肝烹藥兩日全愈此方愚在遼寧得之友人齊自芸君（北京人學問淵博

兼通醫學時爲瀋陽稅捐局長）嘗閱李氏綱目鴨肉性涼善治痢鴨蛋之醃鹹者亦

善治痢而未嘗言及鴨肝然痢之爲病多係肝火下迫腸中鴨肉涼想鴨肝亦涼此證

先瀉後痢身體羸弱其肝經熱而且虛可知以鴨肝瀉肝之熱即以鴨肝補肝之虛此所謂臟器療法是以奏效甚速也且又香美適口以治孺子之苦於服藥者為尤宜也

痢疾

鄭耀先奮強人年五旬在天津日租界浪花街為私塾教員於孟秋得下痢證

因病連日勞心過度心中有熱多食瓜果遂至病痢

候證腹疼後重下痢赤白參半一日夜七八次其脈左部弦而有力右部浮而濡重按不實

病已八日飲食減少肢體痿軟

斯診證脈合參當係肝胆因勞心生熱脾胃因生冷有傷冷熱相搏遂致成痢當清其肝胆

之熱兼顧其脾胃之虛

生懷山藥壹兩

生杭芍壹兩

當歸陸錢

炒薏米陸錢

金銀花肆錢

竹茹壹錢

甘草壹錢

生薑壹錢

共煎湯一大鍾溫服

復診服藥兩劑腹疼後重皆除下痢次數亦減且純變為白痢再診其脈左部已和平如常

而右部之脈仍如從前斯再投以溫補脾胃之劑當愈

方處 生懷山藥壹兩

炒薏米伍錢

龍眼肉伍錢

山查片伍錢

乾

薑貳錢

生杭芍貳錢

共煎湯一大鍾溫服

效 將藥煎服兩劑痢遂全愈

明說 按欲溫補其脾胃而復用芍藥者防其肝胆因溫補復生熱也用山查片者以其能化

白痢之滯且與甘草同用則酸甘化合(即甲己化土)實有健運脾胃之功效也

噤口痢

施瑞臣安徽蒙城人年五十六歲向為緝私營營長此時退伍居天津日租界浪花街得

噤口痢證

因病 舉家數口寄食友家不能還鄉後友家助以資斧欲令還鄉道路又復不通日夜焦思

頻動肝火時當孟秋心熱貪涼多食瓜果致患下痢

候 一日夜下痢十五六次多帶鮮血後重甚劇腹偶覺疼即須入廁便後移時疼始稍愈

病已五日分毫不能進食惟一日之間強飲米湯數口其脈左部弦而硬右部弦而浮

其搏五至心中發熱常覺惡心

斷診 此肝火熾盛肝血虛損又兼胃氣挾熱上逆是以下痢甚劇而又噤口不食也當治以

滋陰清熱平肝降胃之品

方處 生杭芍兩壹 生懷山藥兩壹 滑石錢柒 白頭翁錢伍 秦皮錢叁

碎竹茹錢叁 甘草錢叁 鴉胆子去皮成實者伍拾粒 先用白糖水囿圖送服鴉胆子仁

再將餘藥煎湯一大鍾溫服下

診復 將藥如法服兩劑痢中已不見鮮血次數減去三分之一其脈左部較前和平右部則

仍有浮弦之象仍然不能飲食心中仍然發熱然不若從前之惡心此宜用藥再清其

胃腑必然能飲食矣

方處 生懷山藥兩半 生石膏兩半搗細 生杭芍錢陸 白頭翁錢肆 秦皮錢貳

甘草錢貳 共煎湯一大鍾分兩次溫服

效 將藥煎服一劑即能進食痢已不見變作泄瀉日四五次俾用生懷山藥細末煮作粥

少調以白糖服之三日全愈

問或 石膏為治外感實熱之藥今此證未夾雜外感何以方中亦用之答曰石膏為治陽明

胃腑有實熱者之聖藥初不論其爲外感非外感也蓋陽明胃氣以息息下行爲順若有熱則其氣多不下行而上逆因其胃氣挾熱上逆所以多惡心嘔吐不思飲食若但知清其熱而不知降其氣治之恆不易見效惟石膏性涼質重（雖煎爲湯仍有沈重之力）其涼也能清實熱其重也能鎮氣逆是以凡胃氣挾實熱上逆令人不思飲食者服之可須臾奏效若必謂石膏專治外感實熱不可用治內傷實熱則近代名醫徐氏吳氏醫案中皆有重用石膏治愈內傷實熱之案何妨取以參觀乎

### 大小便病

#### 泄瀉兼發灼

胡益軒天津南唐官屯人年四十二歲業商於孟秋得泄瀉兼灼熱病

因病其兄因下痢病故舖中之事及爲其兄殯葬之事皆其一人經理哀痛之餘又兼心力俱瘁遂致大便泄瀉周身發熱

候一日夜瀉十四五次將瀉時先腹疼瀉後疼益甚移時始愈每過午一點鐘卽覺周身

發熱不甚劇夜間三點鐘後又漸愈其脈六部皆弱兩尺尤甚



斷按此證係下焦虛寒及胸中大氣虛損也蓋下焦寒甚者能迫下焦之元陽上浮胸中大氣虛甚者恆不能收攝衛氣致衛氣外浮則元陽之上浮與衛氣之外浮相併即可使周身發熱其發在過午者因過午則下焦之陰寒益盛而胸中大氣益虛也（胸中大氣乃上焦之陽氣過午陰盛是以大氣益虛）此本虛寒泄瀉之證原不難治而醫者因其過午身熱皆不敢投以溫補是以屢治不愈擬治以大劑溫補之藥並收斂其元陽歸其本源則泄瀉止而灼熱亦愈矣

方虛 白 朮伍錢

熟懷地黃兩壹

生懷山藥兩壹

淨黃肉伍錢

乾 薑伍錢

烏附子錢叁

生杭芍錢叁

雲苓片錢貳

炙甘草錢叁

共煎湯一大鍾溫服

服藥一劑身熱即愈服至三劑泄瀉已愈強半脈象亦較前有力遂即原方略為加減

俾再服之

方虛 白 朮陸錢

熟懷地黃兩壹

生懷山藥兩壹

淨黃肉伍錢

龍眼肉伍錢

乾 薑錢肆

烏附子錢肆

雲苓片錢貳

炙甘草錢叁

果效 將藥連服十餘劑病遂全愈

明說 大隊溫補藥中復用芍藥者取其與附子並用能收斂元陽歸根於陰且能分利小便則泄瀉易愈也至後方去芍藥者因身已不熱元陽已歸其宅且泄瀉已就愈仍有茯苓以利其小便無須再用芍藥也

### 小便白濁

李克明天津東門裏寶林書莊理事年二十六歲得小便白濁證

因病 其家在鹽山距天津二百餘里於季秋乘載貨大車還家中途遇雨衣服盡濕夜宿店中又披衣至庭中小便爲寒風所襲遂得白濁之證

候證 尿道中恆發刺癢每小便完時有類精髓流出數滴今已三閱月屢次服藥無效頗覺身體衰弱精神短少其脈左部弦硬右部微浮重按無力

斷診 內經謂腎主蟄藏肝主疏泄又謂風氣通於肝又謂肝行腎之氣此證因風寒內襲入肝肝得風助其疏泄之力愈大故當小便時肝爲腎行氣過於疏泄遂致腎臟失其蟄藏之用尿出而精亦隨之出矣其左脈弦硬者肝脈挾風之象其右脈浮而無力者因病久而氣血虛弱也其尿道恆發刺癢者尤顯爲風襲之明徵也此宜散其肝風固其

腎氣而更輔以培補氣血之品

生箭芪伍錢

淨黃肉伍錢

生懷山藥伍錢

生龍骨伍錢

生牡蠣伍錢

生杭芍肆錢

桂枝叁錢

生懷地黃叁錢

甘草伍錢

草共煎湯一大鍾溫服

解方

方中以黃芪爲主者因本經原謂黃芪主大風是以風之入臟者黃芪能逐之外出且其性善補氣氣盛自無滑脫之病也桂枝亦逐風之要藥因其性善平肝故尤善逐肝家之風與黃芪相助爲理則逐風之力愈大也用黃肉龍骨牡蠣者以其皆爲收斂之品又皆善收斂正氣而不斂邪氣能助腎臟之蟄藏而無碍肝風之消散拙著藥物講義中論之詳矣用山藥者以其能固攝下焦氣化與黃肉同爲腎氣丸中要品自能保合腎氣不使虛瀉也用芍藥地黃者欲以調劑黃芪桂枝之熱而芍藥又善平肝地黃又善補腎古方腎氣丸以乾地黃爲主藥卽今之生地黃也用甘草者取其能緩肝之急卽能緩其過於疏泄之力也

果效

將藥連服三劑病卽全愈因卽原方去桂枝以熟地易生地俾再服數劑以善其後

小便因寒閉塞

石玉和遼寧省公署護兵年三十二歲於仲冬得小便不通證

因晚飯之後食梨一顆至夜站岡又受寒過甚遂致小便不通

病初得時先入西醫院治療西醫治以引尿管小便通出有頃小便復存蓄若干西醫

又納以橡皮引尿管使久在其中有溺即通出乃初雖稍利繼則小便仍不能出遂來

院中（立達醫院）求為診治其脈弦細沈微不足四至自言下焦疼甚且涼甚知其小

便因受寒而凝滯也斯當以溫熱之藥通之

方處 野黨參 伍錢

椒 伍錢

懷牛膝 伍錢

烏附子 壹錢

廣肉桂 壹錢

當歸 叁錢

乾薑 貳錢

小茴香 貳錢

生明沒藥 貳錢

威靈仙 貳錢

甘草 貳錢

共煎一大鍾溫服

解方 方中之義人參靈仙並用可治氣虛小便不通椒目與桂附乾薑並用可治因寒小便

不通又佐以當歸牛膝茴香沒藥甘草諸藥或潤而滑之或引而下之或辛香以透竅

或溫通以開瘀或和中以止疼衆藥相濟為功自當隨手奏效也

效 將藥煎服一劑小便通下服至三劑腹痛覺涼全愈脈已復常俾停服湯藥日用生硫

黃錢許研細分作兩次服以善其後

明說諸家本草皆謂硫黃之性能使大便潤小便長用於此證其煖而能通之性適與此證相宜也

不寐病

心虛不寐

徐友梅道尹（總統介弟）寓日租界小松島街年六十六歲於季春得不寐證

因病因性嗜吟咏喜與文士結社賦詩聯句暗耗心血遂致不寐

候證自冬令間有不寐之時未嘗介意至春日陽生病寢加劇迨至季春恆數夜不寐服一

切安眠藥皆不效精神大為衰憊心中時常發熱懶於飲食勉強加餐恆覺食停胃脘

不下行大便乾燥恆服藥始下其脈左部浮弦右脈尤弦而兼硬一息五至

斷診其左脈浮弦者肝血虛損兼肝火上升也人之睡時魂藏於肝今因肝臟血虛火升魂

不能藏是以不寐其右脈弦而兼硬者胃中酸汁短少更兼胃氣上逆也酸汁少則不

能化食氣上逆則不能息息下行傳送飲食是以食後恆停胃脘不下而其大便之燥

結亦卽由胃腑氣化不能下達所致治此證者宜清肝火生肝血降胃氣滋胃汁如此以調養肝胃則夜間自能安睡食後自不停滯矣

疏方 生懷山藥兩壹 大甘枸杞錢捌 生赭石陸錢 立 參伍錢 北沙參伍錢

生杭芍伍錢 酸棗仁肆錢 生麥芽叁錢 生鷄內金錢半黃色的搗 茵 陳錢半

甘草貳錢共煎一大鍾溫服

復診 將藥煎服兩劑夜間可睡兩三點鐘心中已不發熱食量亦少加增大便仍滯脈象不

若從前之弦硬遂卽原方略爲加減俾再服之

處方 生懷山藥兩壹 大甘枸杞錢捌 生赭石陸錢 立 參伍錢 北沙參伍錢

酸棗仁肆錢 龍眼肉肆錢 生杭芍叁錢 生鷄內金錢半黃色的搗 生遠志錢半

茵 陳錢壹 甘草半錢共煎湯一大鍾溫服

數果 將藥連服三劑夜間安睡如常食欲已振大便亦自然通下惟脈象仍有弦硬之意遂

將方中龍眼肉改用八錢俾多服數劑以善其後

明說 易繫辭云一陰一陽互爲之根此天地之氣化也人稟天地之氣化以生是以上焦之

氣化爲陽下焦之氣化爲陰當白晝時終日言語動作陰陽之氣化皆有消耗實賴嚮晦燕息以補助之誠以人當睡時上焦之陽氣下降潛藏與下焦之陰氣會合則陰陽自能互根心腎自然相交是以當熟睡之時其相火恆熾盛暗動（得心陽之助）此心有益於腎也至睡足之時精神自清爽異常（得腎陰之助）此腎有益於心也卽易所謂一陰一陽互爲之根也由斯知人之能寐者由於陽氣之潛藏其不能寐者卽由於陽氣之浮越究其所以浮越者實因臟腑之氣化有升無降也是以方中重用赭石以降胃鎮肝卽以治大便燥結且其色赤質重能入心中引心陽下降以成寐若更佐以龍骨牡蠣諸收斂之品以保安其神魂則更可穩睡而方中未加入者因其收澀之性與大便燥結者不宜也又內經治目不得瞑有半夏秫米湯原甚效驗誠以胃居中焦胃中之氣化若能息息下行上焦之氣化皆可因之下行半夏善於降胃秫米善於和胃半夏與秫米並用俾胃氣調和順適不失下行之常是以能令人瞑目安睡方中赭石與山藥並用其和胃降胃之力實優於半夏秫米此乃取古方之義而通變化裁雖未顯用古方而已不啻用古方也

不寐兼驚悸

表兄趙文林之夫人年近三旬得不寐證兼心中恆驚悸

因病 文林爲吾邑名孝廉遠出作教員恆半載不歸家中諸事皆其夫人自理勞心過度因

得不寐兼驚悸病

候歷 初若不寐時不過數日偶然其過半夜猶能睡繼則常常如此又繼則徹夜不寐一連

七八日困頓已極彷彿若睡陡覺心中怦怦而動卽驚醒醒後心猶怔忡移時始

定心常發熱呼吸似覺短氣懶於飲食大便燥結四五日始一行其脈左部弦硬右部

近滑重診不實一息數近六至

斷診 此因用心過度心熱耗血更因熱生痰之證也爲其血液因熱暗耗陰虛不能潛陽是

以不寐痰停心下水畏水刑（心屬火痰屬水）是以驚悸其呼吸覺短氣者上焦凝滯

之痰礙氣之升降也其大便燥結者火盛血虛腸中津液短也此宜治以利痰滋陰降

胃柔肝之劑再以養心安神之品輔之

方處 生 赭

石 搗錢

大甘枸杞 錢

生懷地黃 錢

生懷山藥 錢

瓜 藹 仁 炒錢



天冬陸錢 生杭芍伍錢 清半夏肆錢 棗 仁肆錢 生遠志貳錢

茵陳半錢 甘草半錢 硃砂貳分 共十三味將前十二味煎湯一大

鍾送服硃砂末

復診 將藥連服四劑心中已不覺熱夜間可睡兩點鐘驚悸已愈十之七八氣息亦較前調

順大便之燥結亦見愈脈象左部稍見柔和右部仍有滑象至數稍緩遂即原方略為

加減俾再服之

處方 生赭石捌錢 大甘枸杞錢 生懷地黃捌錢 生懷山藥陸錢 龍眼肉伍錢

瓜蒌仁伍錢 玄參伍錢 生杭芍伍錢 棗 仁肆錢 生遠志貳錢

甘草貳錢 共煎湯一大鍾溫服

效果 將藥連服六劑徹夜安睡諸病皆愈

癩瘰癧狂門

癩風兼腦充血

陳德三山東曲阜人年三十八歲在天津法租界充商業學校教員得癩風兼腦充血證

因病 證  
因肝火素盛又在校中任講英文每日登堂演說時間過長勞心勞力皆過度遂得斯

候證 其來社求診時但言患癇風或數日一發或旬餘一發其發必以夜亦不自覺惟睡醒

後其舌邊覺疼有咬破之處卽知其睡時已發癇風其日必精神昏潰身體痿懶診其脈左右皆弦硬異常因問其腦中發熱或作疼或兼有眩暈之時乎答曰此三種病腦中皆有余以爲係癇風之連帶病故未言及耳愚曰非也是子患癇風兼患腦充血也

斷診 按癇風之證皆因腦髓神經失其所司而有非常之變動其腦部若充血過甚者恆至排擠腦髓神經使其常司也此證既患癇風又兼腦部充血則治之者自當以先治其腦部充血爲急務

方處 治以拙擬鎮肝熄風湯（方在三期七卷）爲其兼患癇風加全蜈蚣大者三條蓋鎮肝熄風湯原爲拙擬治腦充血之主方而蜈蚣又善治癇風之要藥也

復診 前方連服十劑腦部熱疼眩暈皆除惟脈仍有力卽原方略爲加減又服十劑則脈象和平如常矣繼再治其癇風

方處治以拙擬愈癩丹（方在五期論治癩風篇中）日服兩次每次用生懷山藥五錢煎湯

送下

效果服藥逾兩月舊病未發遂停藥勿服癩風從此愈矣

天津北門西白家胡同董氏幼女年三歲患癩癧病

因病暮春氣暖着衣過厚在院中嬉戲出汗受風至夜間遂發癩癧

劇時閉目昏昏身驅後挺兩手緊握輕時亦能明瞭而舌腫不能吮乳惟飲茶湯及代

乳粉大便每日瀉瀉兩三次如此三晝夜不愈精神漸似不支皮膚發熱診其脈亦有

熱象

斷診此因春暖衣厚肝有鬱熱因外感激發其熱上衝腦部排擠腦髓神經失其運動之常

度是以發搐法當清其肝熱散其外感兼治以鎮安神經之藥其病自愈

方處生懷山藥壹兩

滑

石硃

生杭芍

連

翹

甘

草

全蜈蚣大者兩條

硃砂細末貳分

共藥七味將前六味煎湯一盅分數次將硃砂徐徐溫

送下

果數 將藥煎服一劑癰癥已愈其頭仍向後仰其左手仍拳曲不舒其舌之腫已消強半可

以吮乳大便之溏已愈遂卽原方減滑石之半加支參六錢煎服後左手已不拳曲其頭有後仰之意遂將方中滑石減去加全蝎三個服一劑全愈蓋蜈蚣之爲物節節有腦原善理神經以愈癰癥而蝎之爲物腹有八星列作兩行實爲木之成數故能直入肝經以理肝舒筋（肝主筋）項間之筋舒無拘攣頭自不向後仰矣

### 慢脾風

遼寧省公署科員侯壽平之幼子年七歲於季秋得慢脾風證

因病 秋初病瘧月餘方愈後覺左脇下痞硬又屢服消痰之品致脾胃虛寒不能化食寢

至吐瀉交作兼發抽掣

候極 日映潮熱兩顙發紅昏睡露睛手足時作抽掣劇時督脈緊而頭向後仰（俗名角弓

反張）無論飲食藥物服後半點鐘卽吐出且帶出痰涎若干時作泄瀉其脈象細數無力

斷診 瘧爲肝胆所受之邪木病侮土是以久病瘧者多傷脾胃此證從前之左脇下痞硬脾

因受傷作脹也而又多次服消導開破之品則中焦氣化愈傷以致寒痰留飲積滿上溢迫激其心肺之陽上浮則面紅外越則身熱而其病本實則涼也其不受飲食者爲寒痰所阻也其兼泄瀉者下焦之氣化不固也其手足抽掣者血虛不能榮筋養肝則肝風內動而筋緊縮也抽掣劇時頭向後仰者不但督脈因寒緊縮且以督脈與神經相連督脈病而腦髓神經亦病是以改其常度而妄行也擬先用福幼編逐寒蕩驚湯開其寒痰俾其能進飲食斯爲要務

方處  
胡 椒壹錢 乾 薑壹錢 肉 桂壹錢 丁 香拾粒四味共搗成粗渣 高 麗 參壹錢

甘 草壹錢 先用灶心土三兩煮湯澄清以之代水先煎人參甘草七八沸再入前四味同煎三四沸取清湯八分杯徐徐灌之

此方即逐寒蕩驚湯原方加人參甘草也原方中乾薑原係炮用然炮之則其氣輕浮辣變爲苦其開通下達之力頓減是以不如生者特是生用之則苛辣過甚故加甘草和之且能逗留乾薑之力使綿長也又加人參者欲以補助胸中大氣以運化諸藥之力仲師所謂大氣一轉其結（卽痰飲）乃散也 又此方原以胡椒爲主若遇寒痰過甚者可用

至錢半又此物在藥房中原係背藥陳久則力減宜向食料鋪中買之

復將藥服後嘔吐即止抽掣亦愈而潮熱泄瀉亦似輕減擬繼用福幼編中加味理中地

黃湯略為加減俾服之

方處 熟懷地黃錢伍 生懷山藥錢伍 焦白朮錢叁 大甘枸杞錢叁 野黨參錢貳

炙箭芪錢貳 乾薑錢貳 生杭芍錢貳 淨黃肉錢貳 肉桂壹錢後入

紅棗叁枚 炙甘草壹錢 胡桃壹個用仁搗碎 共煎湯一大鍾分多次徐徐溫服下

解方 此方之藥為溫熱並之劑熱以補陽溫以滋陰病本寒涼是以藥宜溫熱而獨雜以性

涼之芍藥者因此證涼在脾胃不在肝胆若但知煖其脾胃不知涼其肝胆則肝胆因

服熱藥而生火或更激動其所寄之相火以致小便因之不利其大便必益泄瀉芍藥

能涼肝胆尤善利小便且尤善斂陽氣之浮越以退潮熱是以方中特加之也

福幼編此方乾薑亦係炮用前方中之乾薑變炮為生以生者善止嘔吐也今嘔吐已

止而乾薑復生用者誠以方中藥多滯膩猶恐因之生痰以乾薑生用之苛辣者開通

之則滯膩可化而乾薑苛辣過甚之性即可因與滯膩之藥並用而變為緩和此藥性

之相合而化亦卽相得益彰也

又此方原亦用灶心土煎湯以之代水煎藥而此時嘔吐已止故可不用然須知灶心土含鹹質甚多凡柴中有鹹質者燒餘其鹹多歸灶心土是以前所煮之湯苦鹹甚難下咽愚卽用時恆以灶壙紅土代之且灶心土一名伏龍肝而雷斅謂用此土勿誤用灶下土宜用灶額中赤土此與灶壙中紅土無異愚從前原未見其說後得見之自喜拙見與古暗合也

效 將藥連服兩劑潮熱與泄瀉皆愈脈象亦較前有力遂去白朮將乾薑改用一錢又服兩劑全愈

### 慢脾風

遼寧測量局長張孝孺君之幼孫年四歲得慢脾風證

病 因秋初恣食瓜果久則損傷脾胃消化力減猶不知戒中秋節後遂成慢脾風證

候 證 食慾大減強食少許猶不能消化醫者猶投以消食開痰之劑脾胃益弱寢至吐瀉交作間發抽掣始求愚爲診視周身肌膚灼熱其脈則微細欲無昏睡露睛神氣虛弱

斷診 此證因脾胃虛寒不能熟腐水穀消化飲食所以作吐瀉且所食之物不能融化精微

以生氣血惟多成寒飲積於胃中溢於膈上排擠心肺之陽外出是以周身灼熱而脈轉微細此裏有真寒外作假熱也其昏睡露睛者因眼胞屬脾胃其脾胃如此虛寒眼胞必然緊縮是以雖睡時而眼猶微睜也其肢體抽掣者因氣血虧損不能上達於腦以濡潤斡旋其腦髓神經（內經謂上氣不足則腦爲之不滿蓋血隨氣升氣之上升者少血之上升亦少可知觀顛門未合之小兒患此證者其顛門必然下陷此實腦爲不滿之明證亦卽氣血不能上達之明徵也）是以神經失其常司而肢體有時抽掣也此當投以溫煖之劑健補脾胃以消其寒飲諸病當自愈

方處

赤石脂壹兩  
研細

生懷山藥陸

熟懷地黃陸

焦白朮叁

烏附子貳

廣肉桂貳錢去粗  
皮後入

薑半錢

大雲苓片半錢

炙甘草貳

高麗參錢半搗  
爲粗末

藥共十味將前九味煎湯一大鍾分多次徐徐溫服每次皆送服參末少許

解方

方中重赤石脂者爲其在上能鎮嘔吐在下能止泄瀉也人參爲末送服者因以治吐瀉丸散優於湯劑蓋因丸散之渣滓能留戀於腸胃也



果效 將藥服完一劑嘔吐已止瀉愈強半抽掣不復作灼熱亦大輕減遂將乾薑減去白朮改用四錢再服一劑其瀉亦止又即原方將附子減半再加大甘枸杞五錢服兩劑病遂全愈

明說 按此證若嘔吐過甚者當先用福幼編遂寒蕩驚湯開其寒飲然後能受他藥而此證嘔吐原不甚劇是以未用

將成慢脾風

鄰村趙姓幼男年八歲脾胃受傷將成慢脾風證

因病 本係農家田園種瓜看守其間至秋日瓜熟飢恆食瓜當飯因之脾胃受傷顯露慢脾風朕兆

候證 食後飲食不化恆有吐時其大便一日三四次多帶完穀其腿有時不能行步恆當行走之時委坐於地其周身偶有灼熱之時其脈左部弦細右部虛濡且至數兼遲

斷診 此證之吐而且瀉及偶痿廢不能行步皆慢脾風朕兆也况其周身偶或灼熱而脈轉弦細虛濡至數且遲此顯係內有真寒外有假熱之象宜治以大劑溫補脾胃之藥俾

脾胃健旺自能消化飲食不復作吐作瀉久之則中焦氣化舒暢周身血脈貫通餘病

自愈

方處 生懷山藥壹兩

白

朮肆錢炒

熟懷地黃肆錢

龍眼肉肆錢

乾

薑叁錢

生鷄內金貳錢黃色的搗

生杭芍貳錢

甘

草貳錢

共煎湯一大鍾分兩次溫服下

診復 將藥煎服兩劑吐瀉灼熱皆愈惟行走時猶偶覺腿有不利因即原方略為加減俾多

服敷劑當全愈

方處 生懷山藥壹兩

熟懷地黃肆錢

龍眼肉肆錢

胡桃仁肆錢

白

朮叁錢炒

川續斷壹錢

乾

薑貳錢

生鷄內金貳錢黃色的搗

生杭芍半錢

甘

草半錢

共煎湯一大鍾分兩次溫服

果效 將藥煎服兩劑病遂全愈因切戒其勿再食生冷之物以防病之反覆

顛狂失心

都鳳巢洮昌都道尹之公子年三旬得顛狂失心證

因病 因讀書無所成就欲別謀營業而庭訓甚嚴不能自由心鬱生熱因熱生痰遂至顛狂

# 失心

候證 言語錯亂精神昏瞶時或忿怒時或狂歌其心中猶似煩躁夜不能寐恆以手自撓其

胸蓋自覺發悶也問之亦不能答觀其身形似頗強壯六脈滑實兩寸尤甚一息五至  
斷診 人之元神在腦識神在心心腦息息相通其神明自湛然長醒生理學家謂心有四支

血管通腦此即神明往來於心腦之路也此證之脈其關前之滑實太過係有熱痰上  
壅將其心腦相通之路杜塞遂至神明有所隔得失其常性此顛狂失心之所由來也  
治之者當投以開通重墜之劑引其痰火下行其四支血管為痰所瘀者復其流通之  
舊則神明之往來自無所隔礙而復湛然長醒之舊矣

方處 生 赭 石 兩半 乾細 川 大 黃 錢捌 清 半 夏 錢伍 芒 硝 錢肆 藥共四味先將赭石

半夏煎十餘沸加入大黃煎兩三沸取湯一大鍾入芒硝融化溫服

解方 方中重用赭石者以赭石係鐵養化合其重墜之性能引血管中之痰痰下行也

復診 三日服藥一次（凡降下之藥不可連服須俟其正氣稍緩再服）共服三次每次服藥

後通下大便兩三次似有痰涎隨下其精神較前稍明瞭診其脈仍有滑實之象身體

未見衰弱擬再投以較重之劑蓋凡顛狂之甚者非重劑治之不能愈也

方處 生 赭 石 貳兩 軋細 川 大 黃 壹兩 芒 硝 肆錢 甘遂細末 半錢 藥共四味先煎赭石

十餘沸入大黃煎兩三沸取湯一大鍾入芒硝融化將服時再調入甘遂末

三診 將藥如法煎服一劑下大便五六次帶有痰涎若干中隔兩日又服藥一次（藥中有

甘遂必須三日服一次不然必作嘔吐）又下大便五六次中多帶痰塊挑之不開此

所謂頑痰也從此精神大見明瞭脈象亦不復滑實矣擬改用平和之劑調治之

方處 生 懷 山 藥 壹兩 生 杭 芍 陸錢 清 半 夏 肆錢 石 菖 蒲 叁錢 生 遠 志 貳錢

清 竹 瀝 叁錢 鏡 面 砂 叁分 軋細 藥共七味將前五味煎湯一大鍾調入竹瀝送服硃砂

細末

果效 將藥如法煎服數劑病遂全愈

### 神經錯亂

黃象三天津北倉中學肄業生年二十歲得神經錯亂病

因病 在校中本屬翹楚而考時不列前茅因此心中忿鬱久之遂致神經錯亂

候既

心中滿悶發熱不思飲食有時下焦有氣上衝並覺胃脘之氣亦隨之上衝遂致精神昏瞽言語支離移時覺氣息稍順或吐痰數口精神遂復其舊其左脈弦而硬右脈弦而長兩尺皆重按不實一息五至

斷診

此乃肝火屢動牽引衝氣胃氣相併上衝更挾痰涎上衝以滯寒於喉間並衝激其腦部是以前神經錯亂而精神言語皆失其常也其左脈弦硬者肝血虛而火熾盛也右脈弦長者衝氣挾胃氣上衝之現象也方書論脈有直上直下衝脈昭昭之語所謂直上直下者即脈弦且長之形狀也其兩尺不實者下焦之氣化不固也因下焦有虛脫之象是以衝氣易挾胃氣上衝也此當治以降胃斂衝鎮肝之劑更兼用涼潤滋陰之品以養肝血清肝熱庶能治愈

方處

生赭石壹兩  
軋細

靈磁石伍錢  
軋細

生懷山藥捌錢

生龍骨捌錢  
搗碎

生杭芍陸錢

玄參伍錢

柏子仁伍錢

雲苓片叁錢

清半夏叁錢

石菖蒲叁錢

生遠志貳錢

鏡面砂叁分  
研細

將上述連服四劑滿悶發熱皆大見愈能進飲食有時氣復上衝而不復上干神經至於

錯亂左右之脈皆較前平和而尺部仍然欠實擬兼用培補下元之品以除病根

方處 生赭石壹兩 細

熟懷地黃錢捌

生懷山藥錢捌

大甘枸杞錢陸

淨黃肉錢伍

生杭芍錢肆

玄參肆 錢肆

雲苓片錢貳

共煎湯一大鍾溫服

果效 將藥連服六劑諸病皆愈脈亦復常

問或 地黃之性黏膩生痰胃脘脹滿有痰者多不敢用今方中重用之何以能諸病皆愈答

曰用藥如用兵此醫界之恆言也如宋八字軍最弱劉錡將之即為勁卒遂能大敗金人奏順昌之捷以斯知兵無強弱在用之者何如耳至用藥亦何獨不然憶曾治一李姓媪胃口滿悶有痰其脈上盛下虛投以腎氣丸作湯服為加生赭石八錢服後覺藥有推盪之力須臾胸次豁然腎氣丸非重用地黃者乎然如此用藥非前無師承而能有然也金匱云短氣有微飲當從小便竭之苓桂朮甘湯主之腎氣丸亦主之夫飲即痰也氣短亦近於滿悶也而仲師竟謂可治以腎氣丸愚為於金匱曾熟讀深思故臨證偶有會心耳

### 傷寒門

### 傷寒兼腦膜炎

李淑顏鹽山城西八里莊人年六旬蒙塾教員於季冬患傷寒兼腦膜炎

因病素素頭昏證每逢上焦有熱精神卽不清爽腦底偶冒風寒病傳陽明邪熱內熾則腦

膜生炎累及神明失其知覺

候斷從前醫者治不如法初得時未能解表遂致傷寒傳裏陽明腑實舌苔黃而帶黑其乾

如錯不能外伸讖語不休分毫不省人事兩目直視不瞬診其脈兩手筋惕不安脈象

似有力而不實一息五至大便四日未行小便則溺時不知

斷診此乃病實脈虛之證其氣血虧損難抗外邪是以有種種危險之象其舌苔黑而乾者

陽明熱實津液不上潮也其兩目直視不瞬者肝火上衝而目發脹也其兩手筋惕不

安者肝熱血耗而內風將動也其讖語不省人事者固由外感之邪熱過盛昏其神明

實亦由外感之邪熱上蒸致腦膜炎累及腦髓神經也擬用白虎加人參湯更輔以

滋補真陰之品庶可治愈

方處生石膏伍兩

生懷地黃貳兩

野臺參捌錢

天花粉捌錢

北沙參捌錢

知母陸 生杭芍陸 生懷山藥陸 甘草肆 荷葉邊壹

共煎湯三鍾分三次溫服下每服一鍾調入生鷄子黃兩枚方中不用粳米者以生山藥可代粳米和胃也用生鷄子黃者以其善熄肝風之內動也用荷葉者以其形為仰盂象震而其梗又中空亭亭直上且又得水面輕氣最多善引諸涼藥之力直達腦中以清腦膜之炎也

再診 將藥如法煎服翌晨下大便一次舌苔乾較愈而仍無津液精神較前明瞭而仍有讕

語之時其目已不直視而能瞬診其脈筋惕已愈強半至數較前稍緩其浮分不若從前有力而重按却比從前有根祇此皆佳兆也擬即前方略為加減清其餘熱即以復其真陰庶可全愈

方處 生石膏肆兩 搗細 生懷地黃貳兩 野臺參捌錢 大甘枸杞兩壹 生懷山藥壹兩

天花粉捌錢 北沙參捌錢 知母陸錢 生杭芍陸錢 甘草肆錢

共煎湯三鍾為其大便已通俾分多次徐徐溫飲下一次止飲一大口

效 閱十點鐘將藥服完精神清爽諸病皆愈



明說 按治腦膜炎證羚羊角最佳而以治筋惕不安亦羚羊角最效以其上可清頭腦下可

熄肝風之萌動也然此藥價太昂僻處藥房又鮮真者是以方中未用且此證雖兼有腦膜炎病實因臟腑之邪熱上蒸清其邪熱則腦膜炎自愈原不必注重於清腦也

問或 筋惕之病西人謂腦髓神經失其常度而妄行是以腦膜炎證恆有瘵搐拘攣角弓反

張諸病此皆筋惕之類誠以腦膜生炎而累及神經也今則謂肝經血虛有熱使然將勿西人之說不足信歟答曰此二說原可相通腦髓神經原名腦氣筋乃灰白色之細筋也全體之筋皆肝主之是以腦髓神經與肝有至切之關係肝有所傷腦髓神經恆失其常度西醫所謂腦髓神經病多係方書所謂肝經病也况方中用荷葉邊作引原能引諸涼藥上行以清其腦部乎

### 傷寒脈閉

張金鐸天津東門裏麵粉莊理事年三十八歲於季冬得傷寒證且無脈

因病 旬日前曾感冒風寒經醫治愈繼出門作事又感風寒遂得斯病

候證 內外俱覺寒涼頭疼氣息微喘身體微形寒戰六脈皆無

蓋其身體素弱又在重感之餘風寒深入阻寒經絡是以脈閉擬治以麻黃湯再重加補氣之藥補其正氣以逐邪外出當可奏效

方處 麻 黃壹錢 生箭壹兩 芪壹兩 桂枝尖貳錢 杏 仁貳錢 甘 草貳錢

先煎麻黃數沸吹去浮沫再入餘藥同煎湯一大盅溫服被覆取微汗

果效 服藥後周身得汗其脈卽出諸病皆愈

明說 按此證或疑係少陰傷寒因少陰傷寒脈原微細微細之至可至於無也而愚從太陽

治者因其頭疼微喘寒戰皆爲太陽經之現象而無少陰證蹤臥但欲寐之現象也是以於麻黃湯中重加生黃芪一兩以助麻桂成功此扶正卽以逐邪也

### 傷寒脈閉

李姓童子年十四歲天津河北耀華織布工廠學徒得傷寒脈閉證

因病 其左肋下素有鬱氣發動時輒作疼一日發動疼劇頭上汗出其汗未解出冒風寒遂得斯證

候證 頭疼身冷惡寒無汗心中發熱六脈皆閉

因其素有肋下作疼之病身形羸弱又當汗出之時感冒風寒則風寒之入者必深是以脈閉身寒又肋下素有鬱氣其肝胆之火必然鬱滯因外感所束激動其素鬱之火所以心中覺熱法當以發表之藥為主而以清熱理鬱兼補正之藥佐之

方處 麻 黃錢貳 玄 參錢陸 生懷山藥錢陸 野臺參錢貳 生鷄內錢貳

天花粉錢伍 甘 草半錢 先煎麻黃數沸吹去浮沫再入諸藥同煎一大盅溫覆取

汗若不出汗時宜再服西藥阿斯必林一瓦以助其汗

果數 煎藥兩點鐘周身微發熱汗欲出不出遂將阿斯必林服下須臾汗出徧體翌日復診

其脈已出五至無力已不惡寒心中仍覺發熱遂去麻黃將玄參山藥皆改用一兩服至三劑後心中已不發熱遂將玄參天花粉各減半再服數劑以善其後

少陰傷寒

李儒齋天津山東省銀行理事年三十二歲於夏季得傷寒證

因病 午間恣食瓜果因夜間失眠遂食餘酣睡值東風驟至天氣忽變寒涼因而凍醒其未

醒之時又復夢中遺精醒後遂覺周身寒涼抖戰腹中又復隱隱作疼甚遂急延為

診視

候證 迨愚至為診視時其寒戰腹疼益甚其脈六部皆微細欲無知其已成直中少陰之傷寒也

斷診 按直中少陰傷寒為麻黃附子細辛湯證而因在夢遺之後腹中作疼則寒涼之內侵

者益深入也是宜於麻黃附子細辛湯中再加溫煖補益之品

方處 麻 黃錢貳 烏附子錢叁 細 辛錢壹 熟地 黃錢壹 生懷山藥錢伍

淨黃肉錢伍 乾 薑錢叁 公丁 香粒拾煎湯一大鍾溫服溫覆取汗勿令過度

果效 將藥服後過一點鐘周身得微汗寒戰與腹疼皆愈

而成 麻黃附子細辛湯證傷寒始得發熱脈沈也今斯證寒戰脈沈細夫寒戰與發熱迥異

矣何以亦用麻黃附子細辛湯乎答曰麻黃附子細辛湯證是由太陽傳少陰也為其

病傳少陰是以脈沈為其自太陽傳少陰是以太陽有反應之力而發熱此證晝眠凍

醒是自太陽傳少陰又因恣食寒涼繼而晝寢夢遺其寒涼又直中少陰內外寒涼夾

攻是以外寒戰而內腹疼太陽雖為表陽亦無反應之力也方中用麻黃以逐表寒用

附子以解裏寒用細辛以通融表裏使表裏之寒盡化又因其少陰新虛加熱地黃黃肉山藥以補之養正卽以除邪也又因其腹疼知寒侵太深又加乾薑丁香助附子細辛以除之寒邪自無遁藏也方中用意周匝是以服之卽效至於麻黃發汗止二錢者因當夏令也若當冬令則此證必須用四錢方能出汗此用藥因時令而有異也至若在南方雖當冬令用麻黃二錢亦能發汗且南方又有麻黃不過錢之說此又用藥因地點而有異也

傷寒兼有伏熱證

馬樸臣遼寧大西關人年五十一歲業商得傷寒兼有伏熱證

因病家本小康因買賣俄國銀幣票賠錢數萬元家計頓窘懊悔不已致生內熱孟冬時因

受風欬嗽有痰微喘小便不利周身漫腫愚爲治愈旬日之外又重受外感因得斯證候證表裏大熱煩躁不安腦中脹疼大便數日一行甚乾燥舌苔白厚中心微黃脈極洪實

左右皆然此乃陽明腑實之證凡陽明腑實之脈多偏見於右手此脈左右皆洪實者因其時常懊悔心肝積有內熱也其腦中脹疼者因心與肝胆之熱挾陽明之熱上攻

也當用大劑寒涼微帶表散清其陽明胃腑之熱兼以清其心肝之熱

方處  
生石膏肆兩

知母壹兩

甘草肆錢

粳米陸錢

青連翹陸錢

共作湯煎至米熟取湯三鍾分三次溫服下病愈勿盡劑

解方  
此方即白虎湯加連翹也白虎湯為傷寒病陽明腑熱之正藥加連翹者取其色青入

肝氣輕入心又能引白虎湯之力達於心肝以清熱也

果效  
將藥三次服完其熱稍退翌日病復還原連服五劑生石膏加至八兩病仍如故大便

亦不滑瀉病家懼不可挽救因曉之曰石膏原為平和之藥惟服其細末則較有力聽

吾用藥勿阻此次即愈矣為疏方方中生石膏仍用八兩將藥煎服之後又用生石膏

細末二兩俾蘸梨片徐徐嚼服之服至兩半其熱全消遂停服從此病愈不再反覆

附記  
此案曾登於名醫驗案類編何廉臣先生評此案云日本和田東郭氏謂石膏非大劑

則無效故白虎湯竹葉石膏湯及其他石膏諸方其量皆過於平劑世醫不知此意為

小劑用之譬如一杯水救一車薪之火宜乎無效也吾國善用石膏者除長沙漢方之

外明有繆氏仲淳清有顧氏松園余氏師愚王氏孟英皆以善治溫熱名凡治陽明實

熱之證無不重用石膏以奏功今用石膏由四兩加至八兩似已駭人聽聞然連服五六劑熱仍如故大便亦不滑瀉迨外加石膏細末用梨片蘸服又至兩半熱始全消而病愈可見石膏爲涼藥中純良之品世之畏石膏如虎者可以放胆而不必懷疑也

溫病門

溫病兼大氣下陷

天津公安局科長康國屏君之幼女曉卿年九歲於孟秋得溫病兼大氣下陷

因病因得罪其母懼譴謫藏樓下屋中屋窗四廠臥床上睡着被風吹襲遂成溫病

候初得病時服藥失宜熱邪內陷神昏不語後經中西醫多位診治二十餘日病益加劇

醫者見病危已至極點皆辭不治繼延愚爲診視其兩目上竄幾不見黑睛精神昏潰毫無知覺身體顫動不安時作噁聲其肌膚甚熱啓其齒見其舌縮而乾苔薄微黃偶灌以水或米湯猶知下咽其氣息不勻間有喘時其脈數逾六至左部弦細而浮不任重按右部亦弦細重診似有力大便旬日未行

斷診此外感之熱久不退灼耗真陰以致肝臟虛損木燥生風而欲上脫也當用藥清其實

熱滋其真陰而更輔以酸收斂肝之品庶可救此極危之證

方處 生石膏貳兩 軋細

野臺參錢叁

生懷地黃兩

淨黃肉兩壹

生懷山藥錢

甘 草貳錢共煎湯兩大鍾分三次溫飲下每次調入生鷄子黃一枚

解方

此方即白虎加人參湯以生地黃代知母生山藥代粳米而又加黃肉也此方若不加黃肉為愚常用之方以治寒溫證當用白虎加人參湯而體弱陰虧者今加黃肉藉以收斂肝氣之將脫也至此方不用白虎湯加減而必用白加人參為之加減者因病至此際非加人參於白虎湯中不能退其深陷之熱復其昏潰之神明也此理參觀四期藥物講義人參解後所附醫案自明

診復

將藥三次服完目睛即不上竄身體安穩不復顫動噤聲已止氣息已勻精神較前明瞭而仍不能言大便猶未通下肌膚猶熱脈數已減不若從前之浮弦而右部重診仍似有力遂即原方略為加減俾再服之

方處 生石膏兩半 軋細

野臺參錢叁

生懷地黃兩壹

淨黃肉錢陸

天

冬錢陸

甘 草貳錢共煎湯兩鍾分兩次溫飲下每次調入生鷄子黃一枚



三 日服藥一劑連服兩日熱已全退精神之明瞭似將復原而仍不能言大便仍未通下

間有努力欲便之象遂用灌腸法以通其便再診其脈六部皆微弱無力知其所以不能言者胸中大氣虛陷不能上達於舌本也宜於大劑滋補藥中再加升補氣分之品

方處 生懷山藥兩壹

大甘枸杞兩壹

沙

參兩壹

天

冬陸壹

寸麥陸壹

生箭芪錢叁

野臺參錢叁

升

麻錢壹

桔

梗錢壹

共煎湯一鍾半分兩

次溫服下

效 將藥煎服兩劑遂能言語因即原方去升麻減沙參之半再加淨黃肉生麥芽各三錢

再服數劑以善其後

明說 醫者救危險將脫之證喜用人參而喻嘉言謂氣若上脫但知重用人參轉令人氣高

不返必重用赭石輔之始能奏效此誠千古不磨之論也此方中之用人參原非用其

救脫因此證真陰大虧惟石膏與人參並用獨能於邪火熾盛之時立復真陰此白虎

加人參湯之實用也至於黃肉其補益氣分之力遠不如參而其挽救氣分之上脫則

遠勝於參誠以肝主疏泄人之元氣甚虛者恆因肝之疏泄過甚而上脫重用黃肉以

斂肝使之不復疏泄則元氣之欲上脫者即可不脫此愚屢次用之奏效而確知其然者也

溫病兼氣虛氣鬱

天津南關義善里遲氏婦年二十二歲於季秋得溫病

因病 其素日血分不調恆作灼熱心中亦恆發熱因熱貪涼薄受外感即成溫病

候證 初受外感時醫者以溫藥發其汗汗出之後表裏陡然大熱嘔吐難進飲食飲水亦恆

吐出氣息不調恆作呻吟小便不利大便泄瀉日三四次其舌苔薄而黃脈象似有力

而不實左部尤不任重按一分鐘百零二至搖搖有動象

斷疹 其胃中為熱藥發表所傷是以嘔吐其素日陰虧肝腎有熱又兼外感之熱內迫致小

便不利水歸大腸是以泄瀉其舌苔薄而黃者外感原不甚劇（舌苔薄亦主胃氣虛

）而治以滋陰清熱上止嘔吐下調二便之劑

方處 生懷山藥壹兩

滑

石捌錢

生杭芍捌錢

生懷地黃陸錢

清半

夏伍錢 碾水 洗三次

碎竹茹叁錢

生麥芽叁錢

淨青黛貳錢

連

翹貳錢

甘

草壹錢

鮮茅根肆藥共十一味先將前十味水煎十餘沸再入茅根同煎七八沸其湯卽成  
取清湯兩鍾分三次溫飲下服藥後防其嘔吐可口含生薑一片或於煎藥時加生薑  
三片亦可至藥房中若無鮮茅根可用乾茅根兩半煎湯以之代水煎藥

解方

方中之義山藥與滑石並用一滋陰以退熱而能固大便一清火以退熱而善利小便  
芍藥與甘草並用爲甘草芍藥湯仲師用之以復真陰而芍藥亦善利小便甘草亦善  
補大便秘集四味成方卽拙擬之滋陰清燥湯也(方載二期五卷)以治上有燥熱下  
焦滑瀉之證莫不隨手奏效半夏善止嘔吐然必須洗淨馨味(藥房清半夏亦有馨  
一屢洗之則藥力減是以用至三錢竹茹亦善止嘔吐其碎者爲竹之外皮津沽藥房  
名爲竹茹粉其止嘔之力較馨者爲優至於青黛生薑亦止嘔吐之副品也用生麥芽  
鮮茅根者以二藥皆善利小便而又善達肝木之鬱以調氣分也用生地黃者以其爲  
滋補真陰之主藥卽可爲治脈數動搖者之要藥也

診復

將藥煎服一劑嘔吐與泄瀉皆愈小便已利脈象不復搖搖仍似有力至數未減其表  
裏之熱稍退氣息仍似不順舌苔仍黃欲投以重劑以清其熱猶恐大便不實擬再治

以清解之劑

方處 生懷地黃兩壹

玄 參捌錢

生杭芍陸錢

天花粉陸錢

生麥芽叁錢

鮮茅根叁錢

滑 石叁錢

甘 草叁錢

共煎湯一大鍾分兩次溫服下

三 將藥煎服後病又見輕家人以為病愈無須服藥矣至翌日晚十一點鐘後見其面紅

精神昏憤時作呻吟始知其病猶未愈及愚診視時夜已過半其脈左右皆弦硬而長

數近七至兩目直視其呻吟之聲似阻隔不順舌苔變黑問其心中何如自言熱甚且

覺氣息不接續此其氣分虛而且鬱又兼血虛陰虧而陽明之熱又熾盛也其脈近七

至者固為陰虛有熱之象而正氣虛損不能抗拒外邪者其脈亦恆現數象至其脈不

為洪滑而為弦硬者亦氣血兩虧邪熱熾盛之現象也擬用白虎加人參湯再加滋陰

理氣之品蓋此時大便已實故敢放胆治之

方處 生石膏伍兩 剉細

野臺參陸錢

知 母陸錢

天花粉陸錢

玄 參陸錢

生杭芍伍錢

生萊菔子肆錢 搗碎

生麥芽叁錢

鮮茅根叁錢

粳 米叁錢

甘 草叁錢 共煎湯一大碗分四次溫飲下病愈不必盡劑

果效 將藥分四次服完熱退強半精神已清氣息已順脈象較前緩和而大便猶未通下因

卽原方將石膏改用四兩萊菔子改用二錢如前煎服服至三次後大便通下其熱全退遂停後服

明說 愚用白虎加人參湯或以玄參代知母（產後寒溫證用之）或以芍藥代知母寒溫

兼下痢者用之）或以生地黃代知母（寒溫兼陰虛者用之）或以生山藥代粳米（寒溫熱實下焦氣化不固者用之產後寒溫證用之）又恆於原方之外加生地黃玄參沙參諸藥以生津液加鮮茅根鮮蘆根生麥芽諸藥以宣通氣化初未有加萊菔子者惟此證之氣分虛而且鬱白虎湯中加人參可補其氣分之虛再加萊菔子更可理其氣分之鬱也至於萊菔子必用生用者取其有升發之力也又須知此證不治以白虎湯而必治以白虎加人參湯者不但爲其氣分虛也凡人外感之熱熾盛真陰又復虧損此乃極危險之證此時若但用生地黃玄參諸滋陰之品不能奏效卽將此等藥加於白虎湯中亦不能奏效惟生石膏與人參並用獨能於邪熱熾盛之時立復真陰此所以傷寒汗吐下後與渴者治以白虎湯時仲聖不加他藥而獨加人參也觀拙著三

期六卷所載治寒溫諸案及四期一卷人參解後附載之案五期五卷論白虎湯及白虎加人參湯之用法則於此理益瞭然矣

溫病兼吐瀉腿抽

族姪秀川年五十三歲在天津業商於仲春下旬得溫病兼吐瀉腿筋抽縮作疼

因病素有腿筋抽疼病犯時卽臥床不能起一日在舖中舊病陡發急乘洋車回寓因腿疼

出汗在路受風遂成溫病繼又吐瀉交作

候證表裏俱壯熱嘔吐連連不止飲水少許亦吐出一日夜瀉十餘次得病已三日小便滴

瀝全無腿疼劇時恆作號呼其脈左部浮弦似有力按之不實右部則弦長有力重按

甚硬一息逾五至

斷診此證因陰分素虧血不榮筋是以腿筋抽疼今又加以外感之壯熱傳入陽明以灼耗

其陰分是以其脈象不爲洪滑有力而爲弦硬有力此乃火盛陰虧之現象也其作嘔

吐者因其右脈弦硬且長當有衝氣上衝因致胃氣不下行而上逆也其小便不利大

便滑瀉者因陰虛腎虧不能瀝水水歸大腸是以下焦之氣化不能固攝也當用拙擬

滋陰宣解湯（在二期五卷）以清熱滋陰調理二便再加止嘔吐及舒筋定疼之品輔之

方處 生懷山藥壹兩

滑石壹兩

生杭芍壹兩

清半夏肆錢用溫水淘三次

竹茹壹錢

淨青黛貳錢

連翹半錢

蟬退半錢

甘草壹錢

全蜈蚣大者一條為末

藥共十味將前九味煎湯一大鍾送服蜈蚣細末防其嘔吐俾分三次溫服蜈蚣末亦分三次送服服後口含生薑片以防惡心

解方

方中用蟬退者不但因其能托邪外出也因蟬之為物飲而不食有小便無大便是以其蛻亦有利小便固大方之力也用蜈蚣者因此物節節有腦原善理腦髓神經腿筋之抽疼固由於肝血虛損不能榮筋而與神經之分支在腿者實有關係有蜈蚣以理之則神經不至於妄行也

變復

將藥服後嘔吐未止幸三次所服之藥皆未吐出小便通下兩次大便之瀉全止腿疼已愈強半表裏仍壯熱脈象仍弦長有力為其滑瀉已愈擬放胆用重劑以清陽明之熱陽明胃腑之熱清則嘔吐當自止矣

方處 生石膏按細

生懷山藥半

生懷地黃兩

生杭芍伍

滑

石伍

碎竹茹伍

甘

草伍

共煎湯一大碗分四次溫飲下

解方

按用白虎湯之定例凡在汗吐下後當加人參此方中以生地黃代知母生山藥代粳米與石膏甘草同用斯亦白虎湯也而不加人參者以其吐猶未止加之恐助胃氣上升於斯變通其方重用生山藥至兩半其沖和稠黏之液既可代粳米和胃其培脾滋腎之功又可代人參補益氣血也至於用白虎湯矣而復用滑石芍藥者因二藥皆善通利小便防其水飲仍歸大腸也且芍藥與甘草同用名甘草芍藥湯仲聖用之以復真陰前方之小便得通實芍藥之功居多（陰虛小便不利者必重用芍藥始能奏效）矧弦為肝脈此證之脈象弦硬肝經必有熾盛之熱而芍藥能生肝血退肝熱為柔肝之要藥即為治脈象弦硬之要藥也

診三

將藥分四次服完表裏之熱退強半腿疼全愈脈象亦較前緩和惟嘔吐未能全愈猶惡心懶進飲食幸其大便猶固俾先用生赭細末兩半煎湯一鍾半分三次溫飲下飲至第二次後覺胃脘通惡心全無遂將赭石停飲進稀米粥一大甌遂又為疏方以



清餘熱

方處 生石膏壹兩

生懷山藥兩壹

生懷地黃兩壹

生杭芍兩壹

甘草錢貳

共煎湯兩鍾分兩次溫服下

果效 將藥兩次服完表裏之熱全消大便通下一次病遂脫然全愈惟其脈一息猶五至知其真陰未盡復也俾用生懷山藥軋細過羅每用七八錢或兩許煮粥調以蔗糖當點心服之若服久或覺發悶可以之送服西藥百布聖五分若無西藥處可用生鷄內金細末三分代之

細末三分代之

溫病少陰證

表弟劉爽園年二十五歲業農於季春得溫病

因病 自正二月間心中恆覺發熱懶於飲食喜坐房陰乘涼薄受外感遂成溫病

候證 因相距四十餘里初得病時延近處醫者診治閱七八日病勢益劇精神昏憤閉目踈

臥似睡非睡懶於言語咽喉微疼口唇乾裂舌乾而縮薄有黃苔欲黑頻頻飲水不少

濡潤飲食懶進一日之間惟強飲米湯甌許自言心中熱而且乾周身酸軟無力撫其

肌膚不甚發熱體溫三十七度八分其脈六部皆微弱而沈左部又兼細至數如常大便四日未行小便短少赤澀

斷診

此伏氣觸發於外感而成溫因腎臟虛損而竄入少陰也內經謂冬傷於寒春必溫病此言冬時所受之寒甚輕不能即時成爲傷寒恆伏於三焦脂膜之中阻寒氣化之升降暗生內熱至春陽萌動之時其所生之熱恆激發於春陽而成溫然此等溫病未必入少陰也內經又謂冬不藏精春必溫病此言冬不藏精之人因陰虛多生內熱至春令陽回其內熱必益加增略爲外感激發即可成溫病而此等溫病亦未必入少陰也惟其人冬傷於寒又兼冬不藏精其所傷之寒伏於三焦隨春陽而化熱恆因其素不藏精乘虛而竄入少陰此等證若未至春令卽化熱竄入少陰則爲少陰傷寒卽傷寒少陰證二三日以上宜用黃連阿膠湯者也若已至春令始化熱竄入少陰當可名爲少陰溫病卽溫病中內有實熱脈轉微細者也誠以脈生於心必腎陰上潮與心陽相濟而後其跳動始有力此所謂一陰一陽互爲之根也蓋此證因溫邪竄入少陰俾心腎不能相濟是以內雖蘊有實熱而脈轉微細其咽喉疼者因少陰之脈上通咽喉其

熱邪循經上逆也其唇裂舌乾而縮者腎中真陰為邪熱遏抑不能上潮而心中之亢陽益妄動上升以燥耗其津液也至於心中發熱且發乾以及大便燥結小便赤澀亦無非陰虧陽亢之所致為其腎陰心陽不能相濟為功是以精神昏憤閉目蹠臥煩人言語此乃熱邪深陷氣化隔闕之候在溫病中最高險證正不可因其脈象無火身不甚熱而視為易治之證也愚向擬有坎離互根湯（在五期六卷）可為治此病的方今將其方略為加減俾與病候相宜

方處

生石 膏參兩

野臺 參肆錢

生懷地黃壹兩

生懷山藥捌錢

玄 參伍錢

遼沙 參伍錢

甘 草叁錢

鮮茅 根伍錢

藥共八味先將前七味煎十餘沸再

入鮮茅根煎七八沸其湯即成取清湯三鍾分三次溫服下每服一次調入生鷄子黃一枚此方若無鮮茅根可用乾茅根兩半水煮數沸取其湯代水煎藥

解方

溫病之實熱非生石膏莫解輔以人參並能解邪實正虛之熱再輔以地黃山藥諸滋陰之品更能解腎虧陰虛之熱且人參與滋陰之品同用又能助腎陰上潮以解上焦之燥熱用鷄子黃者化學家謂鷄子黃中含有副腎髓質之分泌素為滋補腎臟最要

之品也。用茅根者以其稟少陽初生之氣（春日發生最早）其質中空涼而能散用之作引能使深入下陷之邪熱上出外散以消解無餘也。

復將藥三次服完周身之熱度增高脈象較前有力似近洪滑諸病皆見輕減精神已振

惟心中仍覺有餘熱大便猶未通下宜再以大劑涼潤之藥清之而少佐以補氣之品

方處生石 膏壹兩 大潞 參叁錢 生懷地黃兩壹 玄 參捌錢 遼沙 參捌錢

大甘 枸杞錢陸 甘 草貳錢 鮮 茅 根肆錢 共藥八味先將前七味煎十餘沸再入

茅根煎七八沸其湯即成取清湯兩大鍾分兩次溫服下每服一次調入生鷄子黃一

枚

採煎將藥連服兩劑大便通下病遂全愈

明既此證之脈象沈細是腎氣不能上潮於心而心腎不交也迨服藥之後脈近洪滑是腎

氣已能上潮於心而心腎相交也為其心腎相交是以諸病皆見輕減非若尋常溫病

其脈洪大為增劇也如謂如此以論脈跳動終屬理想之談者可更進徵諸西人之實

驗夫西人原謂腎司澀水以外別無他用者也今因其實驗益精已漸悟心腎相濟之

理曾於所出之新藥發明之近今德國所出之藥有蘇潑拉寧爲強心要藥藥後附以說明謂人腎臟之旁有小核名副腎其汁周流身中調劑血脈經醫家發明副腎之汁有收束血管增進血壓及強心止血之力然此汁在於人身者不能取遂由法普唯耳坑廠用化學方法造成精製副腎液粉子（蘇潑拉來寧）尤比天然副腎液之功力爲佳乃強心強脈止血斂津增長血壓之要藥也夫醫家之論腎原取廣義凡督脈任脈衝脈及胞室與腎相連之處皆可爲副腎彼所謂副腎約不外此類詳觀西人之所云云不亦確知心腎可以相濟乎所有異者中醫由理想而得故所言者腎之氣化西人由實驗而得故所言者腎之形迹究之人之先天原由氣化以生形迹至後天更可由形迹以生氣化形迹與氣化實乃無所區別也

溫病結胸

張姓叟年近五旬住天津西關外下頭以繕緝破鞋爲業於季夏得溫熱結胸證

因病  
因 心有忿怒繼復飽食夜眠又當窗受風晨起遂覺頭疼發熱心下痞悶服藥數次病益  
進

候斷初但心下痞悶繼則胸膈之間亦甚痞塞且甚煩熱其脈左部沈弦右部沈牢

寒溫下早成結胸若表有外感裏有痰積不知表散藥與消積藥並用而專事開破以消其積則外感乘虛而入亦可成結胸審證察脈其病屬結胸無疑然其結之非劇本陷胸湯之義而通變治之可也

方處病者旬餘輟工家幾斷炊愚憐其貧爲擬簡便之方與以自製通徹丸（卽牽牛軋取

頭次末水泛爲小丸）五錢及自製離中丹（卽益元散以生石膏代滑石）兩半俾先服通徹丸三錢遲一點半鐘若不覺藥力猛烈再服下所餘二錢候須臾再服離中丹三錢服後多飲開水俾出汗若痞塞開後仍有餘熱者將所餘離中丹分數次徐徐服之每服後皆宜多飲開水取微汗

果效如法將兩種藥服下痞塞與煩熱皆愈

### 溫病結胸

趙殿傑年四十二歲鹽山人在天津西門外開利源恆織布工廠得溫病結胸證

因病季春下旬因飯後有汗出受風翌日頭疼身熱無汗心中發悶醫者外散其表熱內攻

其發悶服藥後表未汗解而熱與發悶轉加劇醫者見服藥無效再疏方時益將攻破之藥加重下大便一次遂至成結胸證

喉證 胸中滿悶異常似覺有物填塞壓其氣息不能上達且發熱嗜飲水小便不利大便日

溏瀉兩三次其脈左部弦長右部中分似洪而重按不實一息五至強

斷診 此證因下早而成結胸又因小便不利而致溏瀉即其證脈合參此乃上實下虛外感

之熱兼挾有陰虛之熱也治之者宜上開其結下止其瀉兼清其內傷外感之熱庶可

奏效

方處 生懷山藥壹兩伍錢 生萊菔子壹兩捌錢 滑 石壹兩 生杭芍陸錢 甘 草叁錢

共煎湯一大鍾溫服

復診 服藥後上焦之結已愈強半氣息頗形順適灼熱亦減已不覺渴大便仍溏服藥後下

一次脈象較前平和仍微瀉遂再即原方略加減之

方處 生懷山藥壹兩伍錢 生萊菔子壹兩捌錢 滑 石捌錢 生杭芍伍錢 甘 草叁錢

先用白茅根(鮮者更好)青竹茹各一二兩同煎數沸取湯以之代水煎藥

果效 將藥煎服後諸病皆愈惟大便仍不實俾每日用生懷山藥細末兩許水調煮作茶湯  
以之送服西藥百布聖五分充作點心以善其後

溫病

俞壽卿年過四旬住天津大胡同經理房租於孟夏得溫病

因病 與人動氣爭鬪頓面出汗為風所襲遂成溫病

候證 表裏俱發熱胸膈滿悶有似結胸呼吸甚覺不利夜不能寐其脈左右皆浮弦有力舌

苔白厚大便三日未行

斷診 此病係在太陽而連及陽明少陽也為其病在太陽所以脈浮為其連及陽明所以按

之有力為其更連及少陽是以脈浮有力而又兼弦也其胸膈滿悶呼吸不利者因其  
怒氣溢於胸中挾風邪痰飲凝結於太陽部位也宜外解太陽之表內清陽明之熱兼

和解其少陽更開盪其胸膈方為完全之策

方處 生石膏貳兩 搗細 萋 仁貳兩 炒搗 生萊菔子捌錢 搗碎 天花粉陸錢 蘇子叁錢 炒搗

連翹叁錢 薄荷葉貳錢 茵陳 陳皮貳錢 龍胆草貳錢 甘草 草貳錢



共煎湯一大鍾溫服後覆衾取微汗

果效服藥後閱一小時徧身得汗胸次豁然溫熱全消夜能安睡脈已和平如常惟大便猶

未通下俾但用西藥旂那葉一錢開水浸服兩次大便遂通下

風溫

趙印龍邑北境許孝子莊人年近三旬業農於孟秋得風溫病

因病孟秋下旬農人忙甚因勞力出汗過多復在樹陰乘涼過度遂得風溫病

候證胃熱氣逆服藥多嘔吐因此屢次延醫服藥旬餘無效及愚診視見其周身壯熱心中

亦甚覺熱五六日間飲食分毫不進大便數日未行問何不少進飲食自言有時亦思

飲食然一切食物聞之皆臭惡異常強食之即嘔吐所以不能食也診其脈弦長有力

右部微有洪象一息五至

斷診即此證脈相參知其陽明腑熱已實又挾衝氣上衝所以不能進食服藥亦多嘔也欲

治此證當以清胃之藥爲主而以降衝之藥輔之則衝氣不上衝胃氣亦必隨之下降

而嘔吐能止即可以受藥進食矣

方處 生石膏錢貳兩 生赭石壹兩 知母錢捌 潞黨參錢肆 梗米錢

甘 草錢貳 共煎湯一大碗分三次溫服下

解方 此方乃白虎加人參湯又加赭石為其胃腑熱實故用白虎湯為其嘔吐已久故加人參為其衝胃上逆故又加赭石也

果效 將藥三次服完嘔吐即止次日減去赭石又服一劑大便通下熱退強半至第三日減

去石膏一兩加玄參六錢服一劑脈靜身涼而仍分毫不能飲食憎其臭味如前愚瞶其家人曰此病已愈無須用藥所以仍不飲食者其胃氣不開也夫開胃之食物莫如萊菔可用鮮萊菔切絲香油炒半熟加以葱醬作湯勿過熟少調以綠豆粉俾服之至湯作熟時病人仍不肯服迫令嘗少許始知香美須臾服盡兩碗從此飲食復常病人謂其家人曰吾從前服藥十餘劑病未見愈今因服萊菔湯而霍然全愈若早知萊菔湯能如此治病則吾之病不早愈乎其家人不覺失笑

附記 曾記弱冠時比鄰有病外感痰喘者延邑中老醫皮榮伯先生投以小青龍湯一劑喘即愈然覺胸中似有霧氣瀰漫不能進食皮君曰此乃濕氣充盛是以胃氣不開也此

當投以開胃之劑爲疏方用金匱苓桂朮甘湯煎服後未半刻陡覺胸中陰霾頓開毫無障礙遂能進食見者皆驚其用藥之神奇夫皮君能如此用藥誠無愧名醫之目而益歎經方之神妙誠有不可令人思議者矣此因一用萊菔一用古方均謂胃於頃刻之間故附誌之

風溫兼伏氣化熱

陳百生督軍（前任陝西）年四十六歲寓天津英租界廣東路得風溫兼伏氣化熱病

因病 因有事乘京奉車北上時當仲夏歸途受風致成溫熱病

候 其得病之翌日即延爲診視起居如常惟覺咽喉之間有熱上衝欬嗽吐痰音微啞周身似拘束痿軟脈象浮而微滑右關重按甚實知其證雖感風成溫而其熱氣之上衝

咽喉實有伏氣化熱內動也若投以拙擬解湯（在二期五卷中有生石膏二兩）原可一汗而愈富貴之人其身體倍自鄭重當此病之初起而遽投以石膏重劑彼將疑而不肯服矣因與之商曰將軍之病原可一藥而愈然必須方中用生石膏一兩夫石膏原和平之藥不足畏若不欲用時而以他涼藥代之必不能一劑治愈也陳督曰我

之病治愈原不心急卽多服幾劑藥無妨愚見其不欲輕服石膏遂遷就爲之擬方蓋醫以救人爲目的正不妨委曲以行其道也

方處  
薄荷葉錢叁 青連翹錢叁 蟬 退錢貳 知 母錢陸 玄 參錢陸

天花粉錢陸 甘 草錢貳共煎湯一大鍾溫服

診復  
翌日復延爲診視言服藥後周身得微汗而表裏反大熱欬嗽音啞益甚何以服如此

涼藥而熱更增加將毋不易治乎言之若甚恐懼者診其脈洪大而實左右皆然知非重用石膏不可因謂之曰此病乃伏氣化熱又兼有新感之熱雖在初得亦必須用石膏清之方能治愈吾初次已曾言之今將軍果欲愈此證乎殊非難事然此時但用石膏一兩不足恃也若果能用生石膏四兩今日必愈吾能保險也問石膏四兩一次全服乎答曰非也可分作數次服病愈則停服耳陳督聞愚言似相信求爲出方蓋因其有恐懼之心故可使相信耳

方處  
生石 膏肆兩 搗細 粳 米錢陸共煎湯至米熟取湯四鍾分四次徐徐溫飲下病愈不必

盡劑飲至熱退而止大便若有滑瀉尤宜將藥急停服至方中石膏既開生者斷不可

誤用煨者若恐藥房或有差誤可向雜貨鋪中買大塊石膏自製細用之蓋此時愚至  
津未久津地醫者率用煨石膏鮮有用生石膏者前此開方曾用生石膏三兩藥房以  
煨者誤充經愚看出是以此次如此諄諄告語也

復診

翌日又延爲診視相迎而笑曰我今熱果全消矣惟喉間似微覺疼先生可再爲治之  
問藥四鍾全服乎答曰全服矣當服至三鍾後心猶覺稍熱是以全服且服後並無大  
便滑瀉之病石膏真良藥也再診其脈已平和如常原無須服藥問其大便三日猶未  
下行爲開滋陰潤便之方謂服至大便通後喉疼亦必自愈即可停藥勿服矣

### 溫病兼痧疹

舒嘯岑天津義租界華新公司辦公處經理年四十五歲於仲夏得溫病兼痧疹

因病舒君原精醫術當溫疹流行之時屢次出門爲人診病受其傳染因得斯病

候症其前數日皆係自治屢次服表疹清熱之藥疹已徧身出齊而熱仍不退因求愚爲診

治其表裏俱覺發熱且又煩躁異常無片時寧靜而其脈則微弱不起舌苔薄而微黃

大便日行一次不乾不澀小便赤澀短少

斷診 此證當先有伏氣化熱因受外感之傳染而激發緣三焦脂膜竅入少陰遏抑腎氣不能上與心火相濟是以舌苔已黃小便短赤陽明腑熱已實而其脈仍然無力也其煩躁異常者亦因水火之氣不相交也此雖溫病實與少陰傷寒之熱者無異故其脈亦與少陰傷寒之脈同當治以白虎加人參湯將原方少爲變通而再加托表疹毒之品輔之

方處 生石膏貳兩

搗細

大潞參肆錢

天花粉捌錢

生懷山藥捌錢

鮮茅根肆錢

甘草貳錢共煎湯兩鍾分兩次溫服下

此方卽白虎加人參湯以花粉代知母生山藥代粳米而又加鮮茅根也花粉與知母皆能清熱而花粉於清熱之外又善解毒山藥與粳米皆能和胃而山藥於和胃之外又能滋腎方中之養用白虎湯以治外感實熱如此變通則兼能清其虛熱解其疹毒且又助以人參更可治證實脈虛之熱引以鮮茅根並可治溫病下陷之熱也

復診

將藥煎服一劑熱退強半煩躁亦大輕減可安睡片時至翌日過午發熱煩躁又如舊脈象仍然無力因將生石膏改用三兩潞參改用五錢俾煎湯三鍾分三次溫飲下每

飲一次謂入生鷄子黃一枚服後其病亦見愈旋又反覆且其大便一日兩次知此寒涼之藥不可再服乃此時愚恍然會悟得治此證之的方矣

方處

鮮白茅根

陸兩切碎

添凉水五鍾在爐上煎一沸卽將藥罐離開爐眼約隔三寸許遲十分

鐘再煎一沸又離開爐眼再遲十分鐘視其茅根皆沈水底其湯卽成若茅根不沈水底可再煎一沸約可取清湯三鍾乘熱頓飲之以得微汗方佳

果效

此方如法服兩劑其病脫然愈矣

明說

按此證其伏氣之化熱固在三焦而毒菌之傳染實先受於上焦於斯毒熱相併隨上焦之如霧而瀰漫於全身之臟腑經絡不分界限茅根稟少陽最初之氣涼而能散且其形不但中空周遭耳上皆小孔玲瓏透徹故能通達經絡臟腑無微不至惟性甚平和非多用不能奏效是以一劑重用至六兩其涼散之力能將臟腑經絡間之毒熱盡數排出（茅根能發汗利小便皆其排出之道路）毒熱清肅煩躁自除矣愚臨證五十年用白虎加人參湯時不知凡幾約皆隨手奏效今此證兩次用之無效而竟以鮮白茅根收其功此非愚所素知乃因一時會悟後則屢次用之皆效故特詳之以爲治溫

疹者開一法門也若其脈象洪滑甚實者仍須重石膏清之或石膏茅根並用亦可又按白茅根必須用鮮者且必如此煎法方效但依之成功多用可至十兩少用亦須至四兩不然此證前兩方中皆有茅四錢未見效驗其宜多用可知矣又藥房中若無鮮者可自向汗中剖之隨處皆有若剖多不能一時皆用以濕土埋之永久不壞

### 溫病兼勞力過度

族弟印春年三十八歲業商於孟夏來津於旅次得溫病

因病時天氣炎熱途中自挽鹿車辛苦過力出汗受風至津遂成溫病

候應表裏俱覺甚熱合目恆譫語所言多勞力之事舌苔白厚大便三日未行脈象左部弦

硬右部洪實而浮數逾五至

斷診此證因長途炎熱勞碌臟腑間先有積熱又爲外感所襲則其熱陡發其左脈弦硬者

勞力過度肝腎之陰分有傷也右部洪實者陽明之腑熱已實也其洪實兼浮者證猶連表也擬治以白虎加人參湯以玄參代知母生山藥代粳米更輔以透表之藥以引

熱外出



方處

生石膏

去兩

大潞參

肆

玄

參

兩

生懷山藥

肆

甘

草

壹

西藥阿斯必林

壹瓦

將前五味共煎湯兩大鍾先溫服一鍾遲半點鐘將阿斯必林用開

水送下俟汗出後再將所餘一鍾分兩次溫服下

果效

將藥服一鍾後即不作譫語須臾將阿斯必林服下徧體得汗繼又將所餘之湯藥徐

徐服下其病霍然全愈

明說

白虎湯中以石膏為主藥重用至三兩所以治右脈之洪實也於白虎湯中加人參更

以玄參代知母生山藥代粳米退熱之中大具滋陰之力（石膏人參並用能於寒溫

大熱之際立復真陰）所以治左脈之弦硬也用藥如用兵料敵詳審步伍整齊此所

以戰則必勝也至於脈象兼浮知其表證未罷猶可由汗而解遂佐以阿斯必林之善

透表者以引之出汗此所謂因其病機而利導之也若無阿斯必林之處於方中加薄

荷葉一錢連翹二錢亦能出汗若疑二藥如此少用似不能出汗者觀三期五卷寒解

湯後之詮語自明

按石膏之原質為硫酸鈣化合物而成其性涼而能散是以白虎湯證及白虎加入參

湯證往往於服藥後周身得汗而解者即使服藥後未即得汗而石膏所含硫養輕之宣散力實能排逐內蘊之熱息息自毛孔透出此雖非汗解亦等於出汗也

又按阿斯必林之原質存於楊柳皮中楊柳在春日發生最早原稟少陽初生之氣其性涼而長於表散且有以皮達皮之妙用西人又製以硫酸（即硫養）與石膏之原質原有相同之處是以既能發表又善退熱然其透表之力勝於石膏而其退熱之力則遠不如石膏是以溫病初得其內熱未實者用開水送服一瓦或一瓦強得汗即愈若其內熱既已熾勝其證猶連表可發汗者單用阿斯必林發汗不效若用生石膏兩許其脈甚洪實者或用生石膏至二兩煎湯一大鍾送服阿斯必林以發汗則效即服後不出汗其病亦可愈此愚屢經試驗而確知其然者也

### 溫病兼下痢

天津大胡同范姓媪年過五旬得溫病兼下痢證

因病家務勞心恆動肝火時當夏初肝陽正旺其熱下迫遂患痢證因夜間屢次入廁又受感冒兼發生溫病

候既 表裏皆覺發熱時或作渴心中煩躁腹中疼甚劇恆作呻吟晝夜下痢十餘次旬日之後係純白痢其舌苔厚欲黃屢次延醫服藥但知治痢且用開降之品致身體虛弱臥不能起其脈左右皆弦而有力重按不實搏近五至

斷診 此病因肝火甚盛兼有外感之熱已入陽明所以脈象弦而有力其按之不實者因從前服開降之藥過多也其腹疼甚劇者因弦原主疼茲則弦而且有力致腹中氣化不和故疼甚劇也其煩躁者因下久陰虛腎氣不能上達與心相濟遂不耐肝火溫熱之灼耗故覺煩躁也宜治以清溫涼肝之品而以滋陰補正之藥輔之

方處 生杭芍壹兩 滑石壹兩 生懷山藥壹兩 天花粉伍錢 山查片肆錢  
連翹叁錢 甘草壹錢 草貳錢共煎湯一大鍾溫服

復診 將藥煎服一劑溫熱已愈強半下痢腹疼皆愈脈象亦見和緩擬再用涼潤滋陰之劑以清其餘熱

方處 生懷山藥壹兩 生杭芍陸錢 天花粉伍錢 生懷地黃伍錢 玄參伍錢  
山查片貳錢 連翹貳錢 甘草壹錢 草貳錢共煎湯一大鍾溫服

果效 將藥連服兩劑病遂全愈惟口中津液短少恆作渴運動乏力俾用生懷山藥細末煮作茶湯兌以鮮梨自然汁當點心服之日兩次浹辰之間當即可復原矣蓋山藥多含蛋白質原善滋陰而其補益之力又能培養氣化之虛耗惟其性微溫恐與病後有餘熱者稍有不宣藉鮮梨自然汁之涼潤以相劑爲用則爲益多矣

溫病兼腦膜炎

天津東門裏經司胡同侯姓幼年八歲得熱病兼腦膜炎

因病 蒙學暑假乍放幼童貪玩羣在烈日中嬉戲出汗受風遂得斯證

候證 閉目昏昏呼之不應周身灼熱無汗其脈洪滑而長兩寸尤盛其母言病已三日昨日

猶省人事惟言心中發熱至夜間卽昏無知覺然以水灌之猶知下咽問其大便三日未行其母泣問猶可救否答以准可爲之治愈

斷診 此溫熱之病陽明腑熱已實其熱循經上升兼發生腦膜炎也腦藏神明主知覺神經

因熱受傷是以知覺全無宜投以大劑白虎湯以清胃腑之熱而復佐以輕清之品以

引藥之涼力上行則腦中之熱與胃腑之熱全清神識自明瞭矣

方處生石膏錢伍兩 知母錢捌 連翹錢叁 茵陳錢半 甘草錢叁  
搗細

粳米錢伍煎至米熟其湯即成取清汁三茶杯徐徐分三次溫服病愈無須盡劑

果效服至兩次已明瞭能言自言心中猶發熱將藥服完其熱遂盡消霍然全愈

明說按腦膜炎之名創自西人所謂炎者謂其膜紅熱腫疼也此多為傷寒溫病之兼證故

中醫對於此證皆責之陽明熱實然均是陽明熱實而其神明有昏憤不昏憤之殊實  
 因其腦膜有炎有不炎也是以西人之說原自可信然腦中所藏者元神心中所藏者  
 識神故寒溫之熱若竄入手少陰亦可使神明昏憤（此證極少）西人不知心中有識  
 神而熱入手少陰之昏人神明自非西人所能知也

溫熱泄瀉

天津日租界錢姓幼男年四歲於孟秋得溫熱兼泄瀉病久不愈

因病因季夏感受暑溫服藥失宜熱留陽明之腑久則灼耗胃陰嗜涼且多嗜飲水延至孟秋

上熱未清而下焦又添泄瀉

候證形狀瘦弱已極周身灼熱飲食少許即惡心欲嘔吐小便利大便一晝夜十餘次多

係稀水臥不能動哭泣無淚無聲脈數十至且無力（四歲時當以七至爲正脈）指紋現淡紅色已透氣關

斷診 此因外感之熱久留耗陰氣化傷損是以上焦發熱懶食下焦小便不利而大便泄瀉

也宜治以滋陰清熱利小便兼固大便之劑

方處 生懷山藥壹兩伍錢

滑

石壹兩

生杭芍陸錢

甘

草叁錢煎湯一大盅分數次

徐徐溫服下

解方 此方卽拙著三期五卷中滋陰清燥湯也原方生山藥是一兩今用兩半者因此幼童

瘦弱已極氣化太虛也方中之義山藥與滑石同用一利小便一固大便一滋陰以退

虛熱一瀉火以除實熱芍藥與甘草同用甘苦化合味近人參能補益氣化之虛損而

芍藥又善滋肝腎以利小便甘草又善調脾胃以固大便是以匯集而爲一方也

果效 將藥連服兩劑熱退瀉止小便亦利可進飲食惟身體羸瘦不能遽復俾用生懷山藥

細末七八錢許煮作粥調以白糖作點熱服之且每次送西藥百布聖一瓦如此將養

月餘始胖壯

附記 此錢姓幼男之舅係西醫楊秀章君爲愚在陸軍充軍醫正時之從事見愚治愈此病

深歎中藥若用之得法有挽回造化之權於斯從愚兼習中醫今已深窺醫理之奧中西並用而爲救世之良醫矣

# 衷中參西錄第六期第四卷

溫病兼虛熱

高振之山西人年二十八歲來天津謀事寓居其友家日租界陳宅於仲秋得溫病

因病朋友招飲飲酒過度又多喝熱茶周身出汗出外受風

候<sub>證</sub>周身骨節作疼身熱三十九度四分心中熱而且渴舌苔薄而微黃大便乾燥小便短

赤時或乾嗽身體痿軟殊甚動則眩暈脈數逾五至浮弦無力自始病至此已四十日

矣屢次延醫服藥無效

斷診此證乃薄受外感並非難治之證因治療失宜已逾月而外表未解內熱自不能清病

則懶食又兼熱久耗陰遂由外感之實熱釀成內傷之虛熱二熱相併則愈難治矣斯

當以大滋真陰之藥為主而以解表瀉熱之藥佐之

方處 生懷山藥兩壹

生懷地黃兩壹

玄 參兩壹

沙

參錢陸

生杭芍錢陸

大甘枸杞錢伍

天 冬錢伍

天花粉錢伍

滑

石錢叁

甘 草錢叁

共煎湯一大碗分三次溫飲下其初飲一次時先用白糖水送服西藥阿斯必林半瓦



然後服湯藥

復初服藥一次後周身得汗骨節已不覺疼二次三次繼續服完熱退強半小便通暢脈已不浮弦跳動稍有力遂即原方略為加減俾再服之

方處 生懷山藥兩壹

生懷地黃錢捌

玄參錢陸

沙參錢陸

大甘枸杞錢陸

天門冬錢陸

滑石錢肆

甘草錢貳

真阿膠錢陸

藥共九味先將前

八味煎湯兩大鍾去渣入阿膠融化分兩次溫服其服初次時仍先用白糖水送服阿斯必林三分瓦之一 此方中加阿膠者以其既善滋陰又善潤大便之乾燥也

果效 將藥先服一次周身又得微汗繼將二次服下口已不渴其日大便亦通下便下之後

頓覺精神清爽灼熱全無病遂從此愈矣

按方中重用大陳涼潤之品滋真陰即以退實熱而復以阿斯必林解肌滑石利小便者所以開實熱之出路也至於服阿斯必林半瓦即徧身得汗者因體虛者其汗易出而心有燥熱之人得涼藥之濡潤亦恆自出汗也

溫病虛體

遼寧清丈局科員劉敷辰之幼子年七歲於暮春得溫病

因清因赴澡塘洗澡汗出未竭遽出冒風遂成溫病

候症病初得時醫者不知用辛涼之藥解飢而竟用溫熱之藥為發其汗迨汗出徧體而灼

熱轉劇又延他醫遽以承氣下之病尤加劇因其無可下之證而誤下也從此不敢輕

於服藥遲延數日見病勢浸增遂延愚為診視其精神昏潰間作讖語氣息微喘肌膚

灼熱問其心中亦甚覺熱唇乾裂有凝血其舌苔薄而黃中心乾黑頻頻飲水不能濡

潤其脈弦而有力搏近六至按之不實而左部尤不任重按其大便自服藥下後未行

剛診此因誤汗誤下傷其氣化兼溫熱既久陰分虧耗乃邪實正虛之候也宜治以大劑白

虎加人參湯以白虎湯清其熱以人參補其虛再加滋陰之品數味以滋補陰分之虧

耗

方加生石膏肆兩

搗細

知

母壹兩

野黨參伍錢

大生地黃壹兩

生懷山藥柒錢

玄肆錢參肆錢

甘

草叁錢

共煎湯三大鍾分三次溫飲下病愈者勿須盡劑熱退即

停服白虎加人參湯中無粳米者因方中有生山藥可代粳米和胃也

效 三次將藥服完溫熱大減神已清爽大便猶未通下心中猶覺發熱診其脈仍似有力

遂將原方去山藥仍煎三鍾俾徐徐溫飲下服至兩鍾大便通下遂停藥勿服病全愈

溫熱腹疼兼下痢

天津法租界教堂後張姓媪年過五旬先得溫病腹疼繼又下痢

因病 因其夫與子相繼病故屢次傷心蘊有內熱又當端陽節後天氣乾熱非常遂得斯證

候症 腹中攪疼號呼輾轉不能安臥周身溫熱心中亦甚覺熱爲其臥不安枕手足擾動脈

難細診其大致總近熱象其舌色紫而乾舌根微有黃苔大便兩日未行

斷診 此乃因日日傷心身體虛損始則因痛悼而臟腑生熱繼則因熱久耗陰而更生虛熱

繼又因時令之燥熱內侵與內蘊之熱相併激動肝火下迫腹中是以作疼火熱熾盛

是以表裏俱覺發熱此宜清其溫熱平其肝火理其腹疼更宜防其腹疼成痢也

方處 先用生杭芍一兩甘草三錢煎湯一大鍾分兩次溫服每次送服衛生防疫寶丹（方

載三期霍亂門）四十粒約點半鐘服完兩次腹已不疼又俾用連翹一兩甘草三錢

煎湯一大鍾分作三次溫服每次送服拙擬離中丹三錢（方卽益元散以生石膏代

滑石) 囑約兩點溫服一次

診復

翌日晚三點鐘復爲診視閉目昏昏呼之不應其家人言前日將藥服完裏外之熱皆覺輕減午前精神頗清爽午後又漸發潮熱病勢一時重於一時前半點鐘呼之猶知答應茲則大聲呼之亦不應矣又自黎明時下膿血至午後已十餘次今則將近兩點鐘未見下矣診其脈左右皆似大而有力重按不實數近六至知其身體本虛又因屢次下痢更兼外感實熱之灼耗是以精神昏潰分毫不能支持也擬放胆投以大劑白虎加人參湯復卽原方略爲加減俾與病機適宜

方處

生石膏卷兩  
搗細

野臺參伍錢

生杭芍兩壹

生懷地黃兩壹

甘草壹錢

生懷山藥錢捌共煎湯三鍾分三次徐徐溫服下

此方係以生地黃代原方中知母生山藥代原方中粳米而又加芍藥以芍藥與方中甘草並用卽傷寒論中甘草芍藥湯爲仲聖復真陰之妙方而用於此方之中又善治後重腹疼爲治下痢之要藥也

診復

將藥三次服完後時過夜半其人豁然省悟其家人言自診脈疏方後又下膿血數次

至將藥服完卽不復下膿血矣再診其脈大見和平問其心中仍微覺熱且覺心中怔忡不安擬再治以涼潤育陰之劑以清餘熱而更加保合氣化之品以治其心中怔忡

方處

玄

參兩壹

生杭芍錢陸

淨萸肉錢陸

生龍骨錢陸

生牡蠣錢陸

沙

參錢肆

酸棗仁錢肆

甘

草錢貳

共煎湯兩鍾分兩次溫服每服一次調

入生鷄子黃一枚

果效

將藥連服三劑餘熱全消心中亦不復怔忡矣遂停服湯藥俾用生懷山藥細末一兩弱煮作茶湯少兌以鮮梨自然汁當點心服之以善其後

門說

溢而兼痢之證愚治之多矣未有若此證之劇者蓋此證腹疼至輾轉號呼不能診脈不但因肝火下迫欲作痢也實兼有外感毒癘之氣以相助爲虐故用芍藥以瀉肝之熱甘草以緩肝之急更用衛生防疫寶丹以驅逐外侵之邪氣迨腹疼已愈又恐其溫熱增劇故又俾用連翹甘草煎湯送服離中丹以清其溫熱是以前證翌日頭午頗見輕若卽其見輕時而早爲之診脈服藥原可免後此之昏沈乃因翌日相延稍晚竟使病勢危至極點後幸用藥得宜猶能挽回然亦險矣諺有之走馬看傷寒言其病勢變

更之速也至治溫病亦何獨不然哉又此證過午所以如此加劇者亦以其素本陰虛又自黎明下利膿血多次則虛而益虛再加以陰虧之虛熱與外感之實熱相併是以其精神卽不能支持所賴方中藥味無多而舉凡虛熱實熱及下痢所生之熱兼顧無遺且又煎一大劑分三次溫飲下使藥力前後相繼此乃古人一煎三服之法愚遵此法以挽回險證救人多矣非然者則劑輕原不能挽回重病若劑重而作一次服之病人又將不堪惟將藥多煎少服病愈不必盡劑此以小心行其放胆洵爲挽回險病之要着也

### 溫病兼下痢

津海道尹袁霖普君之夫人年三十六歲得溫病兼下痢證

因病 仲秋乘火車赴保定歸母家省親往來辛苦路間又兼受風遂得溫病兼患下痢

候證 周身壯熱心中熱而且渴下痢赤多白少後重腹疼一晝夜十餘次舌苔白厚中心微

黃其脈左部弦硬右部洪實一息五至

斷診 此風溫之熱已入陽明之腑是以右脈洪實其熾盛之肝火下迫腸中作痢是以左脈

弦硬夫陽明脈實而渴者宜用白虎加人參湯因其肝熱甚盛證兼下痢又宜以生山藥代粳米以固下焦氣化更輔以涼肝調氣之品則溫與痢庶可並愈

方處 生石膏搗細

野黨參錢肆

生懷山藥兩壹

生杭芍兩壹

知母錢陸

白頭翁錢伍

生麥芽錢肆

甘草錢肆

將藥煎湯三鍾分三次溫飲下

復診 將藥分三次服完溫熱已退強半痢疾已愈十之七八腹已不疼脈象亦較前和平遂

即原方略為加減俾再服之

方處 生石膏搗細

野臺參錢叁

生懷山藥錢捌

生杭芍錢陸

知母錢伍

白頭翁錢伍

秦皮錢叁

甘草錢叁

共煎湯兩鍾分兩次溫服下

效果 將藥煎服兩劑諸病皆愈惟脈象似仍有餘熱胃中似不開通懶於飲食俾用鮮梨鮮藕萊蕪三者等分切片煮汁送服益元散三錢許日服兩次至三次則喜進飲食脈亦

和平如常矣

明說 凡溫而兼痢之證最為難治蓋溫隨下痢深陷而永無出路即痢為溫熱所灼而益加

疼墜惟石膏與人參並用能升舉下陷之溫邪使之徐徐上升外散而方中生山藥一

味在白虎湯中能代粳米以和胃在治痢藥中又能固攝下焦氣化協同芍藥白頭翁諸藥以潤肝滋腎從容以奏膚功也至於麥芽炒用之爲消食之品生用之不但消食實能舒發肝氣宣散肝火而痢病之後重可除也至後方加秦皮者取其性本苦寒力善收澀藉之以清熱補虛原爲痢病將愈最宜之品是以傷寒論白頭翁湯中亦藉之以清厥陰熱痢也

袁霖普君爲桓仁名孝廉雖在仕途多年而胸懷沖淡不改儒素本色拙著之書曾爲呈部註冊對於愚之醫學極爲推獎故方中如此重用寒涼而心中坦然不疑是以愚得放手速爲之治愈也若在他富貴之家爲開此等方則決不肯服矣

### 溫病兼下痢

天津河北玄緯路姚姓媪年六旬有二於孟秋得溫病兼下痢

因病孟秋天氣猶熱且自覺心中有火多食瓜果又喜當風乘涼遂致病溫兼下痢

候周身灼熱心中熱且渴連連呻吟不止一日夜下痢十二三次赤白參半後重腹疼飲食懶進惡心欲嘔其脈左部弦而兼硬右部似有力而重按不實數近六至延醫治療



近旬日病益加劇

斷膠

其左脈弦而兼硬者肝血虛而胆火盛也其右脈似有力而重按不實者因其下痢久而氣化已傷外感之熱又侵入陽明之腑也其數六至者緣外感之熱灼耗已久而其真陰大有虧損也證脈合參此乃邪實正虛之候擬用拙定通變白虎加人參湯及通

變白頭翁湯(兩方皆在二期三卷痢疾門)二方相併治之

方處

生石膏貳兩搗細

野臺參肆錢

生懷山藥壹兩

生杭芍壹兩

白頭翁肆錢

金銀花肆錢

秦皮貳錢

生地貳錢

甘草貳錢

廣三七貳錢

鴉胆子去皮揀成實者伍拾粒

共藥十一味先用白糖水送服三七鴉胆子各一半再將餘藥煎

湯兩鍾分兩次溫服下至煎渣再服時亦先服所餘之三七鴉胆子

診復

將藥煎服日進一劑服兩日表裏之熱皆退痢變為瀉仍稍帶痢瀉時仍覺腹疼後重而較前輕減其脈象已近平和此宜以大劑溫補止其泄瀉再少輔以治痢之品

方處

生懷山藥壹兩

炒懷山藥壹兩

龍眼肉壹兩

大雲苓片叁錢

生杭芍叁錢

金銀花叁錢

甘草

草貳錢共煎湯一大鍾溫服

效將藥煎服兩劑痢已淨盡而瀉未全愈遂即原方去金銀花芍藥加白朮三錢服兩劑其瀉亦愈

暑溫兼泄瀉

天津估衣街西頭萬全堂藥局侯姓學徒年十三歲得暑溫兼泄瀉

因病季夏天氣暑熱出門送藥受暑表裏俱覺發熱兼頭目眩暈服藥失宜又兼患泄瀉

候每日泄瀉十餘次已逾兩旬而心中仍覺發熱懶食周身痿軟無力時或怔忡小便赤

澀發熱其脈左部微弱右部重按頗實搏近六至

斷此暑熱鬱於陽明之腑是以發熱懶食而肝腎氣化不舒是以小便不利致大便泄瀉

也當清瀉胃腑調補肝腎病當自愈

方處 生懷山藥兩半 滑 石壹兩 生杭芍陸錢 淨萸肉肆錢 生麥芽叁錢

甘 草叁錢 共煎湯一大鍾溫服

復服藥一劑瀉即止小便通暢惟心中猶覺發熱又間有怔忡之時遂即原方略為加減

俾再服之

方處 生懷山藥壹兩

生懷地黃壹兩

淨黃肉捌錢

生杭芍陸錢

生麥芽貳錢

甘草貳錢共煎湯一大鍾溫服

果效 將藥連服兩劑其病霍然全愈

明說 初次所用之方卽拙擬之滋陰清燥湯（在三期五卷）加山黃肉生麥芽也從來寒

溫之熱傳入陽明其上焦躁熱下焦滑瀉者最爲難治因欲治其上焦之燥熱則有礙下焦之滑瀉欲補其下焦之滑瀉則有礙上焦之燥熱是以醫者對之恆至束手然此等證若不急爲治愈則下焦滑瀉愈久上焦燥熱必愈甚是以本屬可治之證因稍爲遲延竟至不可救者多矣惟拙擬之滋陰清燥湯山藥與滑石並用一補大便一利小便而山藥多液滑石性涼又善清上焦之燥熱更輔以甘草芍藥以復其陰（仲景謂作甘草芍藥湯以復其陰）陰復自能勝燥熱而芍藥又善利小便甘草亦善調大便秘集四味爲方凡遇證之上焦燥熱下焦滑瀉者莫不隨手奏效也間有陽明熱實服藥後滑瀉雖止而燥熱未盡清者不妨繼服白虎湯其熱實體虛者或服白虎加人參湯若慮其復作滑瀉可於方中仍加滑石三錢或更以生山藥代粳米煎取清湯一次

止飲一大口徐徐將藥服完其熱全消亦不至復作滑瀉愚用此法救人多矣滋陰清燥湯後附有治愈多案可參觀也至此方案中加黃肉生麥芽者因其肝脈弱而不舒故以黃肉補之以生麥芽調之所以遂其條達之性也至於第二方中爲瀉止小便已利故去滑石爲心中猶怔忡故將莢肉加重爲猶有餘熱未清故又加生地黃因其餘熱無多如此治法已可消除淨盡無須服白虎湯及白虎加人參湯也

### 溫病

孫雨亭武清縣人年三十三歲小學教員喜閱醫書尤喜閱拙著衷中參西錄於孟秋時得溫病在家治不愈遂來津求爲診治

因病未病之前心中常覺發熱繼因飯後有汗未暇休息陡有急事冒風出門致得溫病  
候既表裏俱覺壯熱嗜飲凉水食涼物舌苔白厚中心已黃大便乾燥小便短赤脈象洪長有力左右皆然一分鐘七十八至

斷診此因未病之先已有伏氣化熱或有暑氣之熱內伏略爲外感所激卽表裏陡發壯熱一兩日間陽明腑熱已實其脈之洪長有力是明徵也擬投以大劑白虎湯再少佐以

宣散之品

方處 生石膏肆兩 搗細

知母壹兩

鮮茅根陸錢

青連翹陸錢

甘草陸錢

粳米陸錢共煎湯三鍾分三次溫服下

診復 將藥分三次服完表裏之熱分毫未減脈象之洪長有力亦仍舊大便亦未通下此非

藥不對證乃藥輕病重藥不勝病也夫石膏之性本經原謂其微寒若遇陽明大熱之

證當放胆用之擬即原方去連翹加天花粉再將石膏加重

方處 生石膏陸兩 搗細

知母壹兩

天花粉壹兩

鮮茅根陸錢

甘草陸錢

粳米肆錢共煎湯三大鍾分三次溫服下

診三 將藥分三次服完下燥糞數枚其表裏之熱仍然不退脈象亦仍有力愚謂兩亭曰余

生平治寒溫實熱證若屢次治以大劑白虎湯而其熱不退者恆將方中石膏研極細

將餘藥煎湯送服即可奏效今此證正宜用此方兩亭亦以為然

方處 生石膏貳兩 極細

懷山藥貳兩

甘草陸錢

將山藥甘草煎湯一大碗分多次溫服

每次送服石膏末二錢許熱退勿須盡劑即其熱未盡退若其大便再通下一次者亦

宜將藥停服

果效

分六次將湯藥飲完將石末送服強半熱猶未退大便亦未通下又煎渣取湯兩鍾分數次送服石膏末甫完陡覺表裏熱勢大增時當夜深不便延醫兩亭自持其脈弦硬異常因常閱衷中參西錄知脈雖有力而無洪滑之致者用白虎湯時皆宜加人參遂急買高麗參五錢煮湯頓飲下其脈漸漸和緩熱亦漸退至黎明其病霍然全愈矣

明說

按傷寒定例凡用白虎湯若在汗吐下後及渴者皆宜加人參細詢此證之經過始知曾發大汗一次此次所服之藥雖非白虎湯原方實以山藥代粳米又以石膏如此服法其力甚大可以不用知母是其方亦白虎湯也若早加黨參數錢與山藥甘草同煎湯以送服石膏當即安然病愈乃因一時疏忽並未見及猶幸病者自知醫理以挽回於末路此雖白虎湯與人參前後分用之仍不啻同時並用之也

又按此證加人參於白虎湯中其益有三發汗之後人之正氣多虛人參大能補助正氣俾正氣壯旺自能運化藥力以勝邪其爲益一也又發汗易傷津液津液傷則人之陰分恆因之虧損人參與石膏並用能於邪熱熾盛之時滋津液以復真陰液滋陰復

則邪熱易退其爲益二也又用藥之法恆熱因涼用涼因熱用內經所謂伏其所因也此證用山藥甘草煎湯送服石膏之後病則純熱藥則純涼勢若冰炭不相容是以其熱益激發而暴動加人參之性溫者以爲之作引此卽涼因熱用之義爲涼藥中有熱藥引之以消熱而後熱不格拒轉與化合熱與涼藥化合則熱卽消矣此其爲益三也統此三益觀之可曉然於此病之所以愈益歎仲聖製方之妙卽約略用之亦可挽回至險之證也

溫病兼項後作疼

李芳岑督軍之太夫人年八旬有三於孟夏得溫病兼項後作疼

病因飯後頭面有汗忽隔窗紗透入涼風其汗遂閉因得斯證

候證項疼不能轉側並不能俯仰周身發灼熱心中亦熱思涼物脈象左部弦而長右部則

弦硬有力大便乾燥小便短少

斷診此因汗出腠理不閉風襲風池風府是以項疼因而成風溫也高年之脈大抵弦細因

其氣虛所以無甚起伏因其血液短少是以細而不濡至於弦硬而長有力是顯有溫

熱之現象也此當清其實熱而輔以補正兼解表之品

方處 生石膏壹兩 軋細

野臺參錢叁

生懷地黃兩

生懷山藥錢伍

玄

參錢叁

沙參錢叁

連翹錢貳

西藥阿斯必林壹瓦

先將阿斯必林用白糖水送下即

將中藥煎湯一大鍾至甫出汗時即將湯藥乘熱服下

果效 如法將藥服下周身得汗表裏之熱皆退項之疼大減而仍未脫然俾每日用阿斯必

林一瓦強(約三分)分三次用白糖水送下隔四點鍾服一次若初次服後微見汗者

後兩次宜少服如此兩日項疼全愈蓋阿斯必林不但能發汗去熱且能為熱性關節

疼痛之最妙藥也

### 溫病兼脇疼

李鏡波律師寓天津河北三馬路頤壽里年三十八歲於孟冬上旬得溫病

因病 其夫人於秋間病故子女皆幼處處須自經管傷心又兼勞心遂致暗生內熱薄受外

感遽成溫病

候歷 初得時即表裏俱熱醫者治以薄荷連翹菊花諸藥服後微見汗病稍見輕至再診時



病人自覺呼吸短氣此氣鬱不舒也醫者誤以為氣虛遂於清熱藥中加黨參以補其氣服後右脅下陡然作疼徹夜不能臥亦不能眠心中發熱舌苔白厚大便四日未行其左右脈皆弦右部尤弦而有方一點鐘八十二至

斷脈 凡脈象弦者主疼又主血液短少此證之右脇非常疼痛原為證脈相符而其傷心勞

心以致暗生內熱者其血液必然傷損此亦證脈相符也其右脈弦而有力者外感之熱已入陽明之腑也擬治以白虎湯而輔以開鬱滋陰之品

方處 生石膏貳兩 軋細 知母錢捌 玄參錢捌 天冬錢捌 川棟子伍錢 搗碎

生萊菔子伍錢 搗碎 連翹錢叁 甘草錢貳 梗米錢叁 共煎湯兩大鍾分兩

次溫服下

脈復 將藥服完熱退強半脇疼已愈三分之二脈象變為浮弦惟胸膈似覺鬱悶大便猶未

通下擬再治以寬胸清熱潤燥之劑為其脈浮有還表之象宜再少加透表之藥以引之外出其病當由汗而解

方處 糖瓜貳兩 切碎 生石膏壹兩 搗細 知母錢伍 玄參錢伍 連翹錢叁

川棟子搗碎 甘草 共煎湯兩鍾分二次溫服下其服完兩次之後遲一點

鍾再服西藥阿斯必林一瓦溫覆以取微汗

果效 如法將藥服完果周身皆得微汗病若失其大便亦通下矣

風溫兼喘促

遼寧小南關柴市旁赫姓幼子年五歲得風溫兼喘促證

因病 季春下旬在外邊嬉戲出汗受風遂成溫病醫治失宜七八日間又添喘促

候證 面紅身熱喘息極迫促痰聲漉漉目似不瞬脈象浮滑重按有力指有紫紋上透氣關

啓口視其舌苔白而潤問其二便言大便兩日未行小便微黃然甚通利

斷診 觀此證狀況已危至極點然脈象見滑雖主有痰亦足徵陰分充足且視其身體胖壯

知猶可治宜用金匱小龍加石膏湯再加杏仁川貝以利其肺氣

方處 麻黃壹錢 桂枝壹錢 生杭芍陸錢 清半夏貳錢 杏仁貳錢去皮搗碎

川貝母貳錢搗碎 五味子壹錢搗碎 乾薑陸分 細辛陸分 生石膏壹兩搗細

共煎湯一大鍾分兩次溫服下

**解方** 金匱小青龍加石膏湯原治肺脹欬而上氣煩躁而喘然其石膏之分量僅爲麻桂三分之二（金匱小青龍加石膏湯其石膏之分量原有差誤五期五卷曾詳論之）而此方中之生石膏則十倍於麻桂誠以其面紅身熱脈象有力若不如此重用石膏則麻桂薑辛之熱卽不能用矣又傷寒論小青龍湯加減之例喘者去麻黃加杏仁今加杏仁而不去麻黃者因重用生石膏以監制麻黃則麻黃卽可不去也

**復診** 將藥服盡一劑喘愈強半痰猶壅盛肌膚猶灼熱大便猶未通下脈象仍有力擬再治以清熱利痰之品

**處方** 生石膏貳兩 瓜瓠 仁貳兩 生赭 石壹兩 共煎湯兩鍾分二次徐徐溫飲下

**效** 將藥分三次服完火退痰消大便通下病遂全愈

**明說** 此案曾登於名醫驗案類編奉天誤作天津赫姓誤作郝姓何廉臣先生評此案云風溫犯肺脹喘促小兒尤多病最危險兒科專家往往稱爲馬脾風者此也此案斷定爲外寒束內熱仿金匱小青龍加石膏湯再加貝母開豁清泄接方用二石萸仁等清鎮滑降而痊先開後降步驟井然惟五歲小兒能受如此重量可見北方風氣剛強體質

苗實不比南方人之體質柔弱也。正惟能受重劑，故能奏速功。

觀何廉臣先生評語，雖亦推獎此案，而究嫌藥量過重，致有南北分別之設想。不知此案藥方之分量，若作一次服以治五歲孺子，誠爲過重。若分作三次服，則無論南北凡身體胖壯之孺子，皆可服也。試觀近今新出之醫書治產後溫病，有一劑用生石膏半斤者，矣。曾見於劉蔚楚君證治叢錄，劉君原廣東香山人也。治鼠疫病，亦有一劑用生石膏半斤者，矣。曾見於李健頤君鼠疫新篇，李君原福建平潭人也。若在北方治此等證，豈藥之分量可再加增乎？由此知醫者之治病用藥，不可定存南北之見也。且愚亦嘗南至漢皋，矣。曾在彼處臨證，處方未覺有異於北方。惟用發表之劑，則南方出汗較易，其分量自宜從輕。然此乃地氣寒暖之關係，非其身體強弱之關係也。卽如此一人之身，則冬時發汗與夏時發汗，其所用藥劑之輕重自迥殊也。

嘗細驗天地之氣化，恆數十年而一變。仲景當日原先著傷寒論，後著金匱約略，傷寒論小青龍湯原有五種加法，而獨無加石膏之例。因當時無當加石膏之病也。至著金匱時，則有小青龍加石膏湯矣。想其時已現有當加石膏之病也。憶愚弱冠時見醫者

治外感痰喘證但投以小青龍湯原方即可治愈後數年愚臨證遇有外感痰喘證但投以小青龍湯不效必加生石膏數錢方效又遲數年必加生石膏兩許或至二兩方效由斯知爲醫者當隨氣化之轉移而時時與之消息不可拘定成方而不知變通也

秋溫兼伏氣化熱

天津鼓樓東徐姓媪年五十九歲於中秋上旬得溫病兼有伏氣化熱

因病從前原居他處因遷居勞碌天氣燥熱有汗受風遂得斯病

候證晨起覺周身微發熱兼痿懶不舒過午陡覺表裏大熱且其熱寢增及晚四點鐘往視

時見其臥床閉目精神昏昏叫吟不止診其脈左部沈弦右部洪實數近六至問其未病之前曾有拂意之事乎其家人曰誠然其稟性褊急恆多憂思且又易動肝火欲觀其舌苔大聲呼數次始知啓口視其舌上似無苔而有腫脹之意問其大便言素恆乾燥

斷診其左脈沈弦者知其肝氣鬱滯不能條達是以呻吟不止此欲藉呻吟以舒其氣也其

右脈洪實者知此證必有伏氣化熱竄入陽明不然則外感之溫病半日之間何至若

斯之劇也此當用白虎湯以清陽明之熱而以調氣舒肝之藥佐之

方處 生石膏貳兩 搗細 知母錢捌 生萊菔子叁錢 搗碎 青連翹叁錢 甘草 草貳錢

粳米肆錢 共煎湯兩鍾分兩次溫服

解方 萊菔子為善化鬱氣之藥其性善升亦善降炒用之則降多於升生用之則升多於降

凡肝氣之鬱者宜升是以方中用生者至於連翹原具有透表之力而用於此方之中

不但取其能透表也其性又善舒肝凡肝氣之鬱而不舒者連翹皆能舒之也是則連

翹一味既可佐白虎以清溫熱更可輔萊菔以開肝氣之鬱滯

診復 將藥兩次服完周身得汗熱退十之七八精神驟然清爽左脈仍有弦象而不沈右脈

已無洪象而仍似有力至數之數亦減問其心中仍有覺熱之時且腹中知飢而懶於

進食此則再宜用涼潤滋陰之品清其餘熱

方處 玄參壹兩 沙參錢伍 生杭芍錢肆 生麥芽叁錢 鮮茅根肆錢

滑石叁錢 甘草 草貳錢 共煎湯一大鍾溫服 方中用滑石者欲其餘熱自小

便瀉出也

效 將藥連服兩劑大便通下其熱全消能進飲食脈象亦和平矣而至數仍有數象俾再  
用玄參兩半潞參三錢煎服數劑以善其後

明說 醫者論溫病之成多言由於伏氣化熱而推本於內經冬傷於寒春必溫病二語謂所

受之伏氣皆爲冬令所感之寒夫春日之溫病謂係冬日所感之寒化熱斯原近理至  
夏<sup>1</sup>日秋日皆有溫病若亦謂係冬日所感之寒化熱則非是蓋凡伏氣伏於三焦脂膜  
之中能阻塞人身氣化之流通其人恆不易得汗若能徧體出透汗其伏氣即可隨汗  
發出由斯而論人之春日或可不出汗至夏日則人有不出汗者乎至夏日屢次出汗  
縱有伏氣有不暗消者乎蓋人四時皆可受外感其受外感之輕者不能即發皆可伏  
於三焦脂膜之中而爲伏氣至於伏氣之化熱冷時則遲暖時則速若交夏令以後其  
化熱不過旬日間耳乃醫者多不悟此理仍執定舊說遂致來西醫之譏謂病菌之伏  
於人身其發皆有定期未有至一月者而况至數月乎此固因西醫之輕言多事然亦  
中醫自遣人以口實也

溫熱兼嘔吐

劉秀岩年三十二歲住天津城北金鋼橋西小學教員於季夏得溫熱病兼嘔吐不受飲食

因病 學校與住宅相隔甚近暑假放學至晚仍在校中宿臥一日因校中無人其衾褥被人

竊去追之不及因努力奔跑周身出汗乘涼歇息遂得斯病

歷候 心中煩熱周身時時汗出自第二日嘔吐不受飲食今已四日屢次服藥亦皆吐出卽

渴時飲水亦恆吐出舌苔白厚大便四日未行其脈左部弦硬右部弦長有力一息五至

斷診 其脈左部弦硬者肝胆之火熾盛也右部弦長者衝氣挾胃氣上衝也弦長而兼有力

者外感之熱已入陽明之腑也此證因被盜怒動肝氣肝火上衝並激動衝氣挾胃氣亦上衝而外感之熱又復熾盛於胃中以相助爲虐是以煩熱汗出不受飲食而吐藥吐水也此當投以清熱鎮逆之劑

方處 生石膏細末錢貳 生赭石細末錢陸 鏡面硃砂細末錢伍 和勻分作五包先送服一包

過兩點鐘再送服一包病愈卽停服不必盡劑 方用散劑不用湯劑者止嘔吐之藥



丸散優於湯劑也

果效服至兩包嘔吐已愈心中猶覺煩熱服至四包煩熱全愈大便亦通下矣

明說石膏爲石質之藥本重墜且又寒涼是以白虎湯中以石膏爲主而以甘草緩之以粳米和之欲其服後留戀於胃中不至速於下行故用石膏者忌再與重墜之藥並用恐其寒涼侵下焦也並不可與開破之藥同用因開破之藥力原下行也乃今因肝氣胆火相併上衝更激動衝氣挾胃氣上衝且更有外感之熱助之上衝因致臟腑之氣化有升無降是以飲食與藥至胃中皆不能存留此但恃石膏之寒涼重墜原不能勝任故特用赭石之最有力者以輔之此所以旋轉臟腑中之氣化而使之歸於常也設非遇此等證脈則石膏原不可與赭石並用也

溫病兼嘔吐

天津北門裏楊姓媪年過五旬於季春得溫病兼嘔吐

因病家庭勃谿激動肝胆之火繼因汗出受風遂得此證

表裏表裏壯熱嘔吐甚劇不能服藥少進飲食亦皆吐出舌苔白厚中心微黃大便三日未

行其脈左部弦長右部洪長重按皆實

斷診 此少陽陽明合病也爲其外感之熱已入陽明胃腑是以表裏俱壯熱而舌苔已黃爲

其激動之火積於少陽肝胆是以其火上衝頻作嘔吐治此證者欲其受藥不吐當變湯劑爲散且又分毫無藥味庶可奏效

方處 生石膏細末壹兩 鮮梨兩大 將梨去皮切片蘸石膏末細細嚼服

診復 將梨片與石膏末嚼服一強半未吐遲兩點鐘又將所餘者服完自此不復嘔吐可進

飲食大便通下一次診其脈猶有餘熱問其心中亦仍覺熱而較前則大輕減矣擬改用湯劑以清其未盡之熱

方處 生石膏壹兩 生杭芍捌錢 玄參叁錢 沙參叁錢 連翹貳錢

甘草貳錢 鮮白茅根叁錢 藥共七味先將前六味水煎十餘沸入鮮白茅根再煎

三四沸取湯一大鍾溫服

果效 將藥如法煎服一劑熱又減退若干脈象已近和平遂卽原方將石膏改用六錢芍藥

改用四錢又服一劑病遂全愈

問或石膏爲清陽明之主藥此證原陽明少陽均有實熱何以用石膏但清陽明之熱而病即可愈答曰凡藥服下原隨氣血流行無處不到石膏雖善清陽明之熱究之凡臟腑間蘊有實熱石膏皆能清之且凡嘔吐者皆氣上逆也石膏末服其石質之重墜大能折其上逆之氣使之下行又有梨片之甘涼開胃者以輔之所以奏效甚捷也若當秋夏之交無鮮梨時可以西瓜代之

溫病兼衄血便血

天津城西梁家嘴陳姓童子年十五歲在學校肄業於仲秋得溫病兼衄血便血

因病初因周身發熱出有斑點有似麻疹醫用涼藥清之斑點卽回連服涼藥數劑周身熱已退而心中時覺煩躁逾旬日因薄受外感其熱陡然反覆

候證表裏壯熱衄血兩次小便時或帶血嘔吐不受飲食服藥亦多吐出心中自覺爲熱所灼怔忡莫支其脈搖搖而動數逾五至左右皆有力而重按不實舌苔白而欲黃大便

三日未行

加本擬投以白虎加人參湯恐其服後作嘔遂用生石膏細末三兩生懷山藥一二兩共煎

湯一大碗俾徐徐溫飲下爲防其嘔吐一次止飲一大口限定四小時將藥服完

解方

凡嘔吐之證飲湯則吐服粥恆可不吐生山藥二兩煎取濃汁與粥無異且無藥味服後其黏滯之力自能留戀於胃中且其溫補之性又能固攝下焦以止便血培養心氣以治怔忡也而以治此溫而兼虛之證與石膏相伍爲方以石膏清其溫以山藥補其虛雖非白虎加人參湯而亦不啻白虎加人參湯矣

果效

翌日復診熱退十之七八心中亦不怔忡少進飲食亦不嘔吐衄血便血皆愈脈象力減至數仍數又俾用玄參二兩潞參連翹各五錢仍煎湯一大碗徐徐溫飲下盡劑而愈大便亦即通下蓋其大熱已退而脈仍數者以其有陰虛之熱也玄參潞參並用原善退陰虛作熱而猶恐其伏有疹毒故又加連翹以托之外出也

按此證若能服藥不吐投以大劑白虎加人參湯大熱退後其脈即可不數乃因其服藥嘔吐遂變通其方重用生山藥二兩與生石膏同煎服因山藥能健脾滋腎其補益之力雖不如人參實有近於人參處也至大熱退後脈象猶數遂重用玄參二兩以代石膏取其能滋真陰兼能清外感餘熱而又伍以潞參連翹各五錢潞參卽古之人參

此由白虎加人參之義化裁而出故虛熱易退而連翹又能助玄參涼潤之力外透肌膚則餘熱亦易清也

溫疹

天津南門西沈家臺楊姓幼子年四歲於季春發生溫疹

因春煖時氣流行比戶多有發生此病者因受傳染

原證 周身出疹甚秘且灼熱異常閉目昏昏時作譫語氣息迫促其唇乾裂紫黑上多凝血

脈象數而有力大便不實每日溇瀉兩三次

斷疹 凡上焦有熱之證最忌下焦滑瀉此證上焦之熱已極而其大便又復溇瀉欲清其熱

又恐其溇瀉益甚且在發疹更虞其因溇瀉毒內陷也是以治此證者當上清其熱下

止其瀉兼托疹毒外出證候雖險自能治愈

方處 生懷山藥兩壹 滑石兩壹 生石膏兩壹 生杭芍錢陸 甘草 草

連翹錢叁 蟬退錢半 共煎一大鍾分多次徐徐溫飲下

效 分七八次將藥服完翌日視之其熱大減諸病皆見愈惟不能穩睡心中似騷擾不安

其脈象仍似有力遂將方中滑石石膏皆減半煎湯送安宮牛黃丸半丸至煎渣再服時又送服半丸病遂全愈

溫疹兼喉痧

天津法租界瑞雲里沈姓學生年十六歲於仲春得溫疹兼喉痧證

因在體育場中遊戲努力過度周身出汗為風所襲遂得斯病

初病時微覺惡寒頭疼翌日即表裏俱壯熱咽喉悶疼延醫服藥病未見輕喉中疼悶

似加劇周身又復出疹遂延愚為診治其肌膚甚熱出疹甚密連無疹之處其肌膚亦紅誠西人所謂猩紅熱也其心中亦自覺熱甚其喉中扁桃處皆紅腫其左邊有如榆莢一塊發白自言不惟飲食疼痛難下咽即呼吸亦甚覺有得診其脈左右皆洪滑有力一分鐘九十八至愚為刺其少商出血復為針其合谷又為擬一清咽表疹瀉火之方俾服之

方處 生石膏貳兩 搗細

玄參錢陸

天花粉錢陸

射干錢叁

牛蒡子錢叁 搗碎

浙貝母錢叁

青連翹錢叁

鮮蘆根錢叁

甘草錢半

粳米錢叁

共煎湯兩大鍾分兩次溫服下

復診翌日過午復為診視其表裏之熱皆稍退脈象之洪滑亦稍減疹出又稍加多從前三

日未大便至此則通下一次再視其喉其紅腫似加增白處稍大病人自言此時飲水

必須努力始能下咽呼吸之滯礙似又加劇愚曰此為極危險之病非刺患處出血不

可遂用圭式小刀於喉左右紅腫之處各刺一長口放出紫血若干遽覺呼吸順利擬

再投以清熱消腫托表疹毒之劑

方處  
生石膏壹兩  
搗細

天花粉陸錢

赤芍叁錢

板藍根叁錢

牛蒡子叁錢  
搗細

生蒲黃叁錢

浙貝母叁錢

青連翹叁錢

鮮蘆根叁錢

共煎一大鍾半分兩

次溫服

解方按赤芍藥張隱菴陳修園皆疑是山中野草之根以其紋理甚粗與園中所植之芍藥

根迥異也然此物出於東三省愚親至其地見山坡多生此種芍藥開單瓣紅花其花

小於尋常芍藥花約三倍而其葉則確係芍藥無疑蓋南方亦有赤芍藥而其根仍白

莖則花赤其根亦赤是以善入血分以活血化癥也又浙貝治嗽不如川貝而以之治

瘡漸貝似勝於川貝以其味苦性涼能清熱解毒也

果效 將藥連服兩劑其病脫然全愈

明說 內經靈樞癰疽篇謂癰發隘中名曰猛疽不治化爲膿膿不瀉塞咽半日死此證咽喉

兩旁紅腫日增卽癰發隘中名爲猛疽者也其膿成不瀉則危在目前若其劇者必俟其化膿而後瀉之又恆有迫不及待之時是以此證因其紅腫已甚有得呼吸急刺之以出其紫血而紅腫遂愈此所謂防之於預也且化膿而後瀉之其瘡口恆至潰爛若未成膿而瀉其紫血所刺之口半日卽合矣

喉證原有內傷外感之殊其內傷者雖宜注重清熱亦宜少佐以宣散之品如白喉忌表訣微方中之用薄荷連翹是也由外感者雖忌用表散之品然宜表散以辛涼不宜表散以溫熱若薄荷連翹蟬退蘆根諸藥皆表散之佳品也

或有謂喉證若由於外感雖麻黃亦可用者然用麻黃必須重用生石膏佐之若傷寒論之麻杏甘石湯誠爲治外感喉證之佳方也特是其方原非治喉證之方是以方中石膏僅爲麻黃之兩倍若借以治外感喉證則石膏當十倍於麻黃若遇外感實火熾



盛者石膏尤宜多加方爲穩妥是以愚用此方以治外感喉證時麻黃不過用至一錢而生石膏恆用至兩餘或重用至二兩也然此猶論喉證之紅腫不甚劇者若至腫甚有碍呼吸不惟麻黃不可用卽薄荷亦不可用是以治此證方中止用連翹蘆根也以上所論者無論內傷外感皆咽喉證之屬熱者也而咽喉中之變證間有真寒假熱者又當另議治法五期四卷載有治此等咽喉證之驗案可參觀

溫病兼喉痧痰喘

馬心琢天津城裏鄉祠前皮局工人年二十八歲於季秋得溫病兼喉痧痰喘證

因病初因外出受風感冒甚微醫者用熱藥發之陡成溫病而喉病喘病遂同時發現

喉證表裏俱壯熱喘逆欬嗽時吐痰涎咽喉左邊紅腫作疼（卽西人所謂扁桃炎）

其外邊項左側亦腫脹呼吸皆有窒碍爲其病喉且兼喘逆則吸氣尤形困難必十分努力始能將氣吸入其舌苔白而薄中心微黃小便赤濇大便四日未行其脈左右皆弦長右部重診有力一分鐘九十六至

脈診此乃外感之熱已入陽明之腑而衝氣又挾胃氣肝火上衝也爲其外感之熱已入陽

明之腑是以右脈之力勝於左脈爲其衝氣挾胃氣肝火上衝是以左右脈皆弦長病現喘逆及咽喉腫疼其腫疼偏左者正當肝火上升之路也擬治以麻杏甘石湯兼加鎮衝降胃納氣利痰之品以輔之又宜兼用針刺放血以救目前之急

方處

- 麻黃壹錢
- 生石膏貳兩
- 生赭石壹兩
- 生懷山藥捌錢
- 杏仁叁錢去

連翹叁錢 牛蒡子叁錢 射干貳錢 甘草壹錢 共煎湯兩鍾分兩次

溫服

又於未服藥之前用三稜針刺其兩手少商出血用有尖小刀刺其咽喉腫處開兩小口令其出血且用礪砂西藥鹽酸加里融以三十倍之水俾其含漱又於兩手合谷處爲之行針其咽喉腫處驟然輕減然後服藥

診復

將藥服後其喘頓愈強半呼吸似無妨礙表裏之熱亦愈強半脈象亦較前平和其右部仍然有力胸膈似覺鬱悶有時覺氣上衝仍然欬嗽大便猶未通下擬再治以開鬱

降氣清熱理嗽之劑

方處

- 糖瓜貳兩
- 生石膏壹兩
- 生赭石伍錢
- 生杭芍叁錢
- 川貝母錢叁

碎竹茹

錢叁

牛蒡子

錢肆

共煎湯一大鍾溫服

**果效** 將藥煎服一劑大便通下諸病皆愈惟一日之間猶偶有欬嗽之時俾用川貝母細末和梨蒸食之以善其後

**明證**

凡用古人成方治病其藥味或可不動然必細審其各藥之分量或加或減俾與病機相宜如麻杏甘石湯原方石膏之分量僅爲麻黃之兩倍而此證所用麻杏甘石湯則石膏之分量二十倍於麻黃矣蓋傷寒論之麻杏甘石湯原非爲治喉證而設今藉之以治喉證原用麻黃以散風定喘又因此證之喉腫太甚有礙呼吸而方中猶用麻黃原爲行險之道故麻黃僅用一錢而又重用生石膏二兩以監制之且於臨服藥時先用刀開其患處用針刺其少商與合谷此所以於險中求穩也嘗聞友人楊達夫言有一名醫深於傷寒論自著有註解傷寒論之書行世偶患喉證自服麻杏甘石湯竟至不起使其用麻杏甘石湯時亦若愚所用者如此加減又何患喉證不愈乎縱使服藥不能卽愈又何至竟不起乎由此知非古人之方誤人麻杏甘石湯原爲發汗後及下後汗出而喘無大熱者之的方原未言及治喉證也而欲藉之以治喉證能勿將藥味

之分量爲之加減乎 嘗總覈傷寒論諸方用於今日大抵多稍偏於熱此非仲景之不善製方也自漢季至今上下相隔已一千六百餘年其天地之氣化人生之稟賦必有不同之處是以欲用古方皆宜細爲斟酌也

### 溫病兼喉疼

胡珍鑿道尹年五十四歲原籍雲南寓天津英租界於仲秋感受溫病兼喉疼證

因病 子孫繁多教養皆自經心又兼自理家中細務勞心過度暗生內熱且日飲牛乳兩次

作點心亦能助熱內熱上潮遂覺咽喉不利至仲秋感受風溫陡覺咽喉作疼

候證 表裏俱覺發熱咽喉疼妨礙飲食心中之熱時覺上衝則咽喉之疼卽因之益甚周

身痿懶無力大便乾燥脈象浮滑而長右關尤重按有力舌上白苔滿布

新診 此證脈象猶浮舌苔猶白蓋得病甫二日表證猶未罷也而右關重按有力且時覺有

熱上衝咽喉者是內傷外感相併而爲病也宜用重劑清其胃腑之熱而少佐以解表

之品表解裏清喉之疼痛當自愈矣

方處 生石膏

肆兩 搗細

西藥阿斯必林壹單將生石膏煎湯一大鍾乘熱將阿斯必林融化其

中服之因阿斯必林之原質存於楊柳及津液中實爲酸涼解肌之妙藥與大量之石膏並用服後須臾其內傷外感相併之熱自能化汗而解也

果效  
服後約半點鐘其上半身微似有汗而未能徧身透出遲一點鐘覺心中之熱不復上衝咽喉疼痛輕減時在下午一點鐘至晚間臨睡時仍照原方再服一劑周身皆得透汗安睡一夜翌晨諸病若失矣

胡珍簠君前清名進士爲愚民紀後初次來津之居停也平素博極羣書對於醫書亦恆喜披閱惟誤信舊說頗忌生用石膏經愚爲之解析則豁然頓悟是以一日之間共服生石膏八兩而不疑經此番治愈之後益信生石膏爲家常必需之品恆預軋細末數斤凡家人有心中覺熱者卽用兩許煑水飲之是以家中終歲鮮病者

溫病兼陰虛

高誠軒鄰村張馬村人年二十五歲業農於仲夏得溫病

因病  
因仲夏上旬麥秋將至遠出辦事又欲急回收麥長途趨行於烈日之中辛苦殊甚因得溫病其叔父魯軒與其表叔毛仙閣皆邑中名醫又皆善治溫病二人共治旬日無效

蓋因其勞力過甚體虛不能托病外出也

候證

愚診視時其兩目清白竟無所見兩手循衣摸床亂動不休讖語無倫分毫不省人事其大便從前滑瀉此時雖不滑瀉每日仍溏便一兩次脈象浮而無力右寸之浮尤甚兩尺按之卽無一分鐘數至一百二十至舌苔薄黃中心乾而微黑

斷診

診視甫畢魯軒與仙閣問曰視此病脈何如尙可救否答曰此證兩目清白無火而竟無所見者腎陰將竭也其兩手亂動不休者肝風已動也病勢至此危險已至極點幸喜脈浮爲病還太陽右寸浮尤甚又爲將汗之兆其所以將汗而不汗者人身之有汗如天地之有雨天地陰陽和而後雨人身亦陰陽和而後汗此證兩尺脈甚弱陽升而陰不應是以不能作汗當用大滋真陰之品濟陰以應其陽必能自汗汗出則病愈矣然此強發其汗也強發其汗則汗出必脫調劑陰陽以聽其自汗是以汗出必愈也魯軒曰余臨證二十年遇若此證者不知凡幾未嘗救愈一人今君英俊青年（時年二十六）遇此等極險之證慨然以爲可救若果救愈此子者當更名再生矣遂促急爲立方

方處熟懷地黃貳兩

生懷山藥壹兩

玄

參壹兩

大甘枸杞壹兩

甘

草壹錢

真阿膠肆錢藥共六味將前五味煎湯一大碗去渣入阿膠融化徐徐分數次溫飲下

效時當上午十點鐘將藥煎服至下午兩點鐘將藥服完形狀較前安靜再診其脈頗有

起色俾再用原方煎湯一大碗陸續服之至秉燭時徧身得透汗其病霍然愈矣 此

案曾載於名醫驗案類編編輯主任何廉臣先生對於此案似有疑意以爲誠如案中所述病况實爲不可挽救之證也故今將此案又登斯編並細載臨證時問答諸語以徵此案之事實且其詰嗣仙莊後從愚學醫今已行道津沽彰彰有聲其父偶與追述不往事猶不勝感激也

明說嘗實驗天地之氣化恆數十年而一變醫者臨證用藥卽宜隨氣化而轉移因病者所

得之病已先隨氣轉移也愚未習醫時見醫者治傷寒溫病皆喜用下藥見熱已傳裏其大便稍實者用承氣湯下之則愈如此者約二十年及愚習醫學時其如此治法者則恆多僨事而愚所閱之醫書又皆係趙氏醫貫景岳全書馮氏錦囊諸喜用熟地之書卽外感證亦多喜用之愚之治愈此證實得力於諸書之講究而此證之外又有重

用熟地治愈寒溫之壞證諸多驗案（三期六卷白虎加人參以山藥代粳米湯後載有數案可參觀）此乃用藥適與時會故用之有效也且自治愈此證之後仙閣魯軒二君深與愚相契亦仿用愚方而治愈若干外感之虛證而一變其從前之用藥矣後至愚年過四旬覺天地之氣化又變病者多係氣分不足或氣分下陷外感中亦多兼見此證卽用白虎湯時多宜加人參方效其初得外感應發表時亦恆爲加黃芪方效如是者又有年乃自民紀十稔以來病多亢陽宜用大劑涼潤之藥濟陰以配其陽其外感實熱之證多宜用大劑白虎湯更佐以涼潤之品且人臟腑之氣化多有升無降或腦部充血或夜眠不寐此皆氣化過升之故亦卽亢陽無制之故治之者宜鎮安其氣化潛藏其陽分再重用涼潤之藥輔之而病始可治此誠以天地之氣化又有轉移人所生之病卽隨之轉移而醫者之用藥自不得不隨之轉移也由此悟自古名醫所著之書多有所偏者非偏也其所逢之時氣化不同也愚爲濫竽醫界者已五十年故能舉生平之所經歷而細細陳之也

### 溫病兼喘脹



邑中牛留里王義源君之女年十五歲於仲春得溫病久不愈

因病 仲春上旬感受風溫醫者診治失宜遷延旬餘病益增劇醫者諉爲不治始延愚爲診  
視

候證 心下脹滿甚劇喘不能臥自言心中乾甚似難支持其舌苔白而微黃小便赤少大便  
從前滑瀉此時雖不滑瀉仍每日下行脈搏一息五至強左部弦而有力右部似大而  
有力然皆不任重按

斷證 此其溫病之熱本不甚劇因病久真陰虧損致小便利不利所飲之水停於腸胃則脹滿  
迫於心下則作喘其心中自覺乾甚固係溫病之熱未清亦足徵其真陰虧損陰精不  
能上奉也（內經謂陰精上奉其人壽）當滋其真陰利其小便真陰足則以水濟火而  
心中自然不乾小便利則水從下消而脹滿喘促自愈至於些些溫病之餘熱亦可皆  
隨小便瀉出而不治自愈矣

方處 鮮白茅根去淨皮及節間細根陸兩 剉碎 用水三大碗煎一沸俟半點鐘視其茅根若不沈  
水底再煎一沸至茅根皆沈水底其湯卽成去渣當茶徐徐溫飲之

果效如法煎飲茅根兩日其病霍然全愈蓋白茅根涼潤滋陰又善治肝腎有熱小便不利

且具有發表之性能透溫病之熱外出一藥而三善備故單用之而能立建奇功也然必剖取鮮者用之且復如此煎法（過煎則無效）方能有效

凡藥之性能利水者多不能滋陰能下降者多不能上升能清裏者多不能達表惟茅根既善滋陰又善利水既善引水氣下行又善助腎陰上升且內清臟腑之熱外托肌表之邪而尤善清肺利痰定其喘逆蓋凡物體之中空者皆象肺茅根不但中空其周圍耳上又有十二小孔是其中空象肺葉而其耳上之小孔又象肺葉上之通氣小管也因其形與肺肖是以此證之病兼喘者服之亦愈也

### 溫病兼虛熱

邑城東趙家莊劉氏女年十五歲於季春患溫病久不愈

因清因天氣漸熱猶勤紡織勞力之餘出外乘涼有汗被風遂成溫病

候證初得周身發熱原宜辛涼解肌醫者竟用熱藥發之汗未出而熱益甚心中亦熱而且渴此時若用大劑白虎加人參湯清之病亦可愈而又小心不敢用惟些些投以涼潤

小劑遷延二十餘日外感之熱似漸退然午前稍輕而午後則仍然灼熱且多日不能飲食形體異常清瘦左脈弦細無根右部關脈稍實一息六至舌苔薄而微黃毫無津液大便四五日一行頗乾燥

斷 次因病久耗陰虛生熱又兼外感之熱留滯於陽明之腑未盡消也當以清外感之熱為主而以滋補真陰之藥輔之

方 處 生石膏壹兩 搗細 野黨參錢叁 生懷地黃兩壹 生懷山藥兩壹 生杭芍肆錢

滑石錢壹 甘草錢壹 草錢壹 共煎湯一大鍾分兩次溫服下

復 將藥煎服兩劑外感之熱已退右關脈已平和惟過午猶微發熱此其陰分猶虛也當

再滋補其陰分

方 處 玄參兩壹 生懷山藥兩壹 甘草錢伍 生杭芍錢伍 滑石錢貳

熟地黃兩壹 生鷄內金壹錢黃色的搗 甘草錢貳 草錢貳 共煎一大鍾分兩次溫服

果效 日服藥一劑連服三日灼熱全愈

明說 按此方於大隊滋陰藥中猶少加滑石者恐外感之熱邪未盡引之自小便出也愚凡

治外感之熱兼有虛熱者恆生山藥與滑石並用瀉熱補虛一舉兩得至上有外感燥熱而下焦復滑瀉者用之以清熱止瀉（宜各用一兩）尤屢次奏效二藥相伍原有化合之妙用若再加芍藥甘草卽拙擬之滋陰清燥湯載於三期五卷後附載治愈之險證若干可參觀也

溫病兼吐血

滄州大西門外吳姓媪年過七旬偶得溫病兼患吐血

因病年歲雖高家庭事務仍自操勞因勞心過度心常發熱時當季春有汗受風遂得溫病

且兼吐血

候證三四日間表裏俱壯熱心中熱極之時恆吐血一兩口急飲新汲井泉水其血卽止舌

苔白厚欲黃大便三日未行脈象左部弦長右部洪長一息五至

斷診此證因家務勞心過度心肝先有蘊熱又兼外感之熱傳入陽明之腑兩熱相併逼血

妄行所以吐血然其脈象火熱雖盛而正猶不虛雖在老年知猶可治其治法當以清胃腑之熱爲主而兼清其心肝之熱俾內傷外感之熱俱清血自不吐矣

方處生石膏

卷兩 軋細

生懷地黃

壹兩 伍錢

生懷山藥

壹兩

生杭芍

壹兩

知

母卷錢

丁

草卷錢

烏犀角

壹錢 伍分

廣三七

貳錢 軋細

共藥九味將前六味煎湯三鍾犀角

另煎湯半鍾和勻分三次溫服下每服藥一次即送服三七末三分之一

果效將藥三次服完血止熱退脈亦平和大便猶未通下俾煎渣再服犀角亦煎渣取湯和

於湯藥中服之大便通下全愈

明說愚平素用白虎湯凡年過六旬者必加人參此證年過七旬而不加人參者以其證兼

吐血也為不用人參所以重用生山藥一兩取其既能代粳米和胃又可代人參稍補

益其正氣也

溫病兼衝氣上衝

鄭伯恕奉天裕盛銘印書局經理年五十二歲於季春得溫病兼衝氣自下上衝

因清其人素有痰飲偶有拂意之事肝火內動其衝氣即挾痰飲上湧連連嘔吐痰水季春

之時因受感冒成溫病溫熱內傳觸動衝氣又復上衝

候證表裏俱壯熱嗜飲凉水痰涎上泛屢屢欬吐呃逆噦氣連連不除兩脇作脹舌苔白厚

中心微黃大便三日未行其脈左部弦硬而長右部洪滑而長皆重按有力此溫病之熱已入陽明之腑又兼肝火挾衝氣上衝也是以其左脈弦硬爲肝火熾盛其弦硬而長卽爲衝脈上衝之現象也其右脈洪滑爲溫熱已入陽明胃腑其洪滑而長亦衝氣上衝之現象也因衝脈雖居於上而與陽明厥陰皆有連帶之關係也欲治此證當重用白虎湯以清陽明之熱而以瀉肝降衝理痰之品輔之

方處

生石膏委兩搗細

生赭石壹兩搗細

生龍骨捌錢搗碎

生牡蠣捌錢搗碎

白知母錢捌

生杭芍陸錢

清半夏叁錢

厚樸半錢

甘草貳錢

粳米肆錢

共煎湯三鍾分三次溫飲下

果效

將藥分三次服完熱退氣平痰涎亦減十之七八脈象亦近平和其大便猶未通下遂

卽原方將石膏龍骨牡蠣各減半再煎服一劑大便通下病全愈

方書用石膏未有與赭石並用者卽愚生平用石膏亦未嘗與赭石並用恐其寒涼之性與赭石之重墜者並用而直趨下焦也然遇有當用之病則病當之非人當之有如此證不重用石膏則陽明之大熱不除不重用赭石則上逆之衝氣莫制此所以並用

之而無防碍也設若此證但陽明熱實而無衝氣上逆服此藥後其大便當卽通下或更至於滑瀉而陽明胃腑之熱轉難盡消爲其兼有衝氣上逆故必俟服之第二劑大便始能通下此正所謂病當之非人當之之明徵也

龍骨牡蠣之性皆善鎮肝斂衝以之治痰原非所長而陳修園謂龍骨牡蠣同用能引逆上之火泛濫之水下歸其宅爲治痰之神品其所謂痰皆逆上之火泛濫之水所成卽此證之衝氣上衝痰飲上泛者是也是以方中龍骨牡蠣各重用八錢輔翼赭石以成降逆消痰之功而非可泛以之治痰也至於二藥必生用者非但取其生則性涼能清熱也傷寒論太陽篇用龍骨牡蠣者三方皆表證未罷後世解者謂龍骨牡蠣斂正氣而不斂邪氣是以仲師於表證未罷者亦用之然三方中之龍骨牡蠣下皆未註有煨字其生用可知雖其性斂正氣不斂邪氣若煨之則其性過澀亦必於外感有碍也且煨之則其氣輕浮不能沈重下達以鎮肝斂衝更可知矣

瘧疾門

瘧疾兼陰虛

吳元躋天津華新紡紗廠理事常州人年三十二歲於仲秋病瘧久不愈

因病廠中作工歌人不歇機器輪流恆有夜班暑熱之時徹夜不眠辛苦有火多食涼物入

### 秋遂發瘧疾

候證其瘧初發時寒熱皆劇服西藥金鷄納霜治愈旬日瘧復發如前又服金鷄納霜治愈

七八日瘧又發寒輕熱重服金鷄納霜不愈服中藥治瘧湯劑亦不愈遷延旬餘始求

為診治自言瘧作時發熱固重即不發瘧之日身亦覺熱其脈左右皆弦而無力數逾

五至知其陰分陽分俱虛而陰分之虛尤甚也此當培養其氣血而以治瘧之藥輔之

方處  
玄 參壹兩 知 母陸錢 天 冬陸錢 潞 參叁錢 何 首 烏叁錢

炙 鱉 甲叁錢 常 山錢半 柴 胡半錢 茵 陳半錢 生 薑錢

大 棗叁個 此方於發瘧之前一夕煎服翌晨煎渣再服又於發瘧之前四點鐘送服

西藥鹽酸規尼涅(即金鷄納霜以鹽酸製者)半瓦

果效將藥如法服之一劑瘧即不發而有時身猶覺熱脈象猶數知其陰分猶虛也俾用玄

參生懷山藥各一兩生薑三片大棗三枚同煎服以服至身不發熱時停服



瘧疾兼脾脹

張寶華住天津特別一區年十九歲習英文學生於孟秋病瘧愈而屢次反覆

因病 其人性篤於學當海暑放假之時仍自補習功課勞心過度又復受熱過度兼又多食

瓜果以解其熱入秋遂發瘧疾

候 自孟秋中旬病瘧服西藥規尼涅治愈後旬日反覆又服規尼涅治愈後又反覆服規

尼涅無效以中藥治愈隔旬餘病又反覆服中西藥皆無效因來社求治於愚其脈洪滑而實右部尤甚自覺心中杜塞滿悶常覺有熱上攻其病瘧時則寒熱平均皆不甚劇其大便四日未行

斷診 此胃間積有熱痰又兼脾作脹也方書謂久瘧在肋下結有硬塊名瘧母其塊不消瘧

卽不愈而西人實驗所結之塊確係脾臟脹大此證之自覺滿悶卽脾臟脹大也又方書謂無痰不作瘧是以治瘧之方多用半夏常山以理其痰此證之自覺滿悶且杜塞又時有熱上攻實爲熱痰充塞於胃脘也治之者宜消其脾之脹大清其胃之熱痰兼以治瘧之品輔之且更因其大便不通驅逐脾之病下行自大便瀉出其病瘧之根

祇可除矣

方處 川大黃錢肆

生鷄內金錢黃 色的搗

清半 夏錢叁

常

山錢半 酒炒

柴

胡錢半

茵 陳錢半

甘 草錢半

淨芒消錢半

共藥八味將前七味煎湯一鍾冲芒硝服之 其瘡每日一發在下午七點鐘宜於午前早將藥服下至午後兩三點鐘時再服西藥鹽酸規尼涅(即金鷄納霜經鹽酸製者)半瓦

服西藥鹽酸規尼涅(即金鷄納霜經鹽酸製者)半瓦

果效 前午十點鐘將藥服下至午後一點時下大便兩次其心中已不覺悶熱杜寒遲至兩點將西藥服下其日瘡遂不發俾再用生懷山藥一兩熟萊龍子二錢生鷄內金錢半煎湯日服一劑連服數日以善其後

煎湯日服一劑連服數日以善其後

瘡疾兼暑熱

天津鼓樓東徐姓媪年近五旬於季夏得瘡疾

因病 勤儉持家中饋事多躬操且宅旁設有麵粉莊其飯亦由家出勞而兼暑遂至病瘡

候歷 其病間日一發先冷後熱其冷甚輕其熱甚劇惡心懶食心中時常發熱思食涼物其脈左部弦硬右部洪實大便乾燥小便赤澀屢次服藥無效

脈左部弦硬右部洪實大便乾燥小便赤澀屢次服藥無效

斷此乃肝胆伏有瘧邪胃腑鬱有暑熱暑熱瘧邪相併而爲寒熱往來放寒少熱多此方

書所謂陽明熱瘧也宜祛其肝胆之邪兼清其胃腑之熱

方處生石膏壹兩  
研細均分作三包其未發瘧之日頭午用柴胡二錢煎湯送服一包隔半日

許再用開水送服一包至次日前發瘧五小時再用生薑三錢煎湯送服一包

果效將藥按期服完瘧疾卽愈心中發熱懶食亦愈蓋石膏善清胃熱兼能清肝胆之熱初

次用柴胡煎湯送服者所以和解少陽之邪也至三次用生薑煎湯送服者防其瘧疾將發與太陽相併而生寒也

瘧痢兼證

劉星垣天津津浦路機械廠中工師年三十二歲於季秋患瘧又兼下痢

因病因軍事繁多需車孔亟機械輪壞處須得急速收拾忙時恆徹夜不眠勞苦過甚遂至下

痢繼又病瘧

候症其痢赤白參半一晝夜十餘次下墜腹痛其瘧間日一發寒輕熱重其脈左右皆有弦

象而左關獨弦而有力

斷此證之脈左右皆弦者病瘧之脈大抵如此其左關獨弦而有力者其病根在肝胆也  
 爲肝胆有外受之邪是以脈現弦象而病瘧爲其所受之邪爲外感之熱邪是以左關  
 脈象弦而有力其熱下迫腸中而下痢擬清肝胆之熱散其外感之邪則瘧痢庶可同  
 愈

方鹿 生杭芍壹兩

山查片叁錢

茵 陳貳錢

生麥芽貳錢

柴 胡半錢

常 山錢半 酒炒

草 果錢半 搗碎

黃 芩半錢

甘 草貳錢

生 薑片

煎湯一大鍾於不發瘧之日晚間服之翌晨煎渣再服一次  
 將藥如法服後瘧痢皆愈又爲開生懷山藥一兩生杭芍三錢黃色生鷄內金一錢俾  
 日煎服一劑以滋陰培氣化瘀連服數日以善其後

霍亂門

霍亂兼轉筋

王格言鹽山人年三十八歲在天津南開開義聚成鐵工廠於季冬得霍亂證

因廠中臘底事務煩雜勞心過度暗生內熱又兼因怒激動肝火怒猶未歇遽就寢睡至

二點鐘時覺心中擾亂腹中作疼移時則吐瀉交作遂成霍亂

候心中發熱而渴惡心忤忡飲水須臾即吐腹中時疼時止疼劇時則下瀉瀉時異常覺熱偶有小便熱亦如斯有時兩腿筋轉然不甚劇其脈象無力却無閉寒之象

斷診霍亂之證恆有脈象無火而其實際轉大熱者即或脈閉身冷顯露寒涼之象亦不可

遽以涼斷此證脈象不見有熱而心中熱而且渴二便尤甚覺熱其為內蘊實熱無疑至其脈不見有熱象者以心臟因受毒麻痺而機關之啓閉無力也擬用大劑寒涼清其內熱而輔以解毒消菌之品

方處

生石膏委兩  
搗細

生杭芍捌錢

清半夏伍錢  
溫水  
淘三次

生懷山藥伍錢

嫩竹茹叁錢  
碎的

甘草貳錢

甘草叁錢

共煎湯三鍾分三次溫服下每次送服衛生防疫寶丹

五十粒 方載後方中甘草亦名甘松香即西藥中之繸草也綱目謂馬氏開寶本草載其主惡氣卒心腹痛滿西人謂其善治轉筋是以為治霍亂要藥且其性善薰勞瘵誠有解毒除菌之力也

復將藥分兩次服完吐瀉腹痛轉筋諸證皆愈惟心中猶覺熱作渴二便仍覺發熱診其

脈較前有力顯呈有火之象蓋其心臟至此已不麻痺啓閉之機關靈活是以脈象變更也其猶覺熱與渴者因係餘火未清而吐瀉之甚者最足傷陰陰分傷損最易生熱且善作渴此不可但治以瀉火之涼藥也擬兼投以大滋真陰之品

方處

生懷山藥兩壹

大甘枸杞兩壹

北沙參兩壹

離中

丹伍

藥共四味將前三味

煎湯一大鍾送服離中丹一半遲四點鐘再將藥渣煎湯一鍾送服其餘一半 離中丹載虛勞喘嗽門葉案中

果效

將藥分三次服完熱退渴止病遂全愈

明說

霍亂之證原陰陽俱有然愚五十年經驗以來知此證屬陽而宜治以涼藥者十居其八此證屬陰而宜治以熱藥者十居其一此證屬半陰半陽當涼熱之藥並用以調劑其陰陽者又十居其一而後世論者恆以傷寒論所載之霍亂爲真霍亂至於以涼藥治愈之霍亂皆係假霍亂不治傷寒論對於霍亂之治法亦非專用熱藥也有如其篇第七節云霍亂頭痛發熱身疼痛熱多欲飲水者五苓散主之寒多不用水者理中丸主之夫既明言熱多寒多是顯有寒熱可分也雖所用之五苓散中亦有桂枝而分量

獨輕至澤瀉茯苓猪苓其性皆微涼其方原不可以熱論也且用顯微鏡審察此病之菌係彎曲桿形是以此證無論涼熱惟審察其傳染之毒菌現彎曲桿形即爲霍亂無疑也至欲細審此病之涼熱百不失一當參觀三期七卷霍亂門及五期六卷論霍亂治法篇自能臨證無誤

衛生防疫寶丹方 粉甘草細末（拾兩）細辛細末（兩半）香白芷細末（壹兩）薄荷冰細末（叁錢）樟腦所升冰片細末（貳錢）鏡面硃砂（叁兩）將前五味共和泛水爲丸如薏米粒大晾乾（忌晒）硃砂研細爲衣勿令餘剩瓶貯密封以治霍亂宜服八十粒不效遲兩三點鐘可再服八十粒無論霍亂涼熱服之皆宜

霍亂吐瀉

天津榮業大街李姓媪年過六旬於仲夏得霍亂證

因病 天氣炎熱有事出門道途受暑歸家又復自炊多受炭氣遂病霍亂

候症 惡心嘔吐腹疼泄瀉得病不過十小時吐瀉已十餘次矣其手足皆涼手涼至肘足涼至膝心中則甚覺發熱其脈沈細欲無不足四至

斷此霍亂之毒菌隨溽暑之熱傳入臟腑也其心臟受毒菌之麻痺跳動之機關將停是以脈沈細且遲其血脈之流通無力不能達於四肢是以手足皆涼其毒菌侵入腸胃俾腸胃之氣化失和兼以臟腑之正氣與侵入之邪氣互相格拒是以惡心腹疼吐瀉交作其心中發熱者固係夾雜暑氣而霍亂之屬陽者即不夾雜暑氣亦恆令人心發熱也此宜治以解毒清熱之劑

方處

衛生防疫寶丹

百陸拾粒

離中丹

錢肆

益元散

錢肆

先將衛生防疫寶丹分三次用開

水送服約半點多鐘服一次服完三次其惡心腹疼當愈嘔吐泄瀉亦當隨愈愈後若仍覺心中熱者再將後二味藥和勻亦分三次用開水送服每一點鐘服一次熱退者不必盡服 離中丹見前

果效

將衛生防疫寶丹分三次服完果惡心嘔吐腹疼泄瀉皆愈而心中之熱未見輕減繼將離中丹益元散和勻分三次服完其熱遂消病全愈

霍亂脫證

遼寧小南關寇姓媪年過六旬得霍亂脫證



因病 孟秋下旬偶染霍亂經醫數人調治兩日病勢垂危醫者辭不治其家人來院懇求往

為診治

候既 其證從前吐瀉交作至此吐瀉全無奄奄一息昏昏似睡肢體甚涼六脈全無詢之猶

略能言語惟覺心中發熱難受

斷診 此證雖身涼脈閉而心中自覺發熱仍當以熱論其所以身涼脈閉者因霍亂之毒菌

竄入心臟致心臟行血之機關將停血脈不達於周身所以內雖蘊熱而仍身涼脈閉

也此當用藥消其毒菌清其內熱並以助心房之跳動雖危險仍可挽回

方處 鏡面硃砂半錢 粉甘草細麵壹錢 冰壹片 薄荷冰貳分 共研細末分作三次

服病急者四十分鐘服一次病緩者一點鐘服一次開水送下

診再 將藥末分三次服完心熱與難受皆愈強半而脈猶不出身仍發涼知其年過化甲吐

瀉兩日未進飲食其氣血衰憊已極所以不能鼓脈外出以溫煖於周身

方處 野 臺 參壹兩 生懷地黃壹兩 生懷山藥壹兩 淨 黃 肉捌錢 甘 草叁錢

共煎湯兩大鍾分兩次溫服下

解方

方中之義用野參以回陽生懷地黃以滋陰黃肉以斂肝氣之脫（此證吐瀉之始肝木助邪侮土至吐瀉之極而肝氣轉先脫）炙甘草以和中氣之瀉至於生山藥其味甘性溫可助臺參回陽其汁漿稠潤又可助地黃滋陰且此證胃中毫無穀氣又可藉之以培養脾胃俾脾胃運化諸藥有力也

果效

將藥兩次服完脈出周身亦熱惟自覺心中餘火未清知其陰分猶虧不能潛陽也又用玄參沙參生山藥各六錢煎湯服下病遂全愈

明說

此證初次所服之藥末原名急救回生丹載在三期七卷霍亂門因民紀八稔孟秋霍亂盛行時在遼寧立達醫院擬得此方登報廣告凡用此方者皆愈時桓仁友人袁霖普爲河北故城縣尹用此方施藥二百六十劑卽救愈二百六十人復將此方徧寄河北山東各縣署又呈明省長登於北洋公報次年河北南半省又有霍亂證復爲寄去衛生防疫寶丹（見前王案中）袁君按方施藥六大料救愈千人又將其方傳徧各處呈明省長及警務處長登之北洋公報袁君可爲好行其德者矣大抵前方治霍亂陽證最宜後方則無論陰證陽證及陰陽參半之證用之皆效

霍亂暴脫證

邑北境故縣劉氏婦年近四旬得霍亂暴脫證

因病受妊五六個月時當壬寅秋令霍亂盛行因受傳染吐瀉一晝夜病似稍愈而胎忽滑

下自覺精神頓散心搖搖似不能支持時愚在其鄰村訓蒙遂急延爲診視

候歷迨愚至欲爲診視則病勢大革殮服已備着於身將昇諸床病家辭以不必入視愚曰

此係暴脫之證一息尙存即可挽回遂入視之氣息若有若無大聲呼之亦不知應服

象模糊如水上浮麻莫辨至數

斷診此證若係陳病狀況至此定難挽回惟因霍亂吐瀉已極又復流產則氣血暴脫故仍

可用藥挽救夫暴脫之證其所脫者元氣也凡元氣之上脫必由於肝（所以人之將

脫者肝風先動）當用酸斂之品直趨肝臟以收斂之即所以杜塞元氣上脫之路再

用補助氣分之藥輔之雖病勢垂危至於極點亦可挽回性命於呼吸之間

方處淨杭黃肉兩貳

野黨參兩壹

生懷山藥兩壹共煎湯一大鍾溫服

方雖開就而藥房相隔數里取藥迫不及待幸其比鄰劉翁玉珍是愚表兄有愚所開

藥方取藥二劑未服中有黃肉共六錢遂急取來暴火煎湯灌之

果效 將藥徐徐灌下須臾氣息稍大呼之能應又急煎渣灌下較前尤明瞭問其心中何如

言甚難受其音惟在喉間細聽可辨須臾藥已取到急煎湯兩茶杯此時已自能服藥俾分三次溫服下精神頓復可自動轉繼用生山藥細末八錢許煮作茶湯調以白糖令其適口當點心服之日兩次如此將養五六日以善其後

明說 按人之氣海有二一爲先天之氣海一爲後天之氣海內經論四海之名以膻中（卽

膈上）爲氣海所藏者大氣卽宗氣也養生家及針灸家皆以膻下爲氣海所藏者元

氣卽養生家所謂祖氣也此氣海之形狀若倒提鷄冠花形純係脂膜結成而中空（

剖解豬腹者名之爲鷄冠油）肝臟下垂之脂膜與之相連是以元氣之上行原由肝

而敷布而元氣之上脫亦卽由肝而疏泄也（內經謂肝主疏泄）惟重用黃肉以酸

斂防其疏泄藉以杜塞元氣上脫之路而元氣卽可不脫矣所最足明徵者若初次卽

服所開之方以治愈此證鮮不謂人參之功居多乃因取藥不及遂單服黃肉且所服

者止六錢卽能建此奇功由此知黃肉救脫之力實遠勝人參蓋人參以救元氣之下

脫猶足恃而以救元氣之上脫若單用之轉有氣高不返之弊（說見俞氏寓意草）以其性溫而兼升也至黃肉則無論上脫下脫用之皆效蓋元氣之上脫由於肝其下脫亦由於肝誠以肝能爲腎行氣（內經謂肝行腎之氣）卽能瀉元氣自下出也爲其下脫亦由於肝故亦可重用黃肉治之也

或問同爲元氣之脫何以辨其上脫下脫答曰上脫與下脫其外現之證可據以辨別者甚多今但卽脈以論如此證脈若水上浮麻此上脫之徵也若係下脫其脈卽沈細欲無矣且元氣上脫下脫之外又有所謂外脫者周身汗出不止者是也黃肉最善斂汗是以黃肉亦能治之三期一卷來復湯後載有治驗之案數則可參觀也

婦女科

懷妊受溫病

長安縣尹何麟臬君夫人年三十二歲受妊五月於孟秋感受溫病

病因懷妊畏熱夜眠當窗未上窗幔自窗紗透風感冒成溫

病候初病時調治失宜溫熱傳裏陽明腑實延醫數人皆言病原當用大涼之藥因懷妊實

不敢輕用繼延愚爲診視見其面紅氣粗舌苔白厚中心已黃大便乾燥小便短赤診其脈左右皆洪滑而實一息五至強

斷診

據此證狀脈象觀之不但陽明胃腑之熱甚實即肝胆之熱亦甚盛想其未病之前必曾怒動肝火若不急清其熱勢將迫血妄行危險即在目前病家曰先生之言誠然今聽先生用藥不知可保無虞否答曰此當治以白虎加人參湯以白虎湯解其熱加入參以保其胎聽吾用藥可保萬全無虞病家聞此言深相信服遂爲疏方俾急服之

方處

生石膏錢拾

野黨參錢肆

生懷地黃錢壹

生懷山藥錢壹

生杭芍錢伍

甘草錢叁共煎湯三鍾分三次溫服下

解方

按此方雖非白虎加人參湯原方而實以生地黃代知母以生山藥代粳米而外加芍藥也蓋知母地黃同能滋陰退熱而知母性滑地黃則饒有補腎之力（八味丸中乾地黃卽藥房中之生地黃）粳米與山藥皆有濃汁能和胃而粳米之汁濃而不黏山藥之汁濃而且黏大有固腎之力如此通變原方自於胎妊大有益也外加芍藥者欲藉之以清肝胆之熱也

藥分三次服完翌日午前大便通下一次其熱已退十之七八脈象已非洪實仍然有力心中仍覺發熱擬再用涼潤滋陰之品清之

方處  
玄 參壹兩 生懷地黃壹兩 天花粉伍錢 生杭芍伍錢 鮮茅根肆錢

甘 草貳錢 共煎湯兩鍾分兩次溫服下

效 果 將藥煎服兩劑病遂霍然全愈

明 說 凡外感有熱之證皆右部之脈盛於左部之脈至陽明腑實之證尤必顯然於右部見之因胃腑之脈原候於右關也今此證為陽明腑實其右部之脈洪滑而實宜矣而左部之脈亦現此象是以知其未病之先肝中先有鬱熱繼為外感之熱所激則勃然發動而亦現洪滑而實之脈象也

受妊嘔吐

天津法租界王氏婦年二十六歲受妊後嘔吐不止

病 因 素有肝氣病偶有拂意激動肝氣恆作嘔吐至受妊後則嘔吐連連不止

候 證 受妊至四十日時每日必吐然猶可受飲食後則吐寢加重迨至兩月以後勺水不存

及愚診視時不能食者已數日矣困頓已極不能起床診其脈雖甚虛弱仍現滑象至數未改惟左關微浮稍似有力

斷參 惡阻嘔吐原妊婦之常茲因左關獨浮而有力知係肝氣胆火上衝是以嘔吐特甚有

謂惡阻嘔吐雖甚劇無得者此未有閱歷之言愚自行道以來耳聞目覩因此證債事者已有多人甚勿忽視此宜急治以鎮肝降胃之品不可因其受妊而不敢放胆用藥也

方處 生赭石兩半

潞黨參錢叁

生懷山藥兩壹

生懷地黃錢捌

生杭芍錢陸

大甘枸杞錢伍

淨黃肉錢肆

青黛錢叁

清半夏錢陸 藥共九味先將半夏

用溫水淘三次將馨味淘淨用作飯小鍋煮取清湯一鍾調以麵粉煮作茶湯和以白糖令其適口服下其吐可止再將餘藥八味煎湯一大鍾分三次溫服下

影復 將藥連服兩劑嘔吐即止精神氣力稍振可以起坐其脈左關之浮已去六部皆近和

平惟仍有惡心之時懶於飲食擬再治以開胃理肝滋陰清熱之劑

方處 生懷山藥兩壹

生杭芍錢伍

冬瓜仁肆錢

北沙參錢肆

碎竹茹錢叁



淨青黛錢貳

甘

草錢貳共煎湯一大鍾分兩次溫服下

果效將藥連服三劑病遂全愈體漸復原能起床矣

問誠褚石別錄稱其能墜胎原爲催生要藥今重用之以治惡阻嘔吐獨不慮其有墜胎之

弊乎答曰別錄謂其能墜胎者爲褚石之質重墜可墜已成形之胎也若胎至五六月時誠然忌之若在三月以前之胎雖名爲胎不過血脈一團凝聚耳此時惟忌用破血之品而褚石毫無破血之性且本經謂治赤沃漏下李氏綱目謂治婦人血崩則其性可知且其質雖重墜不過鎮降其肝胃上逆之氣使歸於平是重墜之力上逆之氣當之卽病當之非人當之也况又與潞參黃肉山藥諸補益之藥並用此所謂節制之師是以戰則必勝也

懷妊得溫病兼痰喘

天津北關西董紹軒街長之夫人年三十四歲懷妊感受溫病兼有痰作喘

因精受妊已逾八月心中常常發熱時當春季春喜在院中乘涼爲風襲遂成斯證

候症喘息有聲呼吸迫促異常晝夜不能少臥心中煩躁舌苔白厚欲黃左右寸脈皆洪實

異常兩尺則按之不實其數八至大便乾燥小便赤澀

所診 此證前因醫者欲治其喘屢次用麻黃發之致其元氣將脫又兼外感之熱已入陽明

其實熱與外感之氣相併上衝是以前脈上盛下虛喘逆若斯迫促脈七至即為絕脈今竟八至恐難挽回欲辭不治而病家再三懇求遂勉為擬方以清其熱止其喘挽救其氣化之將脫

方處 淨黃肉壹兩 生懷地黃壹兩 生龍骨壹兩 生牡蠣壹兩 將四味煎湯送服

復診 生石膏細末三錢遲五點鐘若熱猶不退煎渣再服仍送服生石膏細末三錢服藥頭煎次煎後喘愈強半遂罷臥眠迨至黎明胎忽滑下且係死胎再診其脈較前

更數一息九至然不若從前之洪實而尺脈則按之即無其喘似又稍劇其心中煩躁依舊且覺怔忡不能支持此乃肝腎陰分大虧不能維繫陽分而氣化欲渙散也當峻補肝腎之陰兼清外感未盡之餘熱

方處 生懷山藥陸兩 玄參兩 熟雞子黃陸兩 真西洋參貳錢 先將山藥煎十餘

沸再入玄參雞子黃煎湯一大碗分多次徐徐溫飲下每飲一次送服洋參末少許飲

完再煎渣取湯接續飲之洋參末亦分多次送服勿令餘剩

國產之參皆有熱性惟西洋參則補而不熱以治溫熱病氣分虛者甚宜然此參偽者極多其性甚熱誤用之足以僨事惟其皮色黃皮上皆係橫紋密而且細其質甚堅者方真若無真西洋參可權用潞黨參代之剪成小塊用藥湯送服

診三 翌日又爲診視其脈已減去三至爲六至尺脈按之有根知其病已回生問其心中已不怔忡惟其心中猶覺發熱此非外感之熱乃真陰未復之熱也當純用大滋真陰之品以復其陰

方處 玄 參叁兩 生懷山藥兩半 當 歸肆錢 真西洋參貳錢搗爲粗末 將前三味共煎湯

一大碗分多次溫飲下每飲一次送服洋參末少許

診四 煎方服一劑心中已不覺熱惟腹中作疼問其惡露所下甚少當係瘀血作疼治以化瘀血之品其疼當自愈

方處 生懷山藥壹兩 當 歸伍錢 懷 牛 膝伍錢 生鷄內金貳錢黃色的搗 桃 仁貳錢

紅 花半錢 真西洋參貳錢搗爲粗末 將前六味共煎湯一大鍾送服洋參末一半至煎渣

服時再送服餘一半

果救煎方日服一劑服兩日病遂全愈

問或他方用石膏皆與諸藥同煎此證何以獨將石膏爲未送服答曰石膏原爲石質重墜之品此證之喘息迫促呼吸惟在喉間分毫不能下達幾有將脫之勢石膏爲未服之欲藉其重墜之力以引氣下達也且石膏未服其退熱之力一錢可抵半兩此乃屢經自服以試驗之而確能知其如斯此證一日服石膏未至六錢大熱始退若用生石膏三兩同諸藥煎湯病家將不敢服此爲救人計不得不委曲以行其術也

問或產後忌用寒涼第三方用於流產之後方中玄參重用三兩獨不慮其過於苦寒乎答曰玄參細嚼之其味甘而微苦原甘涼滋陰之品實非苦寒之藥是以本經謂其微寒善治產乳餘疾故產後忌用涼藥而玄參則毫無所忌也且後世本草謂大便滑瀉者忌之因誤認其爲苦寒也而此證服過三兩玄參之後大便仍然乾燥則玄參之性可知矣

問或此證之胎已逾八月卽係流產其胎應活何以產下竟爲死胎答曰胎在腹中原由臍

呼吸實藉母之呼吸以爲呼吸是以凡受妊者其吸入之氣可由任脈以達於胎兒臍中此證因吸入之氣分毫不能下達則胎失所蔭所以不能資生也爲其不能資生所以下降此非因服藥而下降也

懷妊受溫病兼下痢

天津日租界橋街張氏婦年近三旬懷妊受溫病兼下痢

病因受妊已六個月心中恆覺發熱繼因其夫本爲顯宦時事變革驟爾賦閒遂致激動肝

火其熱益甚又薄爲外感所束遂致溫而兼痢

證候表裏俱壯熱無汗心中熱極思飲冰水其家人不敢予舌苔乾而黃頻飲水不濡潤腹

中常覺疼墜下痢赤多白少間雜以鮮血一晝夜十餘次其脈左部弦長右部洪滑皆

重診有力一息五至

診斷其脈左部弦長有力者肝胆之火熾盛也惟其肝胆之火熾盛下迫是以不但下痢赤

白且又兼下鮮血腹疼下墜爲其右脈洪滑有力知溫熱已入陽明之腑是以舌苔乾黃心爲熱迫思飲冰水所猶喜者脈象雖熱不至甚數且又流利無滯胎氣可保無恙

也宜治以白虎加入參湯以解溫病之熱而更重用芍藥以代方中知母則肝熱能清而痢亦可愈矣

方處 生石膏卷兩 大潞參伍錢 生杭芍壹兩 粳米伍錢 甘草壹錢

共煎湯三鍾分三次溫飲下

影復 將藥分三次服完表裏之熱已退強半痢愈十之七八腹中疼墜亦大輕減舌苔由黃

變白已有津液脈象仍然有力而較前則和緩矣遂即原方為之加減俾再服之

方處 生石膏貳兩 大潞參伍錢 生懷山藥捌錢 生杭芍陸錢 白頭翁肆錢

秦皮壹錢 甘草壹錢 草貳錢 共煎湯三鍾分三次溫飲下

解方 按此方即白虎加入參湯與白頭翁湯相併為一方也為方中有芍藥山藥是以白虎

加入參湯中可省去知母粳米為白虎加入參湯中之石膏可抵黃連黃柏是以白頭

翁湯中止用白頭翁秦皮合用之則一半治溫一半治痢安排周匝步武整齊當可奏

效

果效 將藥如法服兩劑病遂全愈

問 傷寒論用白虎湯之方定例汗吐下後加人參湯者加人參此案之證非當汗吐下後亦未言渴何以案中兩次用白虎皆加人參乎答曰此案證兼下痢下痢亦下之類也其舌苔乾黃毫無津液舌乾無液亦渴之類也且其溫病之熱不但入胃更隨下痢陷至下焦永無出路惟人參與石膏並用實能升舉其下陷之溫熱而清解消散之不至久留下焦以耗真陰况此證濕病與下痢相助爲虐實有累於胎氣幾至虛莫能支加人參於白虎湯中亦所以保其胎氣使無意外之虞也

產後下血

天津河東十字街東李氏婦年近四旬得產後下血證

因病 身形素弱臨盆時又勞碌過甚遂得斯證

候證 產後未見惡露純下鮮血屢次延醫服藥血終不止及愚診視已廿八日矣其精神衰憊身體羸弱周身時或發灼自覺心中怔忡莫支其下血劇時腰際疼甚呼吸常覺短氣其脈左部弦細右部沈濡一分鐘八十二至

斷診 卽此脈證細參當係血下陷氣亦下陷從前所服之藥但知治血不知治氣是以屢次

服藥無效此當培補其氣血而以收斂固澀之藥佐之

方處 生箭芪兩壹 當歸身兩壹 生懷地黃兩壹 淨莢肉兩捌 生龍骨兩捌

桑葉拾肆片 廣三七七卷錢細末 藥共七味將前六味煎湯一大鍾送服三七末一半至

煎渣再服時仍送服其餘一半

解方 此乃傳青主治老婦血崩之方愚又爲之加生地黃莢肉龍骨也其方不但善治老婦

血崩卽用以治少年者亦效初但用其原方後因治一壯年婦人患血崩甚劇投以原

方不效且服藥後心中覺熱遂卽原方爲加生地黃一兩則效從此愚再用其方時必

加生地黃一兩以濟黃芪之熱皆可隨手奏效今此方中又加莢肉龍骨者因其下血

既久下焦之氣化不能固攝加莢肉龍骨所以固攝下焦之氣化也

復診 服藥兩劑下血與短氣皆愈強半諸病亦皆見愈脈象亦有起色而起坐片時自覺筋

骨痿軟此仍宜治以培補氣血固攝下焦氣化兼壯筋骨之劑

方處 生箭芪兩壹 龍眼肉兩捌 生懷地黃兩壹 淨莢肉兩捌 胡桃肉兩伍

北沙參錢伍 升麻錢壹 鹿角膠錢壹 藥共八味將前七味煎湯一大鍾鹿角



膠另熬化兌服。方中州升麻者欲以助黃芪升補氣分使之上達兼以升提血分使不下陷也。

三將藥連服三劑呼吸已不短氣而血分則猶見少許然非鮮血而為從前未下之惡露此吉兆也若此惡露不下後必為恙且又必須下淨方妥此當兼用化瘀之藥以催之速下。

方處 生箭芪 兩壹 龍眼肉 錢捌 生懷地黃 錢捌 生懷山藥 錢陸 胡桃肉 錢伍

當歸 錢肆 北沙參 錢叁 鹿角膠 錢肆 廣三七 叁錢細末 藥共九味先將前六

味煎湯一大鍾鹿角膠另熬化二錢兌湯藥中送服三七末一半至煎渣再服時仍將所餘之鹿角膠熬化兌湯藥中送服所餘之三七末

解方 按此方欲用以化瘀血而不用桃仁紅花諸藥者恐有妨於從前之下血也且此方中

原有善化瘀血之品鹿角膠三七是也蓋鹿角之性原善化瘀生新熬之成膠其性仍在前此之惡露自下實多賴鹿角膠之力今又助之以三七亦化瘀血不傷新血之品連服數劑自不難將惡露盡化也

效 將藥連服五劑惡露下盡病遂全愈

產後手足抽掣

天津大夥巷于氏婦年過三旬於產後得四肢抽掣病

因抽產時所下惡露甚少至兩日又分毫惡露不見遲半日遂發抽掣

候心中發熱有時覺氣血上湧即昏然身軀後挺四肢抽掣其腹中有時作疼令人揉之

則少瘥其脈左部沈弦右部沈濇一息四至強

斷診此乃肝氣胆火挾敗血上衝以瘀塞經絡而其氣火相併上衝不已兼能妨碍神經是

以昏然後挺而四肢作抽掣也當降其敗血使之還為惡露瀉出其病自愈

方處 懷牛膝壹兩 生杭芍陸錢 丹參伍錢 玄參伍錢 蘇木叁錢

桃仁叁錢 去皮 紅花貳錢 土鱉虫伍大個 紅娘虫陸大個 即樗鷄 共煎湯一鍾溫服

效 此藥煎服兩劑敗血盡下病若失

產後癥瘕

邑城西韓家莊韓氏婦年三十六歲得產後癥瘕證

因病 生產時惡露所下甚少未嘗介意遲至半年遂成癥瘕

候症 初因惡露下少彌月之後漸覺少腹脹滿因係農家時當麥秋忙甚未暇延醫服藥又

遲月餘則脹而且疼始服便方數次皆無效後則疼處按之覺硬始延醫服藥診治月餘其疼似減輕而硬處轉見增大月信自產後未見診其脈左部沈弦右部沈澀一息

近五至

斷診 按生理正規產後兩月月信當見有孩吃乳至四月亦當見矣今則已半載月信未見

因其產後未下之惡露結癥瘕於衝任之間後生之血遂不能下為月信而盡附益於其上俾其日有增長是以積久而其硬處益大也是當以消癥瘕之藥消之又當與補益之藥並用使之消癥瘕而不至有傷氣化

方處 生箭芪伍錢 天花粉伍錢 生懷山藥伍錢 三稜叁錢 莪叁錢 朮叁錢

當歸叁錢 白朮貳錢 生鷄內金貳錢黃色的搗 桃仁貳錢去皮 知母貳錢

煎湯一大鍾溫服

復診 將藥連服六劑腹已不疼其硬處未消按之覺軟且從前食量減少至斯已復其舊其

脈亦較前舒暢遂即原方為之加減俾再服之

方處

生箭芪伍錢

天花粉伍錢

生懷山藥肆錢

三稜叁錢

莪朮叁錢

懷牛膝叁錢

野黨參叁錢

知母叁錢

生鷄內金貳錢黃色的批

生水蛭貳錢批碎

共煎一大鍾溫服

效果 將藥連服十五六劑（隨時略有加減）忽下紫黑血塊若干病遂全愈

說明 婦女癥瘕治愈者甚少非其病之果難治也金匱下瘀血湯原可為治婦女癥瘕之主

方特其藥性猛烈原非長服之方於癥瘕初結未堅硬者服此藥兩三次或可將病消除若至累月累年癥瘕結如鐵石必須久服方能奏效者下瘀血湯原不能用乃醫者亦知下瘀血湯不可治堅結之癥瘕遂改用桃仁紅花丹參赤芍諸平和之品見其癥瘕處作疼或更加香附延胡青皮木香諸理氣之品如此等藥用之以治堅結之癥瘕可決其雖服至百劑不能奏效然仗之奏效則不足傷人氣化則有餘若視為平和而連次服之十餘劑外人身之氣化即暗耗矣此所以治癥瘕者十中難愈二三也若拙

擬之方其三稜莪朮水蛭皆爲消癥瘕專藥卽鷄內金人皆用以消食而以消癥瘕亦甚有力更佐以參芪朮諸補益之品則消癥瘕諸藥不慮其因猛烈而傷人且又用花粉知母以調劑補藥之熱牛膝引藥下行以直達病所是以其方可久服無弊而堅結之癥瘕卽可徐徐消除也至於水蛭必生用者三期八卷理衝丸後論之最詳且其性並不猛烈過甚治此證者宜放胆用之以挽救人命

血閉成癥瘕

鄰莊李邊務劉氏婦年二十五歲經血不行結成癥瘕

因病處境不順心多抑鬱以致月信漸閉結成癥瘕

候時癥瘕初結時大如核桃屢治不消漸至經閉後則癥瘕寢長三年之後大如覆盂按之

甚硬漸至飲食減少寒熱往來欬嗽吐痰身體羸弱亦以爲無可醫治待時而已後忽聞愚善治此證求爲診視其脈左右皆弦細無力一息近六至

斷診此乃由經閉而積成癥瘕由癥瘕而寢成虛勞之證也此宜先注意治其虛勞而以消癥瘕之品輔之

方處 生懷山藥兩壹

大甘枸杞兩兩

生懷地黃伍錢

玄參肆錢

沙參肆錢

生箭芪叁錢

天冬叁錢

三稜伍錢

莪朮伍錢

生鷄內金錢半黃色的搗

共煎湯一大鍾溫服

解方 方中用三稜莪朮非但以之消癥瘕也誠以此證廉於飲食方中鷄內金固能消食而

三稜莪朮與黃芪並用實更有開胃健脾之功脾胃健壯不但善消飲食兼能運化藥力使病速愈也

診復 將藥連服六劑寒熱已愈飲食加多欬吐痰亦大輕減癥瘕雖未見消然從前時或

作疼今則不復疼矣其脈亦較前頗有起色擬再治以半補虛勞半消癥瘕之方

方處 生懷山藥兩壹

大甘枸杞兩兩

生懷地黃捌錢

生箭芪肆錢

沙參肆錢

生杭芍肆錢

天冬肆錢

三稜貳錢

莪朮貳錢

桃仁貳錢去皮

生鷄內金錢半黃色的搗共煎一大鍾溫服

診三 將藥連服六劑欬嗽吐痰皆愈身形已漸強壯脈象又較前有力至數復常至此虛勞

已愈無庸再治其癥瘕雖未見消而較前頗軟擬再專用藥消之

方處 生箭芪錢陸

天花粉錢伍

生懷山藥錢伍

三

稜錢叁

莪

朮錢叁

懷牛膝錢叁

潞黨參錢叁

知母錢叁

桃

仁錢貳 去皮

生鷄內金錢貳 色的搗黃

生水 蛭錢貳 批碎共煎湯一大鍾溫服

果效 將藥連服十二劑瘀血忽然降下若干紫黑成塊雜以脂膜癥瘕全消為其病積太久

恐未除根俾日用山查片兩許煮湯沖紅蔗糖當茶飲之以善其後

產後溫病

天津日租界浪花街李氏婦年二十七歲於中秋節後得溫病

因病 產後六日更衣入廁受風

候 自廁返後覺周身發冷更數小時冷已又復發熱自用生薑紅糖煎湯乘熱飲之周身

得汗稍愈至汗解而其熱如故遷延兩日熱益盛心中煩躁作渴急延愚為診視見其

滿面火色且微喘診其脈象洪實右部尤甚一分鐘九十二至舌苔滿布白而欲黃大

便自病後未行

斷診 此乃產後陰虛生內熱略為外感拘束而即成溫病也其心中煩躁而渴者因產後腎

陰虛損不能上達舌本且不能與心火相濟也其微喘者因腎虛不能納氣也其舌苔白而微黃者熱入陽明之腑也其脈洪實兼數者此陽明腑熱已實又有陰虛之象也宜治以白虎加人參湯更少爲變通之方於產後無碍

方處  
生石膏

參兩  
搗細

野臺參

錢肆

玄

參壹  
兩

生懷山藥

錢捌

甘

草壹  
錢

共煎湯三鍾分三次溫飲下

解方

按此方卽白虎加人參湯以玄參代知母生山藥代粳米也傷寒書中用白虎湯之定例汗吐下後加人參以其虛也渴者加人參以其津液不上潮也至產後則虛之尤虛且又作渴其宜加人參明矣至以玄參代知母者因玄參本經原謂其治產乳餘疾也以生山藥代粳米者因山藥之甘溫既能代粳米和胃而其所含多量之蛋白質更能補益產後者之腎虛也如此變通其方雖在產後用之可毫無妨碍况石膏本經原謂其微寒且明載其主產乳乎

診復

服藥一劑熱退強半渴喘皆愈脈象已近和平大便猶未通下宜大滋真陰以退其餘熱而復少加補氣之藥佐之誠以氣旺則血易生卽真陰易復也



方處 立 參貳兩 滿黨 參伍錢 共煎湯兩鍾分兩次溫飲下

果救 將藥煎服兩劑大便通下病遂全愈

流產後滿悶

天津法租界張氏婦年二十六歲流產之後胃脘滿悶不能進食

因病 孕已四月自覺胃口滿悶倩人以手爲之下推因用力下推至臍遂至流產

候醒 流產之後忽覺氣血上湧充寒胃口三日之間分毫不能進食動則作喘頭目眩暈心

中怔忡脈象微弱兩尺無根其夫張耀華曾受肺病吐膿血經愚治愈因相信復急延

爲診治

斷診 此證因流產後下焦暴虛腎氣不能固攝衝氣遂因之上衝夫衝脈原上隸陽明胃腑

其氣上衝胃氣卽不能下降（胃氣以息息下行爲順）是以胃中脹滿不能進食治

此等證者若用開破之藥開之脹滿去而其人或至於虛脫宜投以峻補之劑更用重

鎮之藥輔之以引之下行則上之鬱開而下焦之虛亦卽受此補劑之培養矣

方處 大潞參肆錢 生赭石壹兩 軋細 生懷山藥壹兩 熟懷地黃壹兩 軋細 立 參捌錢

淨黃肉錫

紫蘇子炒

生麥芽共煎湯一大鍾分兩次溫服下

解方按方中用生麥芽者非取其化食消脹也誠以人之肝氣宜升胃氣宜降凡用重劑降胃必須少用升肝之藥佐之以防其肝氣不舒麥芽生用原善舒肝况其性能補益胃中酸汁兼爲化食消脹之妙品乎

果將藥煎服一劑胃中豁然頓開能進飲食又連服兩劑喘與怔忡皆愈

月閉兼溫疹壓急

天津城裏丁家胡同楊氏女年十五歲先患月閉繼又染溫疹壓急

因自十四歲月信已通後因肝氣不舒致月信半載不至繼又感發溫疹初見點即壓

候初因月信久閉已發熱瘦弱懶於飲食恆倦臥終日不起繼受溫疹寒熱往來其寒時

覺體熱減輕至熱時較從前之熱增加數倍又加以疹初見點即壓其毒熱內攻心中煩躁怔忡劇時精神昏憤恆作讖語舌苔白而中心已黃毫無津液大便數日未行其脈覺寒時似近閉塞覺熱時又似洪大而重按不實一息五至強

斷此證因陰分虧損將成癆瘵又兼外感內侵病連少陽是以寒熱往來又加以疹毒之

熱不能外透而內攻是以煩躁怔忡神昏譫語此乃內傷外感兩劇之證也宜用大劑滋其真陰清其毒熱更佐以托疹透表之品當能奏效

方處 生石膏貳兩 野臺參錢伍 玄參兩壹 生懷山藥兩 大甘枸杞陸錢

知母肆錢 連翹叁錢 蟬退貳錢 茵陳貳錢 殭蠶半錢

鮮蘆根肆錢 共煎湯三鍾分三次溫飲下囑其服一劑熱不退時可即原方再服若服

至大便通下日微瀦時即宜停藥勿服

復診 將藥煎服兩劑大熱始退不復寒熱往來疹未表出而心已不煩躁怔忡知其毒由內

消當不變生他故大便通下一次亦未見瀦再診其脈已近和平惟至數仍數知其外感已愈十之八九而真陰猶未復也擬再滋補其真陰培養其血脈俾其真陰充足血脈調和月信自然通順而不愆期矣

方處 生懷山藥兩壹 大甘枸杞兩壹 玄參錢伍 地骨皮錢伍 龍眼肉錢伍

北沙參錢伍 生杭芍錢叁 生鷄內金錢半黃色的搗 甘草錢貳 共煎湯一大鍾溫服

三診 將藥連服四劑飲食增加精神較前振作自覺諸病皆無惟腹中間有疼時此月信欲

通而未能即通也再診其脈已和平四至矣知方中涼藥宜減再少加活血化痰之品

方處  
生懷山藥兩壹

大甘枸杞兩壹

龍眼肉錢陸

當

歸錢伍

玄

參錢壹

地骨皮錢叁

生杭芍錢叁

生鷄內金錢半黃色的搗

土鱉

虫伍個大者搗

甘

草錢半

生薑片叁共煎湯一大鍾溫服

果效 此藥連服十劑腹已不疼身形已漸胖壯惟月信仍未至俾停藥靜候旬日後月信遂

見因將原方略為加減再服數劑以善其後

問或 方書治溫疹之方未見有用參者開首之方原以治溫疹為急務即有內傷亦當從緩

治之而方中用野臺參者其義何居答曰傷寒論用白虎湯之例汗吐下後加人參以其虛也渴者加人參以其氣虛不能助津液上潮也今此證當久病內虧之餘不但其血分虛損其氣分亦必虛損若但知用白虎湯以清其熱不知加參以助之而熱轉不清且更有病轉加劇之時（觀四期人參後附載醫案可知）此證之用人參實欲其熱之速退也且此證疹歷之急亦氣分不足之故用參助石膏以清外感之熱即藉其力以托疹毒外出更可藉之以補從前之虛勞是此方中之用參誠為內傷外感兼顧之

要藥也

問或凡病見寒熱往來者多係病兼少陽是以治之者恆用柴胡以和解之今方中未用柴胡而寒熱往來亦愈何也答曰柴胡雖能和解少陽而其升提之力甚大此證根本已虛實不任柴胡之升提方中茵陳乃青蒿之嫩者經冬不枯飽沃霜雪至春得少陽最初之氣卽萌動發生是以其性涼而能散最能宣通少陽之鬱熱可爲柴胡之代用品實爲少陽病兼虛者無尙之妙藥也况又有蘆根亦少陽藥更可與之相助爲理乎此所以不用柴胡亦能愈其寒熱往來也

處女經閉

天津南開中學旁陳氏女年十七歲經通忽又半載不至

因精項側生有瘰癧服藥療治過於鹹寒致傷脾胃飲食減少遂至經閉

候歷午前微覺寒涼日加申時又復潮熱然不甚劇黎明時或微出汗欬嗽有痰夜間略甚

然仍無妨於安眠飲食消化不良較尋常減半心中恆覺發熱思食涼物大便乾燥三四日一行其脈左部弦而微硬右部脈亦近弦而重診無力一息搏逾五至

斷診 此因飲食減少生血不足以至經閉也其午前覺涼者其氣分亦有不足不能乘陽氣

上升之時而宣布也至其晚間之覺熱則顯為血虛之象至於心中發熱是因陰虛生內熱也其熱上升傷肺易生欬嗽胃中消化不良易生痰涎此所以欬嗽又多痰也其大便燥結者因脾胃傷損失傳送之力而血虛陰虧又不能潤其腸也其左脈弦而兼硬者心血虛損不能潤肝滋腎也其右脈弦而無力者肺之津液胃之酸汁皆虧又兼肺胃之氣分皆不足也擬治以資生通脈湯方(在二期八卷)復卽方略爲加減俾與證相宜

方處 白 朮壹錢

生懷山藥捌錢

大甘枸杞陸錢

龍眼肉伍錢

生懷地黃伍錢

玄 參肆錢

生杭芍肆錢

生赭石肆錢

當歸肆錢

桃仁貳錢

紅 花半錢

甘 草貳錢共煎湯一大鍾溫服

復診 將藥連服二十餘劑(隨時略有加減)飲食增多身形健壯諸病皆愈惟月信猶未通宜再注意通其月信

處方 生水 蛭壹兩軋 生懷山藥半斤軋 每用山藥末七錢凉水調和煑作茶湯加紅蔗糖融

化令其適口以之送服水蛭末六分一日再服當點心用之久則月信必通

果效 按方服過旬日月信果通下從此經血調和無病

按水蛭本經原無炙用之文而後世本草謂若不炙卽用之得水卽活殊爲荒唐之言  
嘗試用此藥先用炙者無效後改用生者見效甚速（三期七卷理衝丸後附有醫案  
且論水蛭之性甚詳）其性並不猛烈惟稍有戟刺性屢服恐於胃不宜用山藥煑粥  
送服此師金匱硝石礬石散送以大麥粥之義也且山藥饒有補益之力又爲尋常服  
食之品以其粥送水蛭既可防其開破傷正且又善謂和胃腑也

血崩證

天津義租界徐姓婦人年十八歲得血崩證

因病 家庭不和激動肝火因致下氣不止

斷影 初時下處甚多屢經醫治月餘血雖見少而終不能止脈象濡弱而搏近五至呼吸短

氣自覺當呼氣外出之時稍須努力不能順呼吸之自然過午潮熱然不甚劇

候證 此胸中大氣下陷其陰分兼虧損也爲其大氣下陷所以呼氣努力下血不止爲其陰

分虧損所以過午潮熱宜補其大氣滋其真陰而兼用升舉固澀之品方能治愈

方處  
生箭芪兩壹

白

朮伍錢炒

大生地兩壹

龍

骨壹兩  
微搗

牡

蠣壹兩  
微搗

天花粉陸錢

苦

參肆錢

黃

柏肆錢

柴

胡叁錢

海

螵壹錢  
去甲

茜草貳錢西藥麥角中者一個攪乳糖五分共研細將中藥煎湯兩大鍾分兩次服

麥角末亦分兩次送服

果效  
煎服一劑其血頓止分毫皆無短氣與潮熱皆愈再為開調補氣血之劑俾服數劑以

善其後

(附錄保赤良方)治小兒之書有兒科輯要著此書者為姚濟蒼君遼源友人王止孚曾贈一部書中謂小兒初生時宜急用手指蘸鷄蛋清摩擦其脊骨自下而上須着力挨次摩擦其摩擦之處即出若干粗黑毛為拔淨可免抽風及他病王君曾自試其方確有效驗因多買其書以送朋友會比鄰王姓小孩降生後不哭不乳授以此方治之現出黑粗毛若干為拔淨即啼哭食乳矣此誠保赤之良方也其黑毛之生多在脊骨靠下處擦時於其處尤宜注意見此方者若能廣傳誠積善之一道也



評語  
嘗思五經之中惟易理能包括萬有至於伏羲文王周公孔子嘗本易之象數推行以

盡萬事萬物之理者無論矣三代而後若通書若正蒙若程傳若本義若啓蒙若皇極經世莫不各得易中之精奧以垂爲壽世名言而近今名醫應運而出更有本易理化爲醫理以醫藥救世者則壽甫世講所著之衷中參西錄是也蓋余知壽甫有年矣因余素有有詩癖而其先大人丹亭先生爲近代詩家且又在比鄰是以恆相過從朝夕談讌時壽甫年在髫齡卽迥然器宇不凡至弱冠時博通五經而又深於易每與談及輒能剖析入微爽人胸懷乃至弱冠後更能力由易理推出醫理著書立說以醫藥救世活人賢者之不可測有如斯哉或疑易理本難窮由易理而化爲醫理則難之尤難况甫逾弱冠而竟能如此深造先生果何所見而能若斯確信乎余聞之忽然有感於中不覺泪下曰壽甫之於醫誠神效也昔者 先慈患腕腫證三年延醫無效及延壽甫診視數劑而天愈因素觀其所著醫稿凡至醫理深奧之處莫不引易理以爲之解釋乃深知壽甫之於醫學洵由易理推行而出者也然壽甫素裕經猷固醫國才也醫藥之神效猶其小焉者耳

癸巳季春鹽山李應熙子咸氏序於香魚書院

# 種菊軒詩草

## 自序

詩以舒胸臆乃所以適一己之性情初非求知於外人也况詩原欠佳又何必附於自撰醫學之後哉誠以十餘年來醫報宣傳各處同人聲氣相通錫純不免有以詩應酬之舉竟謬得能詩之名同人來函多勸再有書出版當附詩集於後者而四川萬縣政界軍界學界醫界諸大雅又聯名登於杭州三三醫報勸將生平詩文並附於書後乃自顧詩文皆所作無多而於醫界同人行世之新著作數年來恆爲之作序此亦足見文之一斑矣今因重違諸大雅之期望遂但將所撰詩集附載於六期醫案之後而自遴選謄錄之際忽不禁戚然有感焉憶自幼時從先嚴丹亭公讀書恆命多讀唐詩且又精選歷代名家詩數百篇以備暇時諷詠誠以先嚴素善詩自著有蓮香齋詩稿是以於教授之際恆注重於詩一日試帖詩課以天寶宮人命題錫純詩課中有月送滿宮愁之句先嚴大加獎異謂孺子異日當以詩顯名此語迄今已六十年矣而所作之詩竟同漁翁樵夫之謳歌毫無騷人風致回憶先嚴期許之語能勿深愧於心乎夫良弓良冶箕裘傳世錫純自幼

以至弱冠日侍先嚴之側每見先嚴自繪丹青圖畫必題以新詩即景揮毫頃刻可就凡有歌詠皆能爲景物繪真寫生而錫純才質笨魯竟不能上紹前徽此誠所謂其父析薪其子不克負荷者矣夫當世原多善詩名流卽吾醫界中能詩者亦不乏人其有覽斯編而閱到疵瑕之處者深期不吝指教也

登日觀峯詩並序

癸巳孟春余曾有泰山之行因爲 母祈禱病愈往叩碧霞元君也路出濟南見其湖（大明湖）山（千佛山）之美誠古詩所謂濟南瀟灑小江南也又南行百里山勢漸高行近泰山諸峯攢秀高插青雲見有轟然起於諸峯環繞之間者泰山也其氣象莊嚴不同諸峯之秀麗魯頌所謂泰山巖巖者實善爲泰山寫照也既至住山南旅次息兩日同行者邀翌日登山未及半夜卽起飽食篝燈而行循山坡北上穿山數重至泰山麓約高於平地已千尺矣山麓有門額橫鐫孔子登臨處五字入門仍北上見山路鋪青石作磴壘級而上約行五六里其級漸緊兩旁古柏夾路粗皆合抱蒼翠可愛人呼爲柏樹洞又行近十里山勢偶有平處有松三株其粗未及合抱而頂大甚平共蔭

畝餘同行者謂此五大夫松也問何以三株曰土人謂其二株不受秦封際天大雨雷電化龍飛去問此松數千年何以粗僅如許曰土人謂此恥受秦封而愧慚不長耳似此荒渺之談應出之齊東野人然亦足徵廉恥之念猶在人心也過此則山路尤緊其磴寬不容足而厚則徑尺又約行六七里其路北上忽窮因有石壁當前其高萬仞而東西夾以深澗下望無底幸有橋橫空度過東澗其石壁當橋處鐫有雲中仙步四字謂橋之高峻直可凌雲也橋之東數武有亭過橋坐此可少歇亭上匾額爲對松亭三字因亭之東又爲一深澗澗東石壁聳立壁多石縫徧生松樹近百株爲其生直壁上縱橫偃蹇奇狀異常故亭以對松名焉而松枝掩映之中見有松濤二字鐫於壁每字大可方丈真奇觀也又十餘里已近山頂有門當路額鐫南天門三字登門後一望平坦向東北行二里許至泰折爲自古帝王巡東岳祭地之處碧霞元君廟在焉廟貌之壯麗閎廓實爲生平所未覩廟庭有碑高丈餘以銅爲外廓係清高宗所立其文因太后目眚遙禱碧霞元君而愈後歷年所太后夙願未還而太后陟遐後當常依碧霞元君之左右今至泰山祭碧霞元君以還夙願並於此祭太后云云夫

文王陟降在帝左右周頌所賡也今太后陟遐在碧霞元君左右是知碧霞元君當爲至尊地母之神故居於秦折祭地之處也過此則山又起頂上行之路仍向東北約行二里強至岱祠所祀東岳之神（俗呼爲天啓廟）又二里許至山頂極高之處（俗名爲玉皇頂）自古帝王巡東岳祭天於此建有祠宇以供奉上帝由此東行半里許爲日觀峯不再起頂有石橫出東指約十餘丈寬約五丈作笏形（俗名探海石）履其上以觀日出時高三丈下望平地猶黑暗爰口占五律四韻以示同人蓋泰山極高峻四圍羣山皆未及泰山之半而白雲橫帶山腰如煙鋪地詩中之所云云皆實錄也須臾下方亦明亮南望白光界地如衣帶者汶水也汶之北有如萊畦廣袤數尺者泰安城也城中他無所見有一點如玉蜀黍粒近北城牆處同行者謂係岱祠極高峻闕廠故獨見之於斯自山頂尋他路下行以便觀覽行至二里許見有磨崖碑高約三丈上鐫孔子二字下爲積雪所遮不可見余謂同行曰聞泰山有孔子崖當是此處下爲積雪遮者崖字也過此復歸舊路徐徐下行見路旁有豐碑屹立（來時路黑故不見）其文曰自古祭天於泰壇祭地於秦折天有何形象而祭天者但祭無形象之天終覺於

心未安於斯有十二旒赭黃袍至尊至貴之神儼然臨乎其上焉地亦有何形象而祭地者但祭無形之地亦覺於心未安於斯有鳳冠霞佩手秉圭璋至尊至貴之神儼然臨乎其上焉夫人皆父天母地然父尊而母親爲其親也呼吸之間卽有感應是以人當困苦疾痛之時誠心祈禱於碧霞元君而輒有應驗云云觀此則碧霞元君爲地母之尊不尤確然可信乎此碑之外路旁猶有多碑然因同行者急欲歸寓無暇細觀及到寓時日已加申矣

夜氣蒼茫裏來登第一峯羣山丹嶂列古徑白雲封旭日觀初出青天間可通汪洋滄海  
關極目到蓬瀛

附翌日偕同人進城觀覽因憶同人在日觀臺盛稱岱祠遂至其處見周圍壘石爲牆牆上生松十餘株似皆數百年物牆南面平列三門皆作城門式而高大少亞於城門庭中亦多有古松柏祠之正殿縱橫皆九共爲一頂同人皆誇其殿宇之弘而余獨訝其殿制之異躊躇再四恍悟此卽泰山下之明堂宣王聽孟子之言而勿毀者也猶幸古制留遺至今猶得觀瞻也

遊覽既畢遂與同人出城逍遙散步見西南有山相距六七里許山形不高孤立聳秀因徐步往觀將近山處見有石碑千餘碣上皆鐫某省府縣莊某姓先人饗祀之處石工數百人所作之碑文亦如此愚心大疑詢之同人亦莫明其故山麓有神祠十所入視之皆爲閻羅像此胡爲者心疑愈甚詳觀祠庭碑文乃知此地名蒿里卽封禪書所謂西蒿里也蓋自古相傳謂人之始生魂靈來自泰山百歲之後則魂靈歸於蒿里夫泰山爲東岳東方原爲化育之始而蒿里在泰山坤位又適爲歸藏之地古說之云云似亦可信此登泰山祭碧霞元君者多祭其先於蒿里也並悟清高宗謂祭碧霞元君卽以祭太后亦猶此義也

秋日與廣平諸同人會治北學舍開軒遠眺

結舍臨畎畝秋光匝野排涼風吹雨過夕照送山來

日夕可  
見太行

豐歲田家樂鄉心遊子懷同

人欣聚首佳景共徘徊

和楊孕靈君甲子生朝偶成

步原韻

名醫間世出江左屢發祥國手年而立上元月轉陽活人今仲景賣藥古韓康愧和清風

句巴人妄濫觸

醫界君競爽前途早着鞭新春初度日化甲半周年著述紹先聖刀圭傳後賢錫齡膺善

果欣誦九如篇

貴農

邦以農爲本史家重有年稻梁勝珠玉飲食是民天

惜物命

生物供飲饌余心殊不安雖微亦性命何忍竟相殘

憫時

世運何紛擾天心問有無哀鴻飛徧野含泪獨躊躇

德州軍中觀日報有感

神州倏忽變滄桑驟雨狂風幾莫當時事愴懷增感慨天心搔首竟蒼茫英雄造世空懸憶鵲蚌相持轉自戕萬種愁思消未盡聞鷄起舞劍生光

德州衛岸感

時洪憲  
借號



浮沈世事竟年年百丈狂瀾誰障川  
傀儡登場原是戲書生扼腕亦徒然  
壘卵國運風潮湧逝水光陰歲月遷  
消盡愁思端借酒俗塵不混醉中天

秋日閒遊衛岸

西風搖落衛河邊極目雲山意渺然  
梵閣鈴聲黃葉寺漁舟笛韻白蘋天  
崎嶇命運蠶叢路灑灑胸懷詩酒緣  
且喜秋光三徑滿菊花香裏任留連

月夜獨步河上

黃河隄外水無涯星宿來源極目奢  
萬里洪濤飛雪浪一灘皓月曬銀砂  
年垂白首還爲客春老青山未見花  
潦倒此生生成底事空懷壯志欲乘槎

客居濮陽寓近舞臺時河工興舉演戲賽神班  
中有童子馥花年十五歲充花旦脚色持扇造寓求詩因成四韻爲書扇上其面色過白善笑善舞故詩中云云

傅粉何郎辨未真恍疑仙子落寰塵  
歌喉嚦嚦鶯聲舞袖翩翩鳳翼分  
楊柳臨風工態度芙蓉出水寫精神  
陽春一齣行雲遏眞箇魂消顧曲人

廣平學舍題壁並序

乙卯季夏自澶淵之南移住廣平滹暑長途頗形勞瘁至廣後借寓治北學舍地居高  
阜下臨曠野時當雨後禾黍之光油然在目繞以清流蛙聲鼓吹覺心目頓爽學中主  
講者三人爲李君濟民張君巖卿張君秀升皆博雅君子也傾蓋定交臭味浹洽遂賦  
此以誌之

征塵僕僕太行東小寓瑯環俗慮空兩部鼓吹新雨後四圍禾黍澹煙中如氈細草綠階  
綠帶露琦花傍戶紅更喜主人皆雅士快談今古興何窮

廣平模範學校題壁

瑯環福地甚清奇瑤草琦花傍短籬梵閣鈴聲風過後（鄰古刹）芸窗琴韻課餘時（課  
餘多習琴）修篁耐雪經冬茂古木參天入夏宜主講循循皆善誘菁莪棧慶培之

大名臨河旅邸春日卽事

細柳垂楊繞岸栽波光<sup>漾</sup>綠樓台流鶯百轉如珠玉沙鳥羣飛自去來水面風微情澹盪  
林間月透意徘徊內經一卷從容看又聞漁歌南浦回

客居大名清明有感

寄居蕭寺度年華舉目鄉關雲樹遮  
數盞酒從寒舍飲半輪月向故園斜  
煙迷衛岸生芳草雪霽山村見杏花  
(前二日雨雪)千里相隔俗未改  
門前插柳又家家

黃鶴樓題壁詩並序

樓在武昌城西北隅蛇山上蛇山之脈自東北而西南起伏一綫勢若長蛇至城西北隅起頂而止人呼爲蛇山頭焉山麓有紅樓三層甚高峻額署黃鶴樓實爲後世添造之樓舊黃鶴樓原在山腰日久頽廢經張文襄公督荆時重修樓亦三層琉瓦爲簷高峻壯麗名之爲樓實作閣形額署奧略樓荆人以誌文襄撫荆之功德故以名焉樓之第二層供奉文襄遺像一方人頗致虔誠是知道愛在人自與江山並壽也其上層則閒遊者多飲茶酒其中四壁題詩甚多然鮮佳作再其上爲抱膝亭在山之極高處下作兩層樓式而樓之上有亭焉在此四望知此地雖一面臨江而爲江渚環繞實四面皆水其對面爲龜山卽禹貢之大別山漢水在山下入江山介其間分別江漢故以名焉後世呼爲龜山者象形也山之坡有鸚鵡洲洲之東有晴川閣江山勝概歷歷在目夫鸚鵡洲原爲舊名而晴川閣則後世摘取崔灑詩句以爲名焉愚因之有感矣夫止

此一日之間人之登樓遊眺者不知凡幾而千古以登黃鶴樓名者獨崔灑李太白二人因此知人無百年不敝之身而有千古不朽之著作愚今徘徊此間前不見古人後不見來者俯仰天地感慨何極爰成七律四韻還題於奧略樓上非敢與前賢競美也亦略留雪泥之迹云爾

高樓突兀兀半空支此日登臨萬象卑江漢合流天影闊龜蛇對峙地形奇青山一脈連衡岳古木千章傍釣坻幾度憑欄北眺望蒼茫雲樹起鄉思

### 漢皋江上偶成

時當三次革命南方不靖余偶至漢皋見其江山之美竟南北分裂實有風景不殊之感且際此列強環伺毫無禦侮之策而惟圓牆是力真堪令人浩歎也

敢將詩酒傲王侯瀟灑閒身幸自由天地有情容放浪江山多致任勾留壯懷空擊祖生楫高蹈期隨范蠡舟世事茫茫難逆料滄桑不改舊神州

### 自漢皋還至保陽卽事

北還小住保陽東度却春光夏又逢布穀飛鳴芳樹外垂楊搖曳淡煙中青山不斷太行

脈微雨吹來大海風清酒一樽消世慮閒愁不使上眉峯

題東明縣漆陽書院

征塵僕僕大河濱偶至瑯環景物新拔地危樓紅射日參天古木綠團雲社餘宰肉識王  
佐（陳平此縣人）濮上觀魚悟道心（莊子爲漆園吏處）流覽此邦多勝概抗懷希  
古伊何人

和友人李心泉自詠原韻

未酬壯志鬢先霜世變倏然一劇場躍馬英雄徒熱惱騎驢居士自清涼掃除俗慮襟懷  
闊詠就新詩翰墨香慧業如君磨不盡浮雲富貴豈能長

詠菊詩並序

愚性喜養花於羣花之中又最愛菊以其性能傲霜且又種種色相盡態極妍而毫無  
俗意門前有隙地畝許結屋數間編樹爲籬種菊其中外有清溪護繞恆自汲溪水以  
灌菊畦至重陽節菊英吐豔滿院芬芳與二三契友飲詠其間亦隱居之樂事也

紅紫百般孰傲霜菊花原自殿羣芳東籬月冷添幽豔老圃秋深聽主張不共春華爭富

貴獨留夕秀振頽唐邀來佳客同欣賞觴詠花前詩幾章

詠菊 在奉省作於錫鈞翰林座上

百花凋謝此花香骨格由來能傲霜點綴秋容存老圃扶持晚節仗孤芳陶公開徑煙霞古騷客餐英風味涼幸有仙翁堪作伴朝朝相賞興偏長

正月上旬懷友人楊杏村

律回太簇又逢春忽憶薊門有故人慷慨胸懷班定遠精明韜略馬服君英雄造世盟夙志臭味相投契素心雲白山青千里隔何時晤語滌塵襟

和張漢槎自題避秦居原韻

多文爲富不憂貧寄傲名園孰是鄰栗里歸來同靖節天台小住擬劉晨囊中錦繡詩成癖筆下煙雲畫有神滿眼秦坑火未熄清涼居士獨伊人

琦行不顧恆流噴世外煙霞寄此身傲骨嚴霜存碩果清標明月認前因偶逢舊雨談詩畫常對青山作主賓記撰桃源原自况品同五柳卽仙人

又疊前韻

茅簷穩住莫愁貧，翠竹琦花都是鄰。世外煙霞成大隱，箇中風月度良晨。消磨壯志權行樂，嘯傲名園靜養神。詩酒陶情皆慧業，羨君長作散仙人。

寄語恆流且莫曠，蒼天留得等閒身。潛龍事業先藏用，附驥勳名恥有因。行樂略爲千日醉，傷心未見四夷賓。東山謝傅豈終老，尙作羣生託命人。

和宗弟相臣詠懷二律原韻

想像豐神五度年（相契五年猶未覩面）兩心相契默通玄。刀圭濟衆功無量，珍異羅胸書幾篇。救世期弘胞與願，活人非爲姓名傳。萱堂多壽子繼業，積善門庭自古然。

戾氣中人似虎狂，靈丹救苦病何傷。術同扁華今誰伍，藥覈寒涼昔徧嘗。臭味芝蘭深結契，逍遙身世任行藏。羨君洞徹隔垣視，臨證何須細較量。

和胡天宗五十自壽原韻

劍鋏羞隨俗士彈，浮雲富貴等閒看。志存濟世弘胞與，水飲上池見肺肝。醫國經綸原素裕，活人千萬更何難。年華半百逢初度，菊綻黃英正可餐。

數卷書成寓化機，軒岐奧理想非非。神明勞瘁奚暇恤，黎庶痲痺甚可悲。既倒狂瀾憑挽

救多歧醫術定從違羣生普渡功無量煦物深恩同曙暉

感慨同胞憂採薪抗懷希古貴求真經研靈素深參奧理匯中西妙入神願力慈祥能廣  
被陶情詩酒不妨貧地仙歲月閒中度隨意逍遙江水濱

吳江楓冷葉丹黃隱士堂中共舉觴淡於爲官早解組偶逢作賦喜登場功回造化人同  
壽德被蒼黎後自昌調劑陰陽身不老籌添海屋記滄桑

詠遼寧城東萬泉河並序

遼寧氣候寒涼花木遲發未至其地者恆疑殊少佳景而靈秀所鍾隨地呈露一邱一  
壑自有洞天因景物之天然又加以人工點綴誠有令人賞心悅目者遼寧城東之萬  
泉河是也河在城東稍南二里許平地出泉若干匯而爲澤廣四五里澤積滿則流而  
爲河出向東南注於洪河澤中水深四五尺無雜草盡種荷花有隄相通隄勢蜿蜒曲  
折分歧旁達隄多斷處以通澤水便舟楫往來上皆橫橋以便行人落霞飛虹皆其中  
橋名而橋之形勢亦如虹飛霞舉高跨水上綠隄兩旁皆植楊柳澤之四面亦多楊柳  
護繞水上樓臺數十處皆極工巧華麗或爲歌館或爲茶社酒亭分住其中當荷花開



時乘輕舟游泳其間柳陰垂綠蓮蕊飄香舟行緩緩風浪無驚時聞歌韻悠揚管弦清  
越四五契友圍坐談心時浮以大白快何如哉爰賦詩以誌之

奉城勝地屬東隅乘興遨遊縱目初跨水飛橋虹倒影緣隄曲徑蟻穿珠蓮花世界真香  
國楊柳樓臺入畫圖幾度萬泉河畔立恍疑仙境是蓬壺

和徐韻英二十感懷原韻

青年日月未蹉跎百歲光陰來正多志士惟期身有用達人不問命如何精金冶鍊方成  
器美玉磨礪或借他不世才華當奮勉居諸分寸莫輕過  
英奇間出何論年生甫弱冠已卓然學問漸深同蟻術才思日進效鶯遷囊中有草文成  
錦筆底生花色更媽權藉刀圭廣救世杏林春暖豔陽天

感時

茫茫國運未逢涯極目遙天雲霧遮來往要衝皆壁壘村莊何處樂桑麻園牆有力侮誰  
禦濟世無權忿自嗟五夜聞鷄思起舞古希垂老感年華

呂鏡宇尙書八旬晉五壽誕兼重逢赴鹿鳴之期誌喜

富貴神仙元老身逍遙歲月隱風塵薊門耆獻存遺愛桂苑馨香來舊人南北飛輪開經

路會督修津路歐羅奉檄靖夷氛會出使德生平勛業垂青史大德由來壽莫倫

傳經家世舊名儒伯恭後裔澤被蒼生信不虛拯救戰危倡結會首創中國紅十字會旬宣秩滿共攀車會以常鎮道內

擺遮道攀留者以萬計精神矍鑠邀天祐時事嫻蟬避地居住節重陽菊酒熟稱觴共祝壽山如

放紙鳶 在奉時內子王壽芝常與女校往來一日校中以放紙鳶命題或詩或文

皆可壽芝向愚述之因成七律四韻壽芝亦擬文一篇略為潤色附錄於後

誰把長繩向太空製成紙鳶竟知風冲虛欲伴九霄鶴遇順恍如千里鴻翔止全憑操縱

穩飛騰不仗羽毛豐吹嘘直上青雲路天際盤旋賴化工

附錄有大學畢業女士暮春之時郭外閒眺見鄰家二女生因星假得閒共放紙鳶見女士

來喜甚言我二人原擬邀姊恐姊喜沈靜不敢造次今何幸姊亦來此女士曰此地樹

木叢雜非放紙鳶地也林之西平蕪十里一望寥廓以放紙鳶其地最宜於是相携同

至其處果見綠野平鋪遙連天際遂將紙鳶縱放高凌雲霄其時夕陽返照彩霞繚繞

地影天光上下映徹遊翹其間者直若畫中人物女士顧而樂之因謂二女生曰三春

芳草地一線夕陽天古人詠紙鳶之詩爲此時景物寫照宛然逼真惜此時無攝影具攝取此景懸之室中常作壁上觀也二女生曰姊姊吐囑風雅必善吟詠可謂女詩家矣女士曰此何足道纔所述之詩不過描寫放紙鳶之景耳至紙鳶之命名甚有精義汝二人知之否乎答曰將毋因用紙製成狀如飛鳥乎女士曰若然則名爲紙鶴紙鸞紙鴻紙雁皆可而何獨名爲紙鳶耶蓋鳥之飛也必鼓其翼而鳶則直舒其翼盤旋空際故中庸論化機之上察徵諸鳶飛戾天紙鳶亦無事鼓翼而自然翱翔此所以名爲紙鳶之一義也又風之將來也鳶恆先風而至盤旋空際故禮謂前有風則載鳴鳶以其善知風也紙鳶有風則起無風則落其善知風彷彿若鳶此名爲紙鳶之又一義也二女生聞之欣喜異常齊聲讚曰今而後知我姊不但爲女詩家更爲女博士矣談笑之間已屆晚炊將熟時遂收却紙鳶携手談心緩緩而歸不覺其途之長也

詠傅星橋表兄元配劉孺人詩並序

傅星橋表兄資稟穎異髫齡入泮爲邑名士元配劉孺人出滄州望族詩禮門庭素嫻內則適星橋時舅姑早亡惟祖舅阿平公患痿獨存孺人佐夫事其王父朝夕罔懈閨

內諸事纖悉就理宜室宜家之什洵堪爲孺人詠焉不幸星橋早世當病危時孺人割臂和藥焚香籲天乞以身代其心亦良苦矣時其諱嗣金樞甫五歲孺人柏舟矢志撫孤恩勤教養備至鄰里重其懿行共爲呈請旌表至斯孺人之苦衷藉以少慰迨民紀戊辰年近八旬以壽終其諱嗣金樞長號泣血幾至滅性殯後猶恆繞墓號泣哀感路人如此純孝誠得於母教者深也爰賦此以廣颺之

婺女光臨渤海濱篤生淑德振彝倫忘身救壻心何苦無愧大家同始傳裏人

自古三遷孟母傳家有母嬾前賢撫孤教養恩勤至有子克家豈偶然  
暮春閒遊衛上

意境  
衛岸閒遊竟忘歸緣隄細草自芳菲苔磯鎮日從容坐獨對春風看燕飛

僻處深山不厭深山花山鳥泮閒身開軒朗朗三更月照得心頭悟道心

題友人張子平別墅 別墅在許孝子莊門外有許孝子墓

故人家住屯河濱別墅晴開景物新門外荒臺孝子墓千秋原可結芳鄰

秋日在大名偶眺河上

西風颯颯雁聲涼，夾岸園林逗晚芳。欸乃衛河船欲泊，鷓鴣頭滿載菊花香。

和李心泉詠黃梅詩原韻

皎皎梅花白雪光，如何此樹色偏黃。祇緣高居羣芳首，青帝催他換素裝。

春日有懷 此與內子王壽芝議親時作議親之前曾來院診病故詩中云云

風和日麗淨無埃，彩鳳喜從天上來。幸有梧桐春正茂，雙棲得地莫徘徊。

問余奚事最傾心，石上三生憶舊因。無限幽思情脈脈，彩雲何日再來臨。

季春誌喜 此與壽芝完婚日作當時來賓知新人能詩多強，新人作詩壽芝確辭

愚曰：夫倡婦隨爲禮之正，遂援筆書此，卽以紙筆授壽芝，壽芝果依韻相和來賓齊

稱讚，同時來賓中和者數人，並將諸詩附錄於後。

武陵小隱近仙家，洞外烟霞洞裏花。幸遇知音作伴侶，同修慧業駐年華。

附錄 阿儂從不羨仙家，雅士喜成並蒂花。茅舍竹籬甘淡泊，此心久已洗繁華。壽芝

幾生修得到仙家，難遇雲英解意花。石上因緣天上侶，人間不必問年華。李翰宸君

烟霞深處有人家，尋到桃源便見花。漫道漁翁迷舊路，武陵春色本繁華。趙漱塵書

醫林巨擘屬君家，名望偏驚闔苑花。締結忘年佳侶伴，他時携手赴龍華。苗孟蘊書

題楊如侯君靈素生理新論中肖相

道貌靄如太古春，天人合撰筆通神。內經精義融中外，仲聖而今有替人。  
莫道書生無相才，經論小試亦安懷。慈悲大衆恆河數，前度如來今又來。

自題衷中參西錄中肖相

藐焉俯仰地天中，遭際嶙峋百慮空。獨有拳拳消未盡，同胞疴瘵繫私衷。  
慘淡經營幾度年，此心非不愛逃禪。欲求後世堪持贈，長作千秋未了緣。

題友人張叔翔與全連軍士攝影

翩翩儒將士，赳赳指臂相。連秘運籌三十六人，抵西海班超事業驚全歐。

詠藥中白頭翁 邑治東有古城址，基愚偶登其上見城陰。多長白頭翁而彼處人

固未之識也，因剖取鮮根以治血證之困熱者，甚效爰賦詩以誌之。

白頭翁住古城陰，埋沒英才歲月深。偶遇知音來勸駕，出爲斯世起疴沈。

題軍士魯廣達肖相

冰雪聰明秋水神學成韜略幾經春茫茫塵海誰青眼落拓英雄竟至今

題蘇明陽君肖相

天地新學社主任

一點靈台萬象含千秋慧業靜中參從今開闢新天地掃盡西人荒渺談

題張鍾山君肖相

天地新學社副主任素修道工夫故詩中云云

瀟灑風塵一介身茫茫何處問前因鍾情吐納悟玄妙君是蓬萊舊主人

題姜指歐君肖相

天地新學社編輯主任

珠玉丰姿秋水神文參造化筆超羣毛錐不是封侯業定遠功名須待君

題優伶孝女詩並序

愚於民紀七稔應遼寧立達醫院之聘星期得暇恆出外消遣一日觀劇於會仙茶園見有女優金翠紅者年近三旬充髻生脚色演回荆州柴桑口空城計諸劇形容盡致聲情逼肖而眉目之間時有英氣流露毫無女子態度心甚異之歸向內子壽芝述之壽芝曰此人我甚知悉其本姓劉名荆玉金翠紅其所託名也其家亦棲霞與余家同

移居安東爲比鄰自幼在女子學校讀書穎悟過人其年少余五歲當其十一二歲時放學歸家恆執書相質問余愛其聰明秀婉意態憐人每盡情爲之講解視之如妹彼亦視余猶姊焉及余留學東洋數載始歸其所住之宅已易他姓細詢之始知荆玉廢讀學戲其家已遷居奉天矣蓋其家原無恆產荆玉又無兄弟一家數口賴其父劉翁作小經紀僅能餬口後因劉翁臂疼病廢養殖不給荆玉不忍雙親凍餒遂棄讀學戲慚執賤業諱莫如深故託爲金翠紅焉其演劇多在奉城是以舉家就居之余初來奉時觀劇亦在會仙茶園荆玉見余在座出班至座前殷勤款待極道契闊因執余手曰不意今生猶得見我姊言之淚隨聲墜余亦悽然淚下又爲另備茶點其眷眷相依深情猶如十二歲時也余曰彼已嫁人乎內子曰未也彼孝女也出嫁恐不能養親且其立志清高俟雙親百歲後當入廣寧山中（卽古之鑿巫閭山）祝髮空門長齋繡佛曾再三勸喻其志堅不能奪蓋揣其意以爲十餘年混迹靡麗場中其結局不如斯不足自明其清白之身也余聞而嘉其孝且悲其志因賦詩三章浼內子轉寄之荆玉得詩良喜來寓相謝且曰從前因事賤業不敢輕來貴寓相溷今既如此垂青荆玉何敢自



外從此數日輒一至從內子學風琴略撫弄卽成聲調後因漸稔愚勸以及時出嫁爲  
女子正規彼仍堅執素志愚曰許字得聘儀亦可養親若欲長生雙修中自有神仙何  
必求之於寂寞中也因歷舉籙史攜弄玉上昇唐詩人陳陶（卽八仙中鑿採禾）夫婦  
同登仙錄諸事告之荆玉慧心人似有會悟笑而頷之

雲英本是謫仙人演劇登臺爲養親靡麗場中完素志清風明月認前身  
美玉精金莫指瑕超然出俗洗繁華觀音大士慈悲甚願借祥雲護瑞花  
蘭蕙山來稱國香蹉跎數載伍羣芳他年得了清修願名列仙班第一行

中秋望月

中秋節住衛河濱消盡烟雲寶鏡新大造似嫌多戾氣月華如水洗乾坤

題友人張海如所畫山水圖

萬山合沓樹槎枒一徑羊腸雲半遮遙指蒼茫烟水裏漁樵相伴是誰家

寄友人朱鉢文

如何傾蓋便傾心臭味相投非自今慧業同修來淨土三生石畔問前因

經綸富有識超羣國士假蹇竟至今若得指揮天下事神州何患徧烟塵

題康變忱色門棒喝集

一掬慈心筆下傳行行珠玉驚青年果悟大士低眉意便是紅塵不老仙  
百年壽命最堪思莫負彼蒼賦畀奇啓後承先擔荷重况復國運仗撐持  
漫道蓮開並蒂紅女戎自古困英雄瑤編字字精心讀參透禪宗色是空

詠史

天生王佐本興劉初志爲韓焉得爛滅項亡秦資漢力英雄終復舊君仇  
出師兩表炳千秋三代英才漢季留天下指揮猶未定動名已可比伊周  
強師屢墮鎖從容決勝謨成遊眺中報到捷音方對奕東山氣度果恢弘  
捫蝨談笑度恢弘將相兼才國士風正朔關心覘素志偏邦佐命亦英雄  
神仙骨格燕臣衷兩定儲君默建功重造唐家資廟算漫云將相不相容  
良醫良相兩盟心濟世活人念念深更有文章光日月千秋俎豆重儒林  
興亡兩代歷遼金隱託角端感主心涕泣陳言回劫運一團忠愛貯胸襟

難星能識功最奇王佐有才感主知華夏重興資輔弼祥雲預兆隱居時

題明季費宮人故里 愚在天津寓東門裏大街路北路南相對卽明費宮人故里也愚素重費宮人節義非常因賦此以弔之

爲國損軀烈烈風卓然巾幗出英雄渠魁未殲終齎恨愍帝有知憫苦衷  
猛將闕如虓虎狂身經百戰助強梁一朝斷送纖纖手李逆魂飛魄亦亡

立春日遲楊杏村不至

嚴冬消盡意徘徊渺渺余心獨遠懷北向薊門幾眺望春風不送故人來

湖北道中

春山缺處露桃林翠竹蒼松掩映新綠水一灣斜抱去苔磯獨立釣魚人

觀劇偶成

乙卯之歲客居濮陽時河工興舉演劇賽神班中有童子名馥青者年十四歲充正且脚色風神瀟灑氣度從容最善於舞臺之上爲烈女節婦傳神寫照每演至悽惋之處則聲泪俱下旁觀亦多有泣下者而余下泪最多故賦詩以誌之

雙眉澹掃善顰顰瀟灑風姿秋水神聽到歌喉聲咽處青衫司馬半濕襟  
裝成嫋娜恁多情一齣驪歌泪欲傾漫道大羅天上曲人間不得聽分明  
雅韻隨風來月宮悠然響遏白雲橫如何仙子多幽恨常作梨花帶雨容

和友人何筱棠贈妓原韻並勸筱棠爲之消籍

珠玉精神白雪心可憐孽海竟深深何郎本是揮豪客欲贖蛾眉詎惜金  
琵琶一曲奏潯陽逝水年華徒自傷且喜徐娘身未老臂盟早定有情郎

慈谿張生甫君六句壽詞

天目兩乳長瑞脈赴錢塘龍蟠又虎踞宋代曾發祥餘氣尙磅礴直走慈谿鄉水環山抱  
處少微下垂芒伊人誰宛在張君讀書堂胸中羅萬卷邦家儲棟梁舉世無眞賞荆璞沽  
莫償出山曾小試驥足難騰驤解組旋飲至歡迎動一方黎庶苦疾阨先生熱中腸刀圭  
活萬衆生佛姓字香心得難自秘簡冊錄彰彰要旨虛勞著醫學達變詳（著有虛勞要  
旨醫學達變二書）風行徧海內不爲名山藏先生善養生精神日倍增歷年周化甲意  
態自縱橫有如松柏茂百歲不凋零太簇律回新先生初度辰中旬有三日華堂集嘉賓

共祝仁者壽紫霞杯滿斟歲月既可假著作更等身醫界仰山斗流澤萬千春

贈友人楊杏村

丙辰之歲客居德州防次有見習員楊杏村者居同院宇朝夕相談讌見其器弘識遠  
議論風生遞談救時之策如述家珍司馬德操云識時務者爲俊傑余今喜遇其人爰  
作歌以贈之

保陽有偉人居滯水濱聰明本天授志氣憤風雲胸襟羅萬有學術貫古今指揮天下  
事如觀掌上紋縱橫億萬里上下幾千春雄談驚四座聽者振精神說同生公法頑石亦  
傾心同胞苦飢溺豈能長山林投筆班定遠請纓漢終軍同此七尺軀後先相追尋

謝何筱棠贈詩爲題扇上並爲畫蘭於扇

山左有高士飄然海鶴姿居近王貽上（新城人）後先相追隨文章排屈宋風裁等由夷  
大才難爲用抱負絀敷奇沙麓初相遇莫逆兩心知殷勤獎勵意寫作扇頭詩更爲畫幽  
蘭龍蛇騰筆端國香况國士自喻風骨騫竭成芻蕘句難答意綿綿

題畫 童子高振先者友人錫三之諧嗣也自髫齡已善書畫曾爲畫山水於扇端

四題其上

種松作龍鱗硬幹撐濃雲  
白山潑黛草色蒙茸新筆端  
造化景物逼天真

題友人祁仲安肖相

北海有高士  
翛然雲鶴姿  
抱負濟世略  
落拓不逢時  
閒居多韻事  
行樂任天倪  
作畫學摩詰  
作書學羲之  
彈琴多古調  
知音少子期  
更悟養生理  
立奧師希夷  
身有九仙骨  
何須一品衣

輓陸軍中將黃華軒公

衛岸風寒草色枯  
日光黯黯雲糝糊  
林鳥悲鳴廐馬嘶  
旌旆烈烈樹扶疏  
景物觸懷何慘澹  
壁壘依舊元老無  
元老爲誰我黃公  
綸巾羽扇漢伏龍  
民國肇造  
蠡賊起公鎮河朔  
靖刁風國家依公將  
大用將星忽墜太行東  
才堪濟世竟不壽  
搔首直欲問蒼冥  
今日萬衆齊灑泪  
我爲公哭又爲公賡  
吁嗟我公遺愛在人  
兮德被羣生保障一方  
兮萑澤風清撫卹士卒  
兮待以心腹功垂異禩  
兮勳銘鼎鐘不朽有三  
兮公身皆備神明之壽  
兮天地無窮同胞薰沐  
兮共薦馨香大招賦罷  
兮我心悽愴公感虔誠  
兮彷彿來饗驂鸞駕虬兮空

際翺翔俯仰乾坤兮倍倍增感慨黃泉碧落兮極目茫茫

擬諸葛武侯祠堂對聯 奉天高等師範題

學爲帝師木爲王佐六伐七擒廿餘載鞠躬盡瘁  
難迴者天不磨者心陣圖師表億萬年浩氣長存



# 中華民國二十一年季秋上旬出版

定價銀幣壹圓陸角一次買五部者外贈一部郵買者不加郵號費

著者 鹽山張錫純壽甫

參校者 天津劉誠柱砥中

發行處 天津中匯通

天津東門裏路北  
對齊家胡同北口

印刷處 天津華新印刷局

東馬路六吉里內  
電話五局三三八

內務部 立案給版權

附記





衷中參西錄前三期合編價兩圓叁角一次買五部外贈一部郵買者不加郵號費

衷中參西錄增廣第四期卽藥物講義價壹圓陸角一次買五部者外贈一部郵買者不

加郵號費

衷中參西錄第五期價兩圓一次買五部者外贈一部郵買者不加郵號費

右書三種加六期爲一全部一次買全部者廉價柒圓



